

YU260115
52
:103

當陽縣志



當陽縣志序



晉過却歷國遐邇名區每
懷嚮覽有耳目之所及即
有耳目所未及誠以一代
之治一方之蹟貢賦輿俗

當陽縣志



序

一

未可得而全知也士民之
淳漓吏宦之賢否又何從
而晰之况欲周知天下之
務未有不按圖披籍而能
遍悉無遺者蓋世運推移

代以文字著明自唐虞迄
三代尚書春秋遂已該之
周秦時猶於四八月遺輯
軒之使求異代方言還奏
藏於密室此孰簡於朝與

載筆於野者無殊理凡序
志乘者久已詳之矣乙巳
之龜龍奉

命佐荆越四年已酉代庖
茲土閱城垣樓櫓俱廢

人稀爲予難之予曰士人
服古入官行吾志焉爾敢
與地方事難易哉遂捧符
就道叱馭星馳履境之初
忠車流覽遠望青巖玉泉

諸峯鬱蒼綿亘近漱沮澹
清溪諸水澄澈縈環雖涸
散之遺村煙落落而山川
之樾秀蔚然人物之薰接
震舉當不得以詳先視之

矣抵任後時當新歲承上
接下案牘方殷將欲周觀
勝繁而未遑也迺

上徵邑志飛檄頻催詢厥
由來乃知當志一書於斯

當陽縣志

序

○四

簡殘篇之餘正經擬篆

婁公與邑薦紳碩彥遠

蒐近輯搦管成帙授之梓

而未告竣也因亟請彙本

披閱之則見夫山川紀也

方物詳也名臣大儒文章
政教悉班班可攷也纖臣
靡遺瞭如指掌矧其間搃
詞簡雅寓意風規足爲千
百世之鑒觀者更非小補

於都哉新謂續先啓後必
待其人曩公與邑紳士其
旣歸歟諸君子任其勞予
竊享其逸矣雖然予之所
應爲者諸君子有以先之

諸君子之欲爲而未盡舉者予安可不有以勸之則如學宮之傾圮未修也城垣樓櫓之敝缺未補也武安文定諸名蹟炳炳麟麟

皆未能輪奐聿觀也從此漸次整理俾廢者全興誠予之責也夫予敢不勉


肯

皇清康熙九年歲在庚戌春

仲之吉

賜進士出身知當陽縣事古

任城事芳佳木甫撰



當陽縣志

序

七

當陽縣志序

粵自列侯貢俗太史觀風
方陳輿獻上之

帝廷歷三代漢唐以迄今茲
代有成書誠以山川之勝

方物之殊人情土俗之淳
漓詰士賢臣之出處以及
政賦德教之驚簡盛衰靡
不具載詳攷稽資治化也
所關益甚重哉我

朝

定鼎興學崇文廿餘季求
博求典籍其於天下之志
乘一書不啻勤勤勸纂矣
然或海澨山陬篇殘簡斷
續先啓後必待其人于茲
以已酉季夏

陽照志

序

三

命

授當陽鄧聞吾鄉游楚者
道邑荒疲狀謂殫九疇道
萬山交錯兵燹游加土

脩復非可以日月計謁
聖宮傾圮過半請於
上捐金以爲紳士大衆倡
復弁言以廣之皆樂趣第
稽事未畢不遑舉工憑吊



文定公墓亦捐脩祠宇為
經學名臣護至於邑志尤
闡前繼後之最重者劫灰
後僅存殘簡亥豕殊甚錯
譌不倫今際

廣勵文教雖遐方
初附其思脫劍入學沐浴
新治吾郢

郡憲張公經營裁輯巍然
大篇與益襄陽宋大夫今

當陽縣志



序

四

古頡頏至今白雪蜚香蘭
臺吐秀誠盛事哉

諸上臺復風喻州縣搦管
揆藻同光載籍以脩通致
郵傳徵取當志不翅一而

再々而三久無以應
上命矣志之興廢存以新傳
於織炬懸千鈞於一縷亟
亟此時爲然作吏一日即
思仰體



朝廷弘文至意不敢一日
怠若事東邑中士夫文學
集玉陽山殿清几案肅供
具適館授餐徃還諮度勗
諸君子抽思濡毫俾得藉

手觀成早付剞劂爰是取錄舊志併丙午年紳士纂擬別彙合而釐清裒益之或爲脫稿或任叅稽或加潤色自明崇禎庚午及

康熙己酉數十年間去亂就治另闢州縣暨西征大舉今始備載兩閱月而告竣送龍校正案牘無瑕稍加刪酌解囊募刻一條閱

焉而治亂得失因革損益
上下千百年事歷、在肩
睫間非但廣耳目將為觀
風問俗者一助云梓成特
以首言紀事非敢謂序嘗

當陽縣志



序

〇七

康熙八年孟冬月望日

承總郎湖廣安陸府荊門

州同知州事署當陽縣

事古越婁肇龍撰



當陽縣志目錄

卷之一

輿地 星野

沿革 事紀

疆域 山川

風俗 方產

卷之二

田賦

卷之三

當陽縣志



目錄

〇一

方日 表馬

城池 守禦

隄防 公署

坊衛 鄉市

津梁 畧祀

封爵 職官

卷之四

選舉 治行

人物 僑寓

卷之五

古蹟 丘墓

寺觀 禪宗

仙籍 祥異

雜談

卷之六

藝文 上

卷之七

藝文 下

當陽縣志

○目錄

三

卷之八

詩 贊銘

凡例

一邑中沿革事紀稽之前史采之近代無徵者不書
義取簡要便於披覽

一山川多經前人題品間有前志未載者搜出以便
遊目

一田賦戶口邑有定額兵燹後荒多熟少歷年編審
歲賦增加不等謹依康熙八年刊刻賦役全書庶
無舛謬

一典祀舊以文廟升寺觀首似為不倫今首文廟壇

常陽縣志

凡例

〇一

壇次之魯賜春秋祭者次之寺觀另為一目

一封爵多人事紀止列杜預舉其重耳餘詳在封爵

一治行人物語多者另傳少者著職名下或選舉下

述有詳畧非人有軒輊也見在者依往例不立傳

一孝友貞烈有關風化前志已載者存之墨經兵火

續載僅得數人多湮沒不傳不敢妄附

一地封邑無多載依舊志著各子孫下不別為目

一古蹟邑中較多如鬼谷屬遠安龍興寺舊為玉泉

別院久割入襄陵俱不列入

一古今藝文歷年久或惠政在人者不必文盡工備
存之凡有關建置公宇及邑中治務者為一帙不
與山川紀勝同例

當陽縣志

○ 九例

〇 三

當陽縣志歷修姓氏 前無列

明萬曆四年 丙子

任夢棟 字山甫南直休寧人

姚會 邑孝廉

邑庠葛希俊

崇禎三年 庚午

曾應賓 字君利編連人

黃聖年 字逢永廣東南海人

羅繼思 邑明經

當陽縣志



姓氏 附凡例後

〇三

邑庠葛 睿 歐陽煥

陶大賢 陳宏志

聶登第

紀其姓氏者何皆人之善未可沒也庚午一修聶子
登第出所藏舊乘盈箱以備采輯因是得有舊書今
茲之役非劉子鴻儒拾殘編於灰燼之餘編管者奚
所從事後之君子其永念執守約主人語

總論

攷禹貢荆及衡陽惟荊州註甚詳此地之著於虞夏者周爲權國武王克權國始入於楚吳如郢王奔隨吳復伐楚徙都都當有變城應爲避吳北遷時事吳伐陳楚救之赤雲如鳥夾日而飛昭王卒於軍中當有昭丘又其歸櫬時介漢景析江陵地真當陽縣江漢沮漳兼有之後割地分疆而版始狹其置州置縣代亦不一明洪武十三年復當陽舊治嘉靖十年改屬安陸此分州建國設縣之大略也古制田下中賦上下當土磽确自不

當陽縣志



總論

〇一

能與荆魏同陸抗守江陵有海墮孟瑛亦引沮漳水注之今沱江秋汎上湧與沮漳合雨集當境諸湖汪洋相接頗有萬城大隄障之荆土始不爲壑是設險在水防患亦在水當之易旱易潦有然以治亂論之春秋時已多故由新莽及三國舊壘猶存晉初宋末南北相持如其焉當其其樹明至

慶隆初始獲大定蓋緣介處荆襄無險可恃而西望萬里崇高伏莽出沒不測古今談守禦者稱難若名宦汎濫多理學循良志氣著述前載經史近著傳頌表

秦與山川同氣焉爭此土者不勝紀高季昌州竊不足
言楚拓地數千里救國與周同以乃平王責禮信讓不
為昭許而伍胥者俗封豕長蛇辱故主走嗣君致吳人
而許無度非包胥一哭驚熊後幾不能身行宜其報之
烈也豈可畏哉

邑庠許登儒識

陽縣志



總論

二〇

當陽縣志

當陽縣圖

東抵荆門

西抵

南抵

北抵

東抵

南抵

圖

〇一



當陽縣志

圖

二

臨漢津陵
邑人徐山画




常陽縣志



圖

三

公署圖




當陽縣志




圖

四





學宮圖




當陽縣志



圖

六



當陽縣志卷之一

安陸府荆門州同知署當陽縣事婁肇龍重修

儒學訓導王圖永

典史魏承然編梓

賜進士出身任直隸河間府任直隸知縣楊州秀

恩貢監候選縣丞東引之

生員許登儀

賈克生

李映蘭

當陽縣志

卷之一

〇一

汪鴻胤采輯

張肇元

熊虞

曹嗣吉

羅明慧纂訂
熊廣生

輿地第一

禹貢荆山層稜而西百餘里曰景山是為荆山之首景

山出沮水荆山出漳水二水東行而山自西發其入

縣西北界者曰青谿山連亘而來為分水嶺嶺之東

支爲巖烈廟諸山折而爲巴公嶺鳳凰山其停結爲
玉陽山治城依焉分水嶺之西支爲玉泉山玉泉出
焉是爲城之西障其兀立於南以捍沱江者紫蓋狼
尾諸山也屏蔽城北者爲九子三牛綠林諸山連亘
而錯列於沮水之東北者爲龍泉諸山當玉川沮川
之交者許由山也其從東來而卓於漳水之上爲城
之東障者爲方山爲廣福山消溪山焉沮漳東南合
潞之間有三星圓臺湖陽德勝諸山其外則平隰沃
衍濱於江沱焉邑地勢西高東下勢若達瓴扼巴蜀

當陽縣志



卷之一

〇二

之吭拊江陵之背以襄鄖爲藩垣以長林爲唇齒蓋
自昔四戰之地云

星野第二

晉書南魏八翼十度蓋起翼七度至十度主南魏也按
南魏北起襄陽宜城南漳遠安歷當陽以漸抵於荆
安諸屬而終於華容而襄陽實接均州光化穀城棗
陽隨州爲南陽之南境乃荆豫之交均州光化起張
十七度穀棗終翼六度襄陽起翼七度華容終翼十
度以道里四停之當陽仍屬翼七度也若舉分星則

此說近之

論曰近掌故家即彈丸地固不考天官據分野徒資
姍笑然其說在不敢廢也今特表其近者存故事云
然余聞軫旁一星實主長沙以此推之千八百國何
獨不然且以全楚論楚之在域中也不猶當陽之在

南魏乎乃既分鶉尾周禮鄭註復候熒惑史記吳楚

熒惑占又繫星辰史記辰星以其宿命國正四時而

且曰主衡星經王曰主璇宋志北斗第二曰主上臺

宋志太微垣上臺曰主天市宋志天市垣西藩十

當陽縣志

卷之一

〇三

主帝車張衡云五車星五帝座也東南幾兼經緯垣

野而有之然則當陽雖蕞爾夫豈不足以摩張動軫

步臺測衡也哉

沿革第三

成周時有權國蓋今邑分土之始權國在禹貢荆山之

南二百餘里東界邛今景陵京西界夔今夔陵南

界羅今枝江鄢今江北界廬今南漳國城在內方之

東南

周惠王元年楚克權遷於那處按杜預左傳註權國在

沔水自荆城東南流逕當陽縣章山東南會權口
道元註章山即禹貢內方山權水出章山東南流逕
權城北右之權國也東南有那口城權水又東入於
沔致內方在荆門州東南晉隆安以前尚屬當陽以
楚嘗封越章王於此因稱章山唐司馬承禎煉丹於
此又稱曰馬僊山

秦為郢縣地

漢初為南郡江陵地景帝析江陵地寘當陽縣屬南郡

三國蜀以編都地為荆州領當陽時吳襲荆州魏表孫權領荆州牧又

於襄陽南荆州盖有三荆州云

魏取編都當陽屬南荆州時邑為吳魏邊境重地南荆

晉隆安五年析當陽及編縣地寘長林縣此為荆門州

當陽縣志 卷之一 〇四

名始於唐末立武寧郡領之

梁析當陽地寘安居縣時為西魏區遷都江陵故取此

西魏析當陽地寘綠林縣立上黃郡領之別立章山郡

後周以當陽及編縣地寘平州領漳川遠安二郡

隋開皇七年改平州曰玉州屬荆州總管府九年廢玉

州及所領二郡改綠林曰章山十八年改安居曰昭

丘大業元年改昭丘曰荆臺今有荆臺鄉尋廢入當陽縣

屬南郡

唐武德四年以章山縣屬棊州立於長復寘平州在

沮境初六年改玉州八年州廢以當陽縣屬江陵罷
為平縣貞元二十一年以當陽并入荆門縣屬江陵府
後晉天福元年荆南節度使高季昌以荆門縣為荆門
軍移治當陽

宋開寶五年復寘當陽縣屬荆門軍熙寧六年廢荆門
軍仍以當陽縣為荆門縣屬江陵府元祐三年復於
長林縣寘荆門軍領之紹興十四年廢荆門縣徙長
林縣治當陽十六年復寘當陽縣屬復州今沔陽州端平
三年徙荆門軍治當陽

當陽縣志



卷之一

〇五

元仍寘當陽縣屬荆門府至元十五年移府治於古城
明洪武初徙縣治万城屬荆州四年復舊治改屬荆門
州十年省縣入州十三年仍寘當陽縣屬本州
嘉靖十年改安陸州為承天府當陽隨本州隸焉
國朝改承天府為安陸府邑仍舊

論曰成周封建同姓與先代之裔錯處漢南荆之初
興攻取列國無虛歲遂盡諸姬而楚始大矣茲土在
楚為畿輔之邑入漢版而有當陽之名自漢以來天
下罷邑更張蹂駁或名存而實泮不可勝紀乃茲是

自始建以迄於今或廢旋復殆二千年名實炳然豈
偶然哉

事紀第四

周惠王元年楚武王克權使鬬緡尹之以叛圍而殺之
遷權於那處使鬬敖尹之文王即位與巴人伐申而
驚其師巴人叛楚而伐那處取之鬬敖浮汭而逃楚
子殺之其族為亂巴人因之以伐楚自是巴苗襟履
那城為沮漳苗蠻之始

匡王六年楚令尹越椒攻楚子師於漳澨

當陽縣志



卷之一

敬王十四年吳師入郢伍子胥造驢磨二城以攻麥城
引沮漳以灌紀南城

敬王三十一年楚昭王救陳卒於城父葬於是邑

漢建安十三年劉琮降魏漢昭烈自樊城將其衆十餘
萬人過當陽輜重數千輛謀保江陵曹操以精兵追
之及於景山昭烈棄妻子走趙雲從重圍中奪之而
出操兵復追及於長坂張飛將二十騎拒後據水橫
矛敵無敢近者糜竺保其夫人趙雲抱子禪追昭烈

與關羽船會得濟沔

長坂一統志名當陽後屬長林按長林

舊亦當陽地水經註當陽故城在全城東一百四十里謂之東城在州東門外

建安二十四年關羽攻樊城曹操勸孫權躡之權使呂

蒙襲江陵羽退保麥城旋北走蒙將馬忠邀擊於章

鄉與子平俱遇害羽葬於城西五里

後漢章武間吳伐魏當陽

晉太康元年以平吳功封鎮南將軍荊州都督杜預為

當陽侯

隆安五年以沮漳降蠻立武寧魏樂鄉長林二縣

後晉天福初南平王高季昌開府於荆臺設貢院於軍

當陽縣志



卷之一

〇七

治南

宋咸淳末元兵襲當陽縣尉謝徽明及二子死之

元至正十二年紅巾賊俞君正再攻荆門知州聶炳力

戰死賊支解之葬於邑西十五里

明成化初鄭賊劉千斤石和尚李胡子後先嘯聚詔官

軍繫敗之都御史原傑招集流亡八萬五千餘人乃

於遠安縣徙數百戶以實當陽立漳河口巡簡司

崇禎七年正月流寇攻當陽城陷死者十餘萬計署縣

事本府照磨何代捕^守經歷沈漳河巡簡徐萬從死

之鎮軍副將楊正芳率步卒五百人兼程尾之賊震
其名宵遁邑至今祠祀之

崇禎九年賊再入境過野焚殺火光燭天南至江百里
俱赤

崇禎十一年賊伏西山陡出殺掠撫院方孔炤駐縣堵
勦楊羅兩將追至黃蓮坪食盡道窮戰死

崇禎十三年撫院宋一鶴監軍道孔貞會督理京營大
監劉元斌總兵孫一元等駐縣進勦賊隊遁邑界
時為官兵所俘邑賴以安是年九月招降賊白貴等

當陽縣志

卷之一

〇八

安插當陽乾溪一帶

崇禎十四年二月流寇張獻忠自蜀中敗走當陽初獻
賊為督師楊嗣昌所困自梓潼縣宵遁督師偵得之
檄下度其間道於某日可抵當陽如期果至賴降營
曰貴撫標都司楊治等協守城始全

崇禎十五年闖賊屯襄諸罷皆下當不能支邑人渡江
江南旋潰民回仍逃山谷城一空

崇禎十六年闖賊設偽令偽弁縣境苦之

國朝

順治元年甲申張獻忠破荊州旋入蜀至彝陵發兵掠
當陽縣

順治二年乙酉四月闖賊餘孽一隻虎攻城不下去七
月復集高袁諸賊重圍攻擊城陷殺掠備至及行壯
丁皆繫馬前南攻荊州填壕掘城前驅以殉是年冬
小秦王張九儒住縣九儒初隸總兵左良玉營後叛
爲賊潛伏興山一帶至是因荊門進士劉延禧來降
盤踞當陽盡籍民爲兵不願入營者裂筋敲骨悉死
炮烙民食樹皮殆盡至人相食戶口由此而絕

當陽縣志

卷之一

○九

順治三年丙戌春

王師由縣入山進賊至遠安還七月僞弁降營廖得勝
鎮縣復叛安陸協鎮賈三省過縣追之

順治四年丁亥虎賊衝當陽至合溶鎮旋退土暴周國
酉與百寶砦叛民周宗習合營據砦殺掠知縣孫茂
槐單騎上聞檄安陸協鎮唐全荆將呂破砦斬之餘
黨平

順治五年戊子春西山土暴殺知縣扈坤巡道李協鎮
萬統無至縣聞巨寇伏辜引兵還七月虎賊攻破宜

城往復道經當陽

順治六年己丑虎賊出遠安逼近當邑荆鎮總兵鄭四維統兵堵勦大捷部將呂騰蛟窮追戰死

順治十年癸巳虎賊餘孽李來亨突出當陽劫掠清溪河一帶荆將汪吉追戰死之自是荆鎮發兵輪戍遠安邑借爲蔽

康熙元年壬寅李來亨等盤踞竹房輿巴一帶境險不下奉

旨三省會勦秦軍上庸蜀軍巫山楚軍當陽轉輸絡繹

當陽縣志

卷之一

〇十

往返兵夫不下數百萬越明年七月我師稍却復屯當邑是年冬益以

禁旅復由當陽進三年秋大破之掃穴無遺類是時地小事繁夫馬叢集僵疲者本邑爲最不悉載

論曰紀事史體也非記邑所宜借也然予以爲邑志自與省記志殊省記轄其事獨比於載籍可無紀也若一邑之事見於古今者寥濶矣不鳩錄之其何鏡焉今以周楚以來邑之大事及有關於治亂者著於篇槩而觀之亦當世得失之林也

疆域第五

當陽西接彝陵北界歸沮自漢迄今未之易也獨東南之境其初蓋盡於漢津而跨有內方以抗編都自東晉割綠林長坂之地寘長林縣而地始縮明初統有德化荆臺沿江馬良四鄉後割沿江馬良入荆門旋復割入鍾祥而地又縮矣今止有荆臺德化二鄉初領三都尋分八鄉其疆域廣袤皆一百五十里東至荆門州之三界塚七十里至州治一百二十里西至彝陵州之土溪七十里至州治一百五十里南至枝

當陽縣志



卷之一

〇十一

江縣之祐春坪六十里至縣治一百八十里北至遠安縣之縣水橋八十里至縣治七十里南至荊州府一百五十里西南至宜都縣二百一十里東北至荊門州西北至遠安縣如前西北至南漳之趙家河一百八十里至安陸府二百一十里至湖廣布政司水九百五十里陸九百里至北京水六千一百三十里陸三千六百八十里至江南水三千七百一十五里陸一千三百一十五里

論曰當陽居楚蜀之交初分六縣後數百里為楚畿

輔邑云東晉而後屢析屢割猶不失為百里之封或
者以小易之謂彈丸黑子靡所展其驥足嗟乎地有
難易豈以大小論哉士大夫得志行道為

天子分宰一方無媿保障足矣何必地廣民衆始稱弘
濟耶

山川第六

玉陽山在縣署西北又名仲宣臺縣之主山也青溪之
山入境分為二支西為玉泉山東支之盡為玉陽山
酈道元云縣城因岡為阻北抗沮川即北川也又按

當陽縣志



卷之一

〇十二

邑曰當陽蓋以此山在荆山之陽其前平原廣野群
峯迴合兩川縈環煙林芳林錯綉掩映誠一邑之偉
觀也按仲宣樓舊在山頂邑舊志即城南樓曩荆襄
互爭借為名勝致荆州仲宣樓乃五代高季興
建名玉沙樓又名望江樓宋陳堯咨始改此名若襄
陽止有漢水與賦中挾清漳倚曲沮無涉其在本邑
無疑

鳳凰山在縣西四里玉陽之來脈分支展翼如鳳形

五鳳堆在縣城南傳漢時五鳳八龍見此故名去堆三

里許即龍鳳川亦名八龍潭五鳳洲出述異記

玉泉山初名覆舟山在縣西三十里發自青谿高九百

丈尊特竦秀其上時有異氣非煙非霧亦名堆藍山
下爲玉泉寺隋智者道場階東有泉湧出俗名金龍
池卽玉泉郭璞遊仙詩序稱玉泉潛行九萬八千里
通天竺注震旦蓋指此寺東石鍾峽下有乳窟水邊
茗草蘿生葉如碧玉名僊掌茶詳載李白詩序寺東
顯烈山爲關侯顯烈處有廟里許達智者洞道中多
竒石洞左有寒亭舊址亦名翠寒山下珠泉出焉每
鼓掌卽串珠而上西流與玉泉合折而東逕巴公嶺
又東逕縣城南合沮水南宋度宗時四川宣撫張夢

當陽縣志

卷之一

〇十三

發欲號當陽之玉泉山以保聚流民覺似道不以上

聞事遂寢

巴公嶺近度門楞伽峯五代僧齊巴曾結廬其下有詩

楞伽峯在玉泉東七里爲神秀道場唐僧法瑛自玉泉
至度門寺夾道皆植松因名七里松

雲夢山與青谿連上有三石高丈餘方廣如之名曰鐘
鼓石分列左右其上可容數坐石紋如碁枰傳爲鬼
谷子手談處又傳諸葛屯兵處石色蒼幽時有嵐氣
籠罩亦竒觀也

音寺巖在縣西三十里舊有一音寺峯巒翔疊爲玉泉

之中路

紫蓋山在縣南五十里有南北兩峯頂四垂若蓋道書
第三十三洞天登其上江帆在目東南諸山皆可指
數舊傳楚夫人昇僊處其林石皆綠色下有綠水井
馨特異葛鉉嘗煉丹於此山頂有孝先閣丹井碧霞
洞山半為紫蓋寺唐貞元十四年天皇悟禪師建
紫紫山與紫蓋連五代僧天皇道悟居此有石室甚幽
狼尾山在縣南五十里

龍泉山在縣東北一十五里山自九子領脈重岡復嶺

當陽縣志

卷之一

○十四

翼抱若城中峯孤峭其下即遠公道場右為胡康侯
祠墓左為龍泉即遠公卓錫湧泉處後有遠公洞宋
徽宗築明堂常取水於此投以金龍亦曰金龍潭潭
旁別流為紅泉

九子山在縣北十里九峯嶺翠紫翠網緼以擬九華麓
有僊姑洞甚高敞石磊磊如旋螺傳為曹何兩僊姑
栖真之所

武安山在縣北倒流橋西層折而上諸峯皆若拱揖
許由山在縣東十里沮水與平瀨之水合於其前舊有

廟址尚存

方山在縣東四十里漳水上層峯環列宋唐子方曾讀書於此上有紫金觀讀書臺山頂方廣故名俗誤呼豐山有石爐一元至正年造石塔一明正統間建

廣福山在縣東四十五里清溪所自出

香爐山在縣東四十里有石爐一碣一鐫元正至壬申仲秋月

三星山在縣東六十里唐僧一行之遺蹟也下為三星寺寺前左右有三井傳一行鑿以禳三星若有塔高

當陽縣志



卷之一

〇十五

一丈五尺又傳司馬子微修煉於此

圓臺山在縣東六十里合溶上極彌陀閣

雲臺山去圓臺山里許上有燦霞觀古塔尚存傳為唐

王貞公主建陳宗遜撰文庾遠書碑山之東有赤土

坡鴻門塚僊女山金鷄塚東南有雙塚鳳凰山

鎮頭山在合溶水口上有梳粉池四時不涸李令一陽曾濟之東北有德勝山

朝陽山在麥城古觀崔嵬沮漳夾繞人煙錯繡一方之勝梁縣西五十里亦有朝陽山上有觀

秣馬山近万城舊名馬山原隰寬衍傳關侯督荊州
秣馬之地側有盡頭山上有關侯廟田中土阜傳其
下有軍器窖犯者即雷電作云
聖母洞在縣東三十五里聖水寺前

鐵山在縣西北青谿之分也山海經曰荆山其陰產鐵
其陽產赤金此山發自荆山故以鐵名

揚旗巖在縣西北四十里傳關侯揚旗處至今石鏤旗
蹟猶存上有關侯廟

綠林山在縣東北一百二十里即王莽末年綠林兵起
當陽縣志

處

卷之一

〇十六

百寶砦在縣北五十里四壁陡絕山勝有洞下激湍流
傳為石劊屯兵處

三牛嶺在縣北六十里山脊三石形似卧牛
鐵人谷在縣北七十里山谷間有四石甚巨鐵色人稱
故名

將軍山在縣北七十里流遠安界以山率屬遠安其遠
人避兵於上

藏馬峪在縣西十五里流乾溪傳關侯曾秣馬於此

蕭兀洞在藏馬峪控山帶水古木參差

真武洞在王陽山麓鑄有真武洞天四字山環水繞沿隄一帶園亭錯列境之勝者

百家洞在縣西二十里洞懸沮水之游陡逼無徑由山巔委折以入有僧習定其中

佛耳巖在縣西二十里巖石欹峯俯臨沮水兩岸秀壁相望其石多類佛耳巖間有洞攀陟頗艱云

七孔巖在縣西三十里壁立如削下有七孔因名

明月山在縣南四十里

當陽縣志

卷之一

○十七

紫雲山在縣東南百餘里傳元無聞和尚誦金剛經有紫雲見故名

九女廟在縣北十五里削壁千尺俯臨沮水遙望疑張素幕山半舊有洞深廣可數丈土人因之鑿石為數十穴以避兵敵戶若蜂房貼壁挂梯級或縱或橫復奔絕徑瞰之鬼怕他如董家澗七孔崖鴛鴦岩一帶率如是

高家洞在縣北五十里怪石臨溪山麓洞口豁開行數十步頗平曠可容數百人雲氣嶽空陸離萬狀已復

巉巖陡起絕無道徑刺蘿直上得小竇如瓠子項蛇
行乃得度平曠如前又漸細爲門忽石筓倒垂界門
爲兩不及地者盈尺下有潭窅不可測投以石轟轟
然若空籟遊者避潭仄足抱崖乃得度謂之手扳巖
巖左甚宏敞有南臺北臺洞兩崖石乳幻結悉作佛
龕藉袒跏坐如出塑工洞後削壁攀至頂穴達他洞
微見曦光至巖右幽閒寥幻霧氣薄人無敢窺其底
者

臥龍洞在縣北五十里山頂一窟深透地底探者如入

當陽縣志



卷之一

〇十八

鼠穴數十步得平曠處高廣十餘丈石乳螺結蝙蝠
倒栖其上斜通一徑澗數尺深約里許泉自中出清
冷可掬

白龍洞

即白龍窟窟水混
逕擊河入沮水

在縣北六十里俯臨溪澗峭

壁峻岫綠巖右仄徑達山腰洞作三窟高廣可十餘
丈石壁玲瓏或作五色石田七畛如阡陌狀清泉外
注下瀉於溪壁間隱隱有字稍入輒有氣中人燈炬
皆息洞後穴可通呼應皆能響答土人構閣其中
遊兵少爲安云

青谿山在縣西北三十里為邑西障本名青山有水曰
青谿遂稱青谿山山發自房陵今即陽之房縣之景山東支
為荆山西支為青谿諸山述異記云青谿秀壁諸山
洞多乳窟則此山當名秀壁中有溫泉飛流碎澗是
為青谿鄒道元云尋源浮谿奇為深峭盛弘之云細
木旁生凌空交合危樓傾岳恒有落勢風泉傳響於
青林之下巖嶺流聲於白雲之上遊者常苦目不同
翫情不給賞泉側多結道士精廬云谿水曲折星評
東注於沮每秋冬之際沮流青碧異常蓋緣潢污不

當陽縣志



卷之一

○十九

入吐納皆石泉也泉注當境參之一以寺屬遠安不
具述

沮水

左傳山海經皆為水選註雖與沮同

出鄖陽府房縣

漢為房陵景

山

即荆山之首亦曰河山

東南流逕遠安縣青谿注之逕縣城

北又南逕麥城西楚昭王墓東又南入天津湖與漳
水合

漳水出南漳縣荆山

禹貢荆山及衡陽惟荆州以東山名也山海經云金玉是出

東

南流又折西南逕古編縣

水經註城南臨漳水按此當在今石人山之陽荆山

西北南南逕縣北消溪注之又南逕麥城東南出少

倒灣右會沮水下流分為二支一支南逕枝江界與沱水合入江一支逕万城南荆州入江

沱水按水經註漳水逕麥城南澆水注之山海經云澆水出東北冥諸之山今此地山水皆逸其名而東北

固多山谷若合溶之東南有洋子港別有流花壩界溪港諸水皆入於漳澆水必在其中借不可詳

沱江分自大江逕本縣南又東南與沮漳合經枝江縣東入於江沮漳沱水在荆城西入江宋守孟供引之東繞城北直入漢水遂與三海十八橋通為一為江陵之險云

當陽縣志

卷之一

清溪水出縣東廣福山注於漳亦曰白蓮池即白社

熨斗陂在縣東南八十里按府志綠林山水流逕圓臺

山南匯為熨斗陂唐李端自荆門赴夔州詩云琵琶

寺裏響空廊熨斗陂前濕戍荒持此也宋魏守吳獵

嘗過走馬湖熨斗陂之水西北至李公園以限戎馬

今麥城東南十餘里有走馬堤乃走馬湖之堤址高數仞或以為驢城非也驢城當在麥城之北此綠林山乃綠林寨之山非縣北之山

金沙灘在縣南一百二十里沱江之灘也流沙如金傳

其中有鼉鱉過者不敢誼諱云按山海經沮漳之其

人面羊角虎爪出入
有異光指此

丹溪在縣北七十里

子胥港在麥城磨城之間亦名胥

昭溪港近三牛嶺港水迴環仍與漳合傳昭王返國與

宮女同濟此

淬劍池寰宇記云在縣北四十里傳歐冶子淬劍處按
楚王曾命風胡子之越請歐冶子作劍地近昭溪港
村落俱以煉鐵為業古壑尚存或亦歐冶遺蹟云

論曰詩有之滔滔江漢南國之紀江漢之為南國望

當陽縣志



卷之一

〇二十一

也久矣乃後之表楚者曰江漢沮漳楚之望也以沮
漳視江漢奚啻望洋碩并列四望何哉蓋楚之先靈
僻處荆山云荆首之川紀於楚南者實惟沮漳楚之
秩沮漳猶周之頌漆沮也列於四望不亦異乎當陽
藁爾當沮漳之匯實荆人本根之地楚之初興也遷
權鄙都肇基茲自漢以降畫疆置令達庸授采往
往及焉若乃大河迴而內方東蟠岷江注而虎牙西
抗背憑荆岫巴陵按圖履封稱名惟先其他一
丘一壑之奇雲君羽客之所托栖時人騷士之所

連有副墨在茲不具論

風俗第七

當陽自昔爲三國之錯壤在今日其風俗亦參雜焉其
士夫撲茂而好修蓋猶有周南之遺其民質畚近江
右剽急近西川大約西北多山谷其民多食力勤苦
東南近江陵市集之所往往舍糴事而競競利其婚
嫁往來不甚遠於禮獨居喪作佛事供張賓客鼓吹
梵唄之類不絕於耳此其疵也

論曰談治者多云更化革俗噫談何容易禹之治水

當陽縣志

卷之一

○二十二

也行其所無事也爲治者因其勢而利導之亦猶然
無事也魯人獵較孔子亦獵較豈樂爲因循哉教固
有不可驟俗固有不可強也當陽民無甚狙詐而或
者竊憂其難治是未諳情實也川壅而潰傷人必多
而曰是承之罪也則將挾吳王之勁弩以射之乎母
亦因其勢而利導之焉已矣余故論次其大都俾通
變宜民者采焉

方產第八

邑西北蓮花坪老鶴窠等鄉多山谿其土宜楸植其民

唯伐木誅茅之利山間頗有田宜稻東南清溪万城
一鄉多濱河其土坦易宜稻梁菽麥宜綿宜桑其民
有繭絲之利織絰之工其雞豚畜乘八鄉均焉
羽毛之屬常畜不書

筐幣之屬有土絹土綢綿布

五穀之屬有稻梁麥黍粟蕎麻菽

果之屬有桃李梨栗棗柿榴柑橘

蔬之屬有葱蒜韭薤蕪東瓜南瓜西瓜絲瓜壺蘿蔔芋莧

萁苳筍蕨菌

當陽縣志

卷之一

木之屬有松栢檜檉桐桂梓梅桑柘椿槐樸楮檀楸楓

榆荆椶柳椒

竹之屬有山竹水竹笙竹

花之屬有葵蓮菊蘭萱牡丹芍藥海棠玫瑰茉莉荼蘼

薔薇紫薇紅梅緋桃芙蓉瑞香丁香木香木蘭木筆

木槿金櫻玉簪龍爪雞冠月桂月儂水儂百合夜合

迎春蜀葵石楠石竹梔子紫荆芭蕉金紐絲水晶練

粉西施紅躑躅海東青紫鳳毛黃鸞翎

卉之屬有鹿胎馬鞭虎杖鼠尾梓香宜男吉祥薔荔繡

梵陵爲竊衣早蓮蘋藻離莫葑蓼薤黃

藥之屬有香竹蒼朮茴香桔梗地黃枸杞牽牛山楡高

陸瓜婁柴胡紫蘇薄荷細辛葶根柅子薯蕷何首烏

益母草五加皮天門冬麥門冬車前草土茯苓地骨

皮天花粉王不留行紫背天葵白茯苓百合芍藥

羽之屬有鸛雉鶯鶻鷓鴣鳧鳧鷓鴣鳧鷓鴣百

舌畫眉

毛之屬有虎豹犴鹿麋兔豺獾狐黃鼠栗鼠

鱗之屬有鯉鯽鯉鯽鯽鯽鯽鯽鯽

當陽縣志



卷之一

〇三十四

介之屬有龜鼈龜鱉蚌螺

蟲之屬有蠶雙蛭蜈蚣蚱蜢

論曰余讀禹貢而深嘆古人心之淳也籍其所有而

民不以爲病故可得而籍也及覽周職方物土之宜

視禹貢不啻殺焉則又疑之夫周官山賦海豈儉於

夏哉噫此旅獒之志也世風之升降亦從可窺矣余

讀山海經荆山其陰多鐵其陽多赤金而禹貢亦惟

金三品然則首山之銅卞嶽之璞皆不誣也而可復

羅而籍之手宋人得玉而獻之非果忠也田父得珠

而擲之非果過也昔速罪之爲懼也吾是嘆焉之明
德不可及也已然則方產之志如之何紀其常焉已
爾或曰美斯傳傳斯志爾當何紀爲余曰大美不言
不言之美美矣哉常也者有其美者也美也者失其
常者也野人有獻芹者使果美焉禍隨之矣可再獻
乎

國家貢篚不出異物各從其土爲可繼焉猶狀禹之明
德也山林之利官無私焉而開禁有禁以福民也抑
不特福民益亦福官珠玉之鄉清貧易厭即如茲邑

當陽縣志



卷之一

〇二十五

厥篚歲上綸有十二匹客遊者亦多言其土出狐皮
輒欲得之夫綸與布無別狐乃類狗其視異之執遼
之貂亦不啻倍蓰矣而亦或以此得罪然則方產其
不可深論明矣

當陽縣志卷之二

田賦第九 原編捌里 新併肆里

原額田叁千伍百壹拾柒頃壹拾柒畝貳分陸厘捌系
內

上田壹千伍拾伍頃壹拾伍畝壹分柒厘捌毫貳系

肆忽 每畝科秋 糧米伍合 該米伍百貳拾柒石伍斗柒升伍合

捌勺玖抄壹撮貳圭 每石派銀壹兩玖錢貳分壹厘 玖毫伍系肆忽叁微叁塵壹纖

伍共應徵併新加北絹顏料銀壹千壹拾叁兩玖錢

柒分陸厘柒毫陸系玖忽貳微捌塵伍纖陸渺

當陽縣志 卷之二

中田壹千肆百陸頃捌拾陸畝玖分肆毫叁系貳忽

每畝科秋 糧米肆合 該米伍百陸拾貳石柒斗肆升柒合陸勺

壹抄柒撮貳圭捌粒 每石照 前則例 共應徵併新加北絹顏

料銀壹千捌拾壹兩伍錢柒分伍厘貳毫貳系伍微

柒塵陸纖伍渺

下田壹千伍拾伍頃壹拾伍畝壹分柒厘捌毫貳系

肆忽 每畝科秋 糧米叁合 該米叁百壹拾陸石伍斗肆升伍合

伍勺叁抄肆撮柒圭貳粒 每石照 前則例 共應徵併新加北

絹顏料銀陸百捌兩叁錢捌分陸厘陸系壹忽伍微

柒塵肆織肆渺

憂稅絲

照官米壹石帶科稅絲貳錢柒分捌

談絲壹

拾斤貳兩肆錢肆分叁厘肆毫壹系

原額地肆千捌百陸拾陸頃肆拾貳畝伍分陸毫伍系

內

上地柒百伍頃捌拾貳畝玖厘柒毫柒系

每畝科秋糧米肆合

玖勺玖抄柒撮肆圭伍粒捌粟

談米叁百伍拾貳石柒斗叁升肆勺

捌抄捌撮伍圭

每石照前則例

共應徵併新加北綸顏料銀

陸百柒拾柒兩玖錢叁分壹厘捌毫玖系貳微貳塵

當陽縣志



卷之二

〇二

伍織柒渺

中秋地陸百肆拾壹頃捌拾叁畝陸分柒厘陸毫捌

系叁忽

每畝科秋糧米叁合玖勺該米貳百伍拾陸玖抄玖撮玖圭玖粒玖粟

石柒斗叁升貳合陸勺陸抄肆撮叁圭

每石照前則例 共應

徵併新加北綸顏料銀肆石玖拾叁兩肆錢貳分捌

厘肆毫伍系陸忽壹微玖塵壹織

中稅地貳百玖拾玖頃貳拾伍畝柒分捌厘陸毫柒

系柒忽

每畝科夏稅大小貳麥叁合玖勺玖抄玖撮玖圭叁粒壹粟

談麥壹百壹

拾玖石柒斗叁合壹勺肆抄柒撮壹圭

每麥壹石折銀壹兩壹錢

共銀壹石叁拾肆兩叁錢貳分伍厘
毫貳系柒忽玖微貳塵捌纖貳渺

下地柒石伍頃捌拾貳畝玖厘柒毫柒系每畝科夏稅大小麥

合該麥貳百壹拾壹石柒斗肆升陸合貳勺玖抄叁

撮壹圭每石照共銀貳百叁拾柒兩陸錢壹分伍厘

柒毫陸系壹忽貳微貳塵陸渺

荻柴地伍拾貳頃柒拾捌畝貳分玖厘伍毫每畝科夏稅大

小貳麥肆合該麥貳拾壹石壹斗壹升叁合壹勺捌抄每石

照前共折銀貳拾叁兩陸錢玖分貳厘陸毫壹系玖

當陽縣志 卷之二 〇三

忽肆微貳塵柒纖

湖柒地捌拾陸頃捌拾柒畝壹分捌厘捌毫每畝科夏稅大

小貳麥肆合該麥叁拾肆石柒斗肆升捌合柒勺伍抄貳

撮每石照共折銀叁拾捌兩玖錢玖分肆厘柒系陸

忽伍微貳塵玖纖叁渺

湖草地捌拾貳頃捌拾陸畝柒厘壹毫每畝科夏稅

合該麥貳拾肆石捌斗伍升捌合貳勺壹抄叁撮每石

照前共折銀貳拾柒兩捌錢玖分伍厘壹毫玖系貳

忽柒微玖塵捌纖陸渺

煤炭地叁頃伍拾柒畝叁分貳厘柒毫每畝科夏稅大小貳麥叁

台該麥壹石柒升壹合玖勺捌抄壹撮每石照前則例共折

銀壹兩貳錢貳厘玖毫肆系柒忽陸塵貳纖柒渺

山鄉地貳千貳百捌拾柒頃肆拾捌畝壹分壹厘陸

毫伍系每畝科夏稅大小貳麥壹合伍勺該麥叁百肆拾叁石壹斗

貳升貳合壹勺柒抄肆撮柒圭伍粒每石照前則例共折銀

叁百捌拾伍兩肆分貳厘玖系柒忽捌塵叁纖伍渺

夏稅系照官米壹石帶科系貳錢柒分捌厘肆毫壹系貳忽陸微叁塵壹纖該絲肆斤

陸兩叁錢玖分貳厘叁毫伍系柒忽伍微

當陽縣志 卷之二 〇四

桑地壹拾壹畝捌分伍厘每畝科桑系柒錢叁分貳厘零陸系柒忽伍微壹塵

該絲捌兩陸錢柒分伍厘

原額山肆千陸百捌拾貳頃伍拾柒畝捌分玖厘壹毫

叁系內

松草山柒百叁拾貳頃叁拾肆畝玖分陸厘柒毫柒

系每畝科夏稅大小貳麥叁勺該麥貳拾壹石玖斗柒升肆勺玖

抄叁圭壹粒每石照前則例共折銀貳拾肆兩陸錢伍分肆

厘陸毫伍系玖忽伍塵貳纖壹渺

荒石山叁千玖百伍拾頃貳拾貳畝玖分貳厘叁毫

陸系每畝科夏稅大小貳麥陸該麥貳拾石

玖合叁勺捌撮壹圭肆粒每石照前則例共折銀叁拾兩共

錢肆分貳厘柒毫伍系肆忽肆微玖塵肆織

原額塘湖共叁百陸拾陸頃玖拾捌畝叁厘伍毫伍系

內

塘叁百陸頃捌拾柒畝肆分叁厘叁毫伍系每畝

肆該米壹百貳拾貳石柒斗肆升玖合柒勺叁抄共

報每米壹石照前則例共應徵併新加北絹顏料銀貳百叁共

伍兩玖錢壹分玖厘叁毫捌系貳忽玖微伍塵貳共

當陽縣志 卷之二

貳

夏稅絲照官米壹石帶科稅該系壹拾肆兩壹錢柒分叁厘貳毫叁系貳忽肆微

水湖叁拾頃陸拾畝貳厘玖毫每畝科夏稅大該麥拾肆兩壹錢柒分叁厘貳毫叁系貳忽肆微

玖斗壹升捌合捌撮柒圭每石照前則例共折銀壹兩叁分

貳毫伍系壹忽伍微貳塵伍織

荒湖肆拾貳畝捌分每畝科夏稅大該麥壹斗貳合

捌勺肆抄每石照前則例共折銀壹分肆厘肆毫捌忽肆微

捌塵捌織肆

湖塘貳拾玖頃柒畝柒分柒厘叁毫每畝料要稅大

抄柒撮捌圭該麥捌斗柒升貳合叁勺叁抄壹撮玖

伍粒壹粟主每石照共折銀玖錢捌分壹厘壹毫肆系肆微壹

塵柒織肆渺○原丈量墜科米壹斗捌升貳合肆抄

叁撮照前共應徵併新加北緡顏料銀叁錢肆分玖

厘捌毫柒系捌忽叁微叁塵貳織壹渺

已上共科原額秋糧米貳千壹百叁拾玖石捌升壹

合玖勺叁抄內貳斗以上起科沒官等田米捌石捌

起科民米壹千貳百伍拾壹石捌斗柒升叁抄併大

嘗陽縣志

卷之二

壹百叁拾玖石貳斗陸升叁合玖勺柒抄叁撮奉例

清丈不分官民一體編差夏稅大麥柒百伍拾捌石肆升陸合貳抄又丈量墜

科麥伍斗柒升貳合貳勺實徵大麥柒百伍拾捌石

陸斗壹升捌合貳勺貳抄

小麥肆拾捌石伍斗伍升捌合伍勺貳麥共捌石柒

石壹斗柒升陸合柒勺貳抄

桑絲捌兩陸錢柒分伍厘帶次夏稅絲壹拾伍斤柒

兩玖厘

已上原額田地山塘湖塘共壹萬叁千肆百叁拾叁

頃壹拾伍畝陸分玖厘肆毫壹系

額載秋糧米大小麥貳千玖百肆拾陸石肆斗肆升

陸勺玖抄叁撮內大麥貳石折米壹石

秋糧官民米貳千壹百叁拾玖石貳斗陸升叁合玖

勺柒抄叁撮逐年分別優免起科不等共應徵併新加北絹顏料

銀肆千壹百壹拾壹兩伍錢陸分柒厘陸毫伍系玖

忽壹微叁塵柒纖伍渺○共大小麥捌百柒石壹斗

柒升陸合柒勺貳抄逐年分別優免起科不等該銀玖百伍兩柒

錢玖分壹厘壹毫叁系陸忽貳微貳塵陸纖捌渺

當陽縣志 卷之二

稅桑貳絲共壹拾伍斤壹拾伍兩陸錢捌分肆厘秋於

糧內

原額人丁貳千叁拾丁逐年分別優免起科不等每丁

貳忽伍微貳塵貳纖壹渺共應徵併新加顏料銀壹千玖百伍拾

柒兩陸錢玖分陸厘伍毫貳系

已上田地稅糧丁絲共應徵併新加北絹顏料銀陸

千玖百柒拾伍兩伍分伍厘叁毫壹系伍忽叁微陸

塵肆纖叁渺

漕米正耗柒百柒拾玖石玖斗肆升里納船脚米伍拾石壹斗肆升

以合正耗脚每該銀肆百壹拾伍兩叁分玖厘伍毫
石俱折銀伍錢肆分玖厘伍毫
於稅糧內派徵船期領銀
至產米地方買米交兌

萬曆肆拾陸柒捌叁年加增玖厘地畝遼餉正損共
銀壹千壹百伍拾伍兩貳錢玖厘貳毫壹系貳忽叁
微伍塵

戶部項下

夏稅折色起運

原額解南農桑絹壹丈叁尺壹分貳厘伍毫

每丈正銀壹錢肆分叁厘叁毫共銀叁錢叁厘陸毫叁系肆微每錢肆分

當陽縣志

卷之二

伍該銀壹分伍厘壹毫捌系

秋糧折色起運

京庫米捌百捌拾柒石貳斗壹升壹合玖勺

每石折銀貳錢分伍共銀貳百貳拾壹兩捌錢貳厘玖毫柒系伍忽兩

京項銀叁分該銀捌兩捌錢柒分貳厘壹毫壹系玖

忽解官盤費每兩玖厘該銀貳兩柒分陸厘壹毫

鹽鈔折色起運

解南戶口鈔本折正損共銀貳拾捌兩陸分捌厘伍

毫貳系帶關銀玖錢叁分伍厘陸毫壹系柒忽叁微

冬塵叁織肆渺

解官盤費每兩玖厘該銀貳錢伍分貳厘陸毫

夏稅本色起運

北京絹壹拾貳疋壹丈伍寸壹分叁厘伍毫

每疋正銀柒錢

織費貳錢共銀壹拾叁兩伍錢捌分伍厘伍毫

新加北絹價銀每疋叁錢伍分共銀肆兩叁錢貳分貳厘陸

毫伍系

一摘裁

奉祀薪銀壹拾貳兩肆錢

民校等役工食共銀伍拾壹兩貳錢肆分陸厘

當陽縣志



卷之二

〇九

茶價雜項等共銀貳拾肆兩捌錢

解費肆分叁厘貳毫

賦後舊編冗款銀壹百貳兩肆分柒厘貳毫柒系貳

忽壹微貳塵伍織肆渺

玖厘地畝餉銀壹千壹百肆拾肆兩玖錢伍厘叁系

陸忽柒微伍塵

每兩京項銀玖厘

該銀壹拾兩叁錢肆厘壹

毫柒系伍忽陸微

禮部項下

夏稅折色起運

北京藥味正價共銀壹兩柒錢六分陸厘貳系伍忽

每兩京換該銀柒分壹厘陸毫貳絲伍忽每兩
該銀壹分
陸厘捌毫

兵部項下

夏秋折色起運

解南江濟水夫貳拾貳名每名銀肆兩該銀玖拾二

玖分每兩京換銀壹分壹厘壹毫該銀壹兩壹錢柒分壹厘壹毫

系解官經費每兩玖厘貳銀捌錢貳分壹厘肆毫

工部項下

夏秋折色起運

卷之二

銀正銀陸兩捌錢每兩京換銀玖厘該銀柒分

貳毫帶閩銀壹錢捌分每兩京換銀肆厘該銀肆分

玖厘該銀柒分捌毫

營膳司料銀叁拾捌兩肆錢貳分每兩京換銀玖厘該

銀叁錢肆分伍厘每兩京換銀肆厘該銀叁錢肆分

玖厘

扣解辰州軍餉壹拾壹名每名銀柒兩貳錢共銀柒拾玖兩

貳錢無運原改沅陵縣屯田司該銀柒錢壹分貳厘

毫解費每兩玖厘貳柒錢壹分玖厘貳毫

軍需銀壹拾貳兩叁錢捌分柒厘玖毫壹系玖忽官
盤費每兩玖厘該銀壹錢壹分肆厘肆毫

白硝麩皮壹拾張每張價銀肆錢共銀陸兩解官盤費
該銀伍分肆厘如遇折色之年每兩另派京項銀玖厘

丁糧內派湖洲雜課

熟鐵正銀貳拾陸兩柒錢柒分肆毫壹系伍忽每兩

銀玖該銀貳錢肆分玖毫叁系叁忽柒微叁塵伍渺京項

帶閩銀壹兩伍錢叁分伍厘伍毫貳系伍忽解官盤費

致厘該銀貳錢肆分叁厘壹毫

當陽縣志

卷之二

線膠正銀壹兩陸錢捌分捌厘柒毫柒系伍忽每兩

銀玖該銀壹分伍厘壹毫玖系捌忽玖微柒塵伍京項

帶閩銀捌分解官盤費每兩玖厘

綾紗紙價銀貳拾叁兩伍錢伍分伍厘陸毫貳系捌

忽候部文到之年方

光祿寺項下

甲丁庫供應等銀柒拾兩每兩京項銀貳分銀壹兩肆錢

解官盤費每兩玖厘該銀陸錢肆分貳厘陸毫

新加顏料銀陸拾叁兩肆錢捌分捌厘肆毫

隨漕項下

楞木松板銀貳兩貳錢貳分捌厘肆毫

運糧官軍行月貳糧米壹石肆拾玖石叁斗每石折銀肆錢

該銀伍拾玖兩柒錢貳分兌糧運官領赴水次交兌下以據銀

叁陸耗篤齋銀壹百叁兩陸分叁厘伍毫每石兩解准損

銀壹兩該銀壹兩叁分陸毫叁系伍忽

淺船銀柒兩肆分柒厘解官盤費每兩玖厘該銀陸分叁厘肆毫貳系叁忽

却解兌糧運官盤纏銀伍兩

存留經制款項

當陽縣志

卷之二

〇十三

鄂東豐樂石城叁驛驛丞叁員

俸銀每員每年叁拾壹兩伍錢貳分共銀玖拾肆兩伍錢陸分

豐樂石城書辦貳名共銀壹拾肆兩肆錢順治玖年會議裁銀

貳兩肆錢康德元年裁銀壹拾貳兩

皂隸陸名共銀肆拾叁兩貳錢順治玖年裁銀柒兩貳錢

本府倉大使正副貳員

俸銀每員每年叁拾壹兩伍錢貳分共銀陸拾叁兩肆分

皂隸肆名共銀貳拾捌兩捌錢順治玖年裁銀肆兩捌錢

本縣知縣

俸薪銀陸拾叁兩肆錢玖分順治拾四年裁銀壹

猩紅紙張銀每年貳拾兩康熙柒年

修宅家伙銀每年貳拾兩順治玖年

迎送上司傘扇銀每年壹拾兩順治拾貳拾

油燭銀每年壹拾兩順治拾

吏書壹拾貳名共銀壹百貳拾玖兩陸錢順治玖年

崇禎元年全裁

門子貳名共銀壹拾肆兩肆錢肆錢康熙七年裁銀

陸兩

當陽縣志



卷之二

皂隸壹拾陸名共銀壹百壹拾伍兩貳錢順治九年

以兩貳錢康熙柒年裁銀陸拾兩

馬快捌名每名歲支工食草料銀壹拾捌兩共銀壹百肆拾肆兩順治

九年拾六年康熙柒年節次全裁

民壯伍拾名共銀叁百陸拾兩順治九年裁銀陸拾

貳拾兩康熙柒年裁銀壹百叁拾貳兩

燈夫肆名共銀貳拾捌兩順治九年裁銀肆兩

壹拾捌兩

看監禁卒捌名共銀伍拾柒兩陸錢順治九年裁銀

七年裁銀
貳拾肆兩

修理倉監銀貳拾兩康熙七年裁銀壹拾兩
錢叁分叁厘叁毫叁絲叁忽

轎傘夫柴名共銀伍拾兩肆錢順治九年裁銀肆兩
肆錢康熙七年裁銀肆兩

陸兩

庫書壹名銀壹拾貳兩順治九年康熙元年節次全裁

倉書壹名銀壹拾貳兩順治九年康熙元年節次全裁

庫子肆名共銀貳拾捌兩捌錢順治九年裁銀肆兩
捌錢康熙七年裁銀肆兩

壹拾貳兩

斗級肆名共銀貳拾捌兩捌錢順治九年裁銀肆兩
捌錢康熙七年裁銀肆兩

當陽縣志



卷之二

壹拾貳兩

貳兩

典史
俸銀每年叁拾壹兩伍錢貳分

書手壹名銀柒兩貳錢順治九年康熙元年二次全裁

門子壹名銀柒兩貳錢順治九年裁銀壹兩貳錢

皂隸肆名共銀貳拾捌兩捌錢順治九年裁銀肆兩
捌錢康熙七年裁銀肆兩

壹拾貳兩

馮夫壹名銀柒兩貳錢順治九年裁銀壹兩貳錢

漳河巡簡壹員

俸銀叁拾壹兩伍錢貳分

書手壹名銀柒兩貳錢順治九年康熙元

皂隸貳名共銀壹拾肆兩肆錢順治九年

教諭訓導貳員

俸銀每員每年叁拾壹兩伍錢貳分共銀陸拾叁兩肆分順治十六年

壹員銀叁拾壹兩伍錢貳分

齋夫陸名共銀柒拾貳兩順治十六年康熙七年

膳夫貳名共銀肆拾兩順治十四年

忽柒微

當陽縣志

卷之二

〇十五

門子伍名共銀叁拾陸兩順治十六年

兩貳錢

學書壹名銀柒兩貳錢康熙元年

教官馬草料每員每年共銀貳拾肆兩順治十六年

銀壹拾貳兩

撥運

曆日銀叁兩陸錢柒分玖厘康熙七年

壹毫叁系玖忽陸微解官盤費

科舉銀伍兩貳錢柒分康熙七年

內政厘該銀肆分柒厘肆毫
參系康熙七年全裁

驛站

鄂東驛支應銀肆拾貳兩無閏

代編沔陽州原編望樂驛支應銀壹拾兩

均徭

巡簡應役子矣貳拾名每名銀肆兩帶閏陸毫共銀捌拾

壹兩叁錢叁分壹厘柒毫順治十四年康熙七年節次全裁

各舖司兵徭編叁拾肆名每名歲支銀伍分共銀壹百

叁兩柒錢永克貳名每名歲支銀壹兩捌厘共銀貳兩

當陽縣志 卷之二

〇十六

壹錢玖分陸厘貳項共銀壹百伍兩捌錢玖分陸厘

內縣前舖徭編肆名永克壹名清水桑林貳舖各徭

舖各徭編叁名金沙台溶峽口馬家樺子伍舖各徭

各河渡夫叁名每名歲支銀貳兩閏共銀陸兩壹錢

本縣桑林合溶
各渡各壹名

各渡修船銀肆兩貳年壹次每年該銀貳兩貳項共

銀捌兩壹錢順治十四年裁銀肆兩伍分康熙七年

府前總舖舖兵貳名每名歲支銀壹兩共銀壹拾貳兩

貳錢康熙七年裁銀肆兩陸分陸厘陸毫

協編新鎮弓兵伍名每名歲支銀肆兩帶共銀貳拾

兩叁錢叁分叁厘叁毫順治十四年康熙七年節次全裁

迎送皂隸貳拾伍名每名歲支銀伍兩帶共銀捌拾

食抵經制外議留走差壹拾貳名該工食銀陸拾兩

走遞夫馬

排夫貳百伍拾名內扣除本縣轉拿夫陸名經制

支銀柒兩貳錢帶共銀壹千柒百捌拾陸兩捌分

脚馬肆拾伍匹每匹銀貳拾肆錢共銀壹千玖拾捌兩

代派沔陽州原編鍾祥縣除新增價銀派鍾祥編徵

當陽縣志 卷之二 〇十七

外本縣實編銀壹拾捌兩肆錢貳分捌厘帶

錢柒厘

存留祭祀款項

龍亭儀仗修理銀貳兩康熙七年

龍亭儀仗修理銀貳兩康熙七年

文廟貳祭共銀肆拾兩

啟聖祠貳祭共銀柒兩

名宦鄉賢貳祭共銀柒兩

山川壇貳祭共銀壹拾貳兩

社稷壇貳祭共銀壹拾兩

邑厲壇叁祭共銀壹拾貳兩

鄉飲貳次共銀捌兩 順治十四年裁銀肆兩康熙七年裁銀貳兩肆錢貳分肆毫貳忽

忽系捌

香燭米銀壹兩貳錢陸分

本府應 朝盤費銀肆兩貳錢叁年壹次每年該銀

壹兩肆錢 順治十四年裁銀玖錢叁分叁厘叁毫康熙七年裁銀肆錢叁分以厘玖毫陸忽

門神桃符春牛芒神花鞭酒席開印封印牲醴香燭

等銀肆兩 順治十四年全裁

當陽縣志

卷之二

新舊會試舉人以壹名為率給長夫銀貳拾肆兩叁

年壹次每年該銀 康熙七年全裁

歲貢生負正貢盤費除檣編外花紅旗扁酒席銀壹

拾貳兩 具呈計作輿臨期於備用銀內支共銀壹拾

肆兩貳年壹貢每年該銀柒兩 康熙叁年全裁

歲貢盤費銀壹拾伍兩 康熙三年全裁

科舉生負以拾名為率 每名盤費銀貳兩花紅共銀

叁拾兩叁年壹次每年該銀壹拾兩 康熙七年全裁

提學道歲科考生童合用試卷供應給賞等項每年

以銀叁拾兩餘利銀叁兩協濟鍾祥縣搭廠外餘
存照除扣銀叁兩協濟鍾祥縣搭廠外餘
年裁銀壹拾叁兩伍錢

代派鍾祥縣歲費銀叁兩貳錢康熙三年全裁

府學顯承貢術奇學糾舉生員監費共銀壹拾兩叁

年壹次每年該銀叁兩叁錢叁分肆厘康熙七年全裁

本縣朝覲盤費銀正官肆拾兩首領官貳拾伍兩該

共銀捌拾壹兩叁年壹次每年該銀貳拾柒兩順治十四年

年裁銀壹拾捌兩康熙七年裁銀
捌兩肆錢捌分叁厘叁毫壹系

廩生貳拾名共銀壹百肆拾肆兩順治十四年康熙二年節次全裁

當陽縣志 卷之二 〇十九

孤貧玖名口各支縣倉米叁石陸斗每石折銀伍錢該銀壹

拾陸兩貳錢

孤貧玖名口每名歲給花布銀叁錢該銀貳兩柒錢如有開除

伏新衣支給以免加編

供應銀壹百兩內各應欵差部差過往差使油燭柴炭廩

備用銀肆拾伍兩抵經實存銀叁拾貳兩肆錢康熙七年

全裁

雜項稅課丁糧外派

起運市戶經紀

戶部項下

本縣門攤銀壹拾兩每兩京積銀玖分

茶稅銀壹拾兩每兩京積銀玖分

全書外坐派福廚租銀貳兩叁錢叁分柒厘解官整費每兩玖分

該銀貳分壹厘正費共銀貳兩叁錢伍分捌厘叁系忽

原額田地山塘湖塘共壹萬叁千肆百叁拾叁頃壹拾

伍畝陸分玖厘肆毫壹系

額載秋糧米貳千壹百叁拾玖石貳斗陸升叁合玖

勺柒抄叁撮

當陽縣志 卷之二 〇二十

原額夏稅大小麥捌百柒石壹斗柒升陸合柒勺貳

額微并新加共銀伍千壹拾柒兩叁錢伍分捌厘柒

毫玖系伍忽叁微陸塵肆纖叁渺

稅桑貳絲壹拾伍斤壹拾伍兩陸錢捌分肆厘能銀

原荒田地塘山湖塘共壹萬壹千玖百玖頃貳拾叁

畝肆分捌厘捌毫貳系

原荒米麥共貳千叁百陸石壹斗壹升壹合捌勺伍

抄肆撮柒叁柒粒

荒蕪無徵銀叁千柒百伍拾伍兩玖錢陸分貳厘玖

毫肆系捌微肆厘柒纖肆渺陸漢

順治十五年墾中田壹拾頃科糧肆石泐銀柒兩玖錢柒分叁厘叁毫壹系貳忽

順治十六年墾中田叁頃肆拾壹畝柒分科糧壹石叁斗陸升陸合捌勺泐銀貳兩柒錢貳分肆厘陸毫

捌系陸忽玖微

順治十七年墾田叁拾壹頃貳拾畝科糧壹拾伍石陸斗泐銀叁拾壹兩陸錢捌分肆厘貳毫肆系

順治十八年墾田貳頃伍拾伍畝科糧壹石壹升貳

陽縣志

卷之二

〇二一

合泐銀貳兩捌毫陸系陸忽壹纖肆渺

康熙元年墾田貳頃壹拾陸畝捌分科糧壹石捌升肆合泐銀貳兩肆錢玖分壹厘貳毫壹系肆忽叁微壹塵

康熙貳年墾田地柒頃陸拾叁畝柒分伍厘科糧叁石伍升伍合泐銀柒兩貳分玖毫叁忽叁微肆塵捌纖壹渺

康熙三年墾田地伍拾頃壹拾捌畝玖分陸厘科糧貳拾石泐銀肆拾伍兩玖錢陸分叁厘叁毫陸系柒微捌渺

康熙四年墾田地壹千伍拾叁頃壹拾玖畝陸分叁毫捌系玖忽科糧叁百貳拾玖石壹斗貳升貳合叁

陸抄壹撮茶圭茶粒以銀陸百伍拾叁兩捌錢壹分捌厘陸毫捌系叁忽捌微貳塵茶纖貳渺是年新墾

諸司報部則例每糧壹斗叁拾貳畝捌分

實荒田地山塘壹萬柒百肆拾捌頃捌拾柒畝陸分

柒厘肆毫叁系壹忽

實荒糧麥壹千玖百叁拾石捌斗柒升壹合陸勺玖

抄叁撮

實荒銀叁千玖拾肆兩柒錢貳分陸厘肆毫貳系肆

忽壹微柒塵貳纖陸渺陸漠

當陽縣志

卷之二

〇二十二

成熟新墾田地塘共貳千陸百捌拾肆頃貳拾捌畝

壹厘玖毫柒系玖忽

成熟併新墾糧麥壹千壹拾伍石伍斗陸升玖合

實徵併新墾共銀壹千玖百貳拾貳兩陸錢叁分貳

厘叁毫柒系壹忽壹微玖塵壹纖陸渺肆漠

原額人丁貳千叁拾丁

額徵并新加銀壹千玖百伍拾柒兩陸錢玖分陸厘

伍毫貳系

逃七人丁壹千叁百壹拾玖丁壹斗壹合捌勺

無徵銀壹千貳百柒拾貳兩壹錢壹分捌厘陸毫捌
系壹忽壹微肆塵柒纖伍渺陸漢

見在并新墾增人丁柒百壹拾丁捌斗玖升捌合貳
勺內除奉 文豁免故夫叁丁除豁免銀貳兩捌錢
玖分叁厘壹毫肆系柒忽伍微陸塵陸纖叁渺

實徵銀陸百捌拾貳兩陸錢捌分肆厘陸毫玖系壹
忽貳微捌塵陸纖壹渺肆漢

玖厘餉銀壹千壹百伍拾伍兩貳錢玖厘貳毫壹系
貳忽叁微伍塵除荒銀捌百肆拾伍兩貳分玖厘柒

當陽縣志



卷之二

毫陸系壹忽肆微貳塵叁纖叁渺

實徵銀叁百壹拾兩壹錢柒分玖厘肆毫伍系玖微
貳塵陸纖柒渺

已上田地塘山湖壩人丁玖厘遼餉額徵併新加共
銀捌千壹百叁拾兩貳錢陸分肆厘伍毫貳系柒忽
柒微壹塵肆纖叁渺除荒銀伍千貳百壹拾壹兩捌
錢柒分肆厘捌毫陸系陸忽柒微肆塵叁纖伍渺貳
漢又除豁免運夫丁銀貳兩捌錢玖分叁厘壹毫肆
系柒忽伍微陸塵陸纖叁渺

實徵并新墾銀貳千玖百壹拾伍兩肆錢玖分陸厘
伍毫壹系叁忽肆微肆織肆渺捌漢

起運戶禮工光條遼賦後舊編冗欵等項共銀壹千玖
百叁拾伍兩捌錢貳分貳厘壹毫伍系陸忽玖微壹
塵肆織叁渺除荒銀壹千伍拾柒兩捌厘陸毫伍系
伍忽貳微肆織柒渺又除豁免運夫丁銀肆錢玖分
壹毫叁忽肆微

實徵銀捌百柒拾捌兩叁錢貳分叁厘叁毫玖系捌
忽叁微玖織陸渺

當陽縣志

卷之二

○二十四

解費銀肆兩伍錢玖分柒厘除荒銀貳兩肆錢玖厘
陸毫貳系壹忽伍塵又除豁免運夫丁銀壹厘叁毫
柒系捌忽玖微伍塵

實徵銀貳兩壹錢捌分陸厘

撥運存留官役俸食驛站夫馬祭祀等項共銀叁千捌
百貳拾捌兩捌錢貳分貳厘壹系伍忽柒微除荒銀
貳千捌百叁拾柒兩肆錢伍分柒厘叁毫伍系玖忽
柒微叁塵捌織捌渺貳漢又除豁免運夫丁銀壹兩
玖錢叁分貳厘捌毫貳系伍忽伍微壹塵陸織叁渺

實徵銀玖百捌拾玖兩肆錢叁分壹厘捌毫叁系肆
微肆塵肆織捌捌捌漢

順治九年裁役工食等銀貳百叁拾玖兩陸錢除荒
銀壹百柒拾柒兩陸錢陸分玖厘捌毫陸系又除豁
免運夫丁銀肆分壹厘玖毫壹系

實徵銀陸拾壹兩捌錢捌分捌厘貳毫叁系

順治十二四年裁官役油燭家伙等項共銀叁百伍
拾陸兩肆錢柒分貳厘肆毫陸系陸忽柒微除荒銀
貳百伍拾捌兩貳錢柒分貳厘玖毫壹系柒微又除

當陽縣志



卷之二

豁免運夫丁銀伍分肆厘貳毫伍系陸忽

實徵銀玖拾捌兩壹錢肆分伍厘叁毫

順治十六年裁民壯馬快草料工食銀叁百兩叁錢
貳分除荒銀貳百壹拾玖兩貳錢陸分柒厘玖毫肆
系柒忽柒微又除豁免運夫丁銀伍分柒厘叁毫伍

系貳忽叁微

實徵銀捌拾兩玖錢玖分肆厘柒毫

康熙元二年裁書辦工食廩糧共銀壹百陸拾叁兩
貳錢除荒銀壹百壹拾柒兩叁錢肆分伍厘伍毫伍

系貳忽肆微又除豁免運夫丁銀貳分捌厘伍毫肆
系伍忽

實徵銀肆拾伍兩捌錢貳分伍厘玖毫貳忽陸微
康熙三年裁歲貢盤費銀貳拾伍兩貳錢除荒銀壹
拾柒兩叁錢肆厘捌毫肆系又除豁免運夫丁銀壹
分壹厘肆毫柒系陸忽

實徵銀柒兩捌錢捌分叁厘陸毫捌系肆忽
康熙四年裁教諭門子工食銀柒兩貳錢除荒銀伍
兩貳錢捌分陸厘貳毫玖系肆忽又除豁免運夫丁

當陽縣志

卷之二

〇二十六

銀玖厘玖毫叁系陸忽

實徵銀壹兩玖錢叁厘柒毫柒系

康熙七年裁官俸俸食糧紅等項共銀伍百捌拾叁
兩柒錢伍分伍厘捌毫陸系肆微除荒銀叁百柒拾
陸兩捌錢叁分伍厘肆系柒忽又除豁免運夫丁銀
貳錢陸分貳厘貳毫壹系貳忽

實徵銀貳百陸兩陸錢伍分捌厘陸毫壹忽肆微
兵部江濟水夫銀玖拾貳兩捌分貳厘伍毫柒系除荒
銀貳拾柒兩伍錢伍分叁毫柒系

實徵銀陸拾肆兩伍錢叁分貳厘貳毫
隨增項下共銀壹百柒拾捌兩捌分玖厘伍毫叁系伍
忽除荒銀壹拾貳兩叁錢玖分玖厘肆毫貳系伍忽
玖微伍塵又除運夫下銀叁厘壹毫貳系肆忽壹微
實徵銀壹百陸拾伍兩陸錢捌分陸厘玖毫捌系肆
忽玖微伍塵
解費銀陸分叁厘肆毫貳系叁忽除荒銀叁厘肆毫
捌系叁忽又除運夫下銀貳系捌忽叁微
實徵銀伍分玖厘玖毫壹系壹忽柒微

當陽縣志



卷之二

〇二十七

秋糧本色起運

兌軍本色正米伍百伍拾柒石壹斗每石耗米肆斗
該米貳百貳拾貳石捌斗肆升另正米壹石里納盤
脚米貳升船脚米柒升共該船脚米伍拾石壹斗叁
升玖合
正耗脚共米捌百叁拾石柒升玖合每石折銀伍錢
共銀肆百壹拾伍兩叁分玖厘伍毫內除荒銀壹百
叁兩陸分叁厘伍毫

實徵銀叁百壹拾壹兩玖錢柒分陸厘

臨期領銀赴
產米地方買

米文 又糧道條陳於肆斗外加耗米貳斗順治九年奉文其除

湖州雜課

門攤茶稅共銀貳拾兩壹錢捌分除荒銀壹拾兩玖分

實徵銀壹拾兩玖分

民糧代派福租銀貳兩叁錢伍分捌厘叁系叁忽全熟

新徵麂皮京領銀伍分肆厘

一租田款項

原額田壹拾壹頃玖拾柒畝每畝派銀叁分陸厘

當陽縣志 卷之二 〇二十八

額徵銀肆拾叁兩玖分貳厘

玖厘餉銀壹兩肆錢肆分玖厘叁毫貳系柒忽陸微

一安顯衛屯歸併舍餘閑丁貳拾貳名每名徵銀貳錢

新增閑丁貳拾貳名

新舊共肆拾肆名共徵銀捌兩捌錢此項徑解糧道開銷

班匠匠戶自辦

南京人匠除奏豁壹名外實在納班玖名四年一班

納班每名銀壹兩捌錢遇閏加銀陸錢每年該徵銀

伍兩肆錢 存人匠壹名每年徵銀壹兩貳錢

論曰當陽去郢二百里而遙四封不越一同大都東南易潦西北易旱每春夏間沮漳兩岸萬山層疊土枯石瘠小曠輒稿其沿陂塹而耕者一當霖雨汪洋澎湃陵谷異狀若滋泥湖魚兒嘴水天一色矣其平原沃壤半屬廢藩強軍民之搯畚鍤而從事者不過小谿涸竭終歲猶時有崩塌之苦至若荒石諸山皆不毛之地明萬曆清丈時以刁民告訐皆得攤糶一登籍遂爲成案矣至箕歛之法最甚者當年斗級兩差十年輪應一歲之費咸出其牙籍甲日久弊滋

當陽縣志



卷之二

〇二十九

已泓而重泓小費而大泓暫行而久泓私事而公泓糧之所徵有定額而民之所納無成科破產流亡率多坐此幸司邑者憫其苦上聞檄下盡革之規爲畫一自康熙五年始譬之百鈞之材一人舉之其與百人舉之難易之懸殊明甚抑聞之賦於常賦之外謂之曰饋使里胥仍得以爲政其欲不譁而爭也得乎當陽之病不在廢理或者且治其標方其治標而雜投方餌其爲生也幾何矣畫一之說治標之說也按脈察微而調劑之是所望於醫之聖者早從事焉庶

其有參爾

當陽縣志卷之二終

當陽縣志



卷之二

〇三十一



當陽縣志卷之三

戶口第十

國制戶口十年一編覈登耗也故冊籍必舊管新收并
列焉今以舊志所載與前屆見屆并列以見久近差
殊之概

本縣舊志載萬曆元年編戶壹千叁百捌拾肆口柒千
壹百伍拾捌丁貳千伍百陸拾壹

本縣萬曆四十年編戶壹千柒百貳拾肆丁肆千玖百
叁拾陸口叁千肆百叁拾肆

當陽縣志



卷之三

〇一

本縣天啟二年編戶壹千柒百陸拾丁肆千玖百叁拾
捌口叁千肆百陸拾玖

崇禎十五年知縣倪編戶請詳平丁每糧壹石隨丁陸
斗捌升捌合玖勺柒抄伍撮 載丁貳千叁拾丁

明朝

順治三年編戶逃絕丁壹千捌百捌拾肆丁肆斗存丁
壹百肆拾伍丁陸斗

順治七年編戶添丁壹百貳拾叁丁陸升貳合存丁貳
百陸拾捌丁陸斗陸升貳合



順治九年編戶添丁叁拾伍丁存丁叁百叁丁陸斗陸
升貳合

順治十二十四兩年編戶添丁壹百壹拾叁丁伍斗叁
升叁合貳勺存丁肆百壹拾柒丁壹斗玖升伍合貳
勺

順治十七年編戶并節年墾丁添丁陸拾叁丁叁斗壹
升柒合肆勺存丁肆百捌拾丁伍斗壹升貳合陸勺
康熙四年墾丁貳百叁拾丁叁斗捌升伍合陸勺存丁
柒百壹拾丁捌斗玖升捌合貳勺

當陽縣志

卷之三

三

論曰東漢課吏往往以增戶受上賞亦或以偽增被
誅夫課最有本不求其休養生息之實而以戶口多
寡較是不揣本而齊末也近世吏治戶口登耗不其
開黜陟無偽增之弊苦增不如法爾夫有增必有減
今減不必在消耗而增不必在饒羨至欲不增不減
而游移衷益之間主者既不能盡其民而一一料之
冊籍勢不得不付之所司而里胥爲政增亦惟命減
亦惟命貧富始盡在此輩掌中矣若當陽之弊殆有
甚焉蓋其產不皆可耕之士其賦不皆有田之租按

其籍居狀恒產責其通蕭狀白丁至於賦與丁折無
立錐者丁枯矣已物故者丁絕矣崇禎間倪令之以
丁隨糧庶幾救弊云

夫馬第十一

邑當蜀黔滇入都之要路明成化間知縣姜英以古道
迂僻請於上開大路置夫馬取給於歲課焉排夫貳
百伍拾名每名銀柒兩貳錢帶閩銀壹錢貳分脚馬
肆拾伍匹每匹銀貳拾肆兩帶閩銀肆錢排夫皆籍
之於官鱗次應役脚馬皆官自召募民甚便之

當陽縣志

卷之三

〇三

國朝順治初邑罹賊鋒四地荒蕪夫馬倉口無出順治
十七年奉文設脚馬柒匹工料銀壹佰陸拾柒兩伍
錢排夫叁拾柒名工食銀貳佰柒拾貳兩捌錢在本
縣領給

康熙三年奉文加馬貳拾叁匹詳請協濟工料銀伍佰
柒兩伍錢每年赴驛蓋道領給

論曰當九邑也僻處山谷自寇烽頻仍西道荆榛邑
雖殘夫馬備焉宜也狀斯邑馬政之敝在牧之於民
而用之於官有包當之弊焉有跳越之弊焉有僱馬

惜馬之弊焉且以官馬寄民厩奸猾利其芻秣如秦越人之相視肥瘠漠不相關欲政之無敝得乎近奉功令魏縣長吏皆得自驗霜槽不煩廩養勞在官則逸在民矣弊實安所從生哉惟協濟之設因工料不足則以他屬撥補之有協濟則必無存留存留則不必盡事協濟蓋亦事之易明者當陽夫馬每歲除荒實徵銀七百一十四兩除支排夫工食二百七十兩八錢四分外抵驛馬脚馬之工料恒苦不敷乃於其中除銀二百六十三兩有奇爲存留僕馬檄令上

解反以他屬不切之痛癢割補當陽是何異餒其腹以飽人之食而復冀他人之食以自飽其腹也緩急容可恃乎且其解本縣存留也不能假以時日其領他屬協濟也遂不勝其紆迴不幸水旱不時而協濟亦因之爲盈縮傷哉馬也爲公家任馳驅者并爲他屬分災患矣今以存留之數與協濟合較之可抵其半何如以存留本縣者養本縣之官馬不足者於後就近撥補之省里道之跋涉而有司且得以時其緩急寧非計之上者或曰加馬權也存留亦權也余曰

協濟權也抵兌亦權也權之爲言通變之謂也敢爲
當事者借一籌云

城池第十二

縣城周迴六百四十丈有奇高二丈厚一丈二尺門四
東曰紫蓋西曰玉陽南曰鳳川北曰清漳樓櫓亦四
其北曰仲宣仍黃令所題也敵臺守舖各七水門五
通城皆甃甃城西北跨玉陽山東南以沮水玉泉水
爲池西北則引真武港水環之明萬曆乙亥署縣事
經歷任夢榛所修也按邑在漢初治長林之地所爲

當陽縣志



卷之三

〇五

古城東城是也後移治茲城歷代皆土垣爾明初移
治万城尋廢明洪武十三年復寘縣於故地城久圯
成化丙戌以劉石之亂州同知嚴端始築土城廣一
里袤一百二十步尋圯知縣姜英築之正德中劉六
等作亂知縣劉理始甃以石城逼沮水築石磯於東
北以障之水怒決輒啗城隆慶間知縣張松始疏河
故道捍以長堤水患旣弭復議修城未果至是巡撫
趙賢守道王旋巡道鄧林喬罷守趙睿經巡本邑乃
命夢榛董其成至崇禎七年寇薄城環攻以女牆低

故臨九年知縣區懷瑞增築女牆復於城外浚壕云
皇清順治二年闖逆餘孽高李等盤踞西山城再陷毀
爲平址順治十二年知縣唐彥袞修復如舊狀頻年
崩塌時費補葺或謂始事之速云
論曰邑城無石雉制也使隨壞弗修禦暴保民之謂
何邑治凡數徙城因之爲廢興自任叅軍輦石運甃
有堅城焉

國初毀於寇踵事者猶得借丕基以告厥成功而後知
叅軍之績爲不可及也已謀國者其善始哉

當陽縣志

卷之三

〇六

守禦第十三

邑本無兵衛成化間因劉千斤作亂都御史白圭請撥
遠安千戶所官軍一百一員名輪班戍守萬曆元年
都御史孫應鰲撤回惟是民壯卽古之鄉兵也募民
爲之直取於里甲領之者主籌兵械皆自備無事摘
取防守城池庫獄有警則用以應敵此民壯之制也
其額原議設一百一十二名今編一百名除扣解辰
州軍餉一十一名扣解本府貼役十名奉例裁革一
十九名外實存聽役六十名其漳河口巡簡司則以

劉賊平後流民彌聚都御史白圭奏請增設原額四十名今編三十名漳河口二十五名奉例裁革二十名新鎮五名全革實存應役一十名其募在亦取諸里甲於本處盤結巡緝後漸裁惟供縣役守禦遂弛國朝分防

順治十年安協中軍守備孫光詰

順治十七年安協守備朱之璜

康熙元年荆鎮中營守備龍英

康熙五年荆門營守備吳世相

當陽縣志



卷之三

康熙六年荆門營把總雷起龍

康熙十年遷安營千總吳燦智

論曰嘗思罷邑立民壯凡以衛民也乃昔以衛民今以禦民矣設之以為禦也而得禦焉奚賴此民壯為哉當陽斗邑上下千餘年間覽其往蹟亂多治少大約荆豫梁益有事則此土者當其鋒他不具述清興乙酉之變舉數十萬之衆資不旋踵較三國南宋時受禍為更烈後知當陽徒有百年之險而實無一朝之恃也

聖天子軫念疆域雖伏莽已剪凡罷縣扼要處所皆令

置兵偵守誠安不忘危之意如欲以追呼之能而望
以防禦前之為謀不甚疎哉

隄防第十四

邑因岡為壙北抗沮水每山水驟發滙為洪流越其故
道衝鬪縣民不安居明嘉靖壬辰當事者於城垣
之東北為石磯以捍之不數年圯隆慶庚午知縣張
松於河北二里許開河故道自西口至東口袤一里
五百弓抵東南舊河深四丈廣八丈徑達合洛甫乃
於南岸築長堤廣十丈高二丈頂有三丈又築新堤

當陽縣志

卷之三

〇八

於城之西北山嘴河三百五十弓高廣如前萬曆間
堤稍壞知縣鄭源修之天啟間河又決知縣鄭如川
治之

其在合洛者萬曆初水決曹家口引沮河築渡壬子
漳水亦西潰而合流去市五里許故河遂竭貧遷不
通民甚病之戊申知縣李起元築堤於曹家口障之
旋潰乙卯知縣李一陽集鄉老議謂兩河并築狂瀾
難挽舍沮水聽其循曹家湖獨濬漳水遵故道瘁生
謝曰源李公濬殿芝等飲全集舉邑公優焉

在万城者長一千一百九十二丈故本邑李家埠一帶隄滕濱臨川江江陵在其下流嘉靖間江水兩决荆民漂沒無數萬曆初當事者以本邑既隸承天護隄之民不加補塞乃將前隄內除九百五十丈仍屬當陽其李家埠一帶一百九十丈召民築依二等二百二十八戶若其上責令修守准免兩縣門差而本縣尉每歲為之勘驗遂為成規 在滋泥湖者長一千三百丈 胥窩港者長一千四百丈

順治十四年隄多潰决康熙四年麥城倒口荆右衛弁

當陽縣志



卷之三

〇九

當陽民住隄內者同修羅家灣明荆廢王府與當陽民隄內有田者照畝起夫同修滋泥湖胥窩港亦如之

堰九十二其為一名者曰古曰舊曰平曰舊汶曰香新曰雙莫曰孤生曰放生曰天生曰邊曰長冲曰小門曰倒流曰倒流橋曰長流坡曰高草曰蒲草曰假草曰深曰藕曰蔡葉曰葛藤曰大蓮曰新蓮曰小蓮花曰大蓮花曰黃沙曰金沙塘曰黑冲曰黃土曰蘇水曰清水曰白水曰尖山曰峯山曰雲陂曰海曰牛角

曰鷹子曰鴨兒溪曰石鼓曰牛車曰地鎗曰半工塼
曰官火燒塼曰瓦子溪曰瓦窰曰窰安曰岩崖塼曰
馬家曰易家曰子家塼曰周二港曰樊家塼曰翠河
曰馮橋曰姚溪曰石龍其為名一而再見者曰深曰
長曰長沉曰邊山曰蓮花曰河曰三汊曰桑林名三
而三見者曰大曰單曰清溪曰香爐在一處凡四見
者曰新終焉明天啟間知縣胡如川奏吏變領充編
論曰吾觀於隄防得為政焉先正有言為政勿言興
利第宜除害觀於隄防而知其言不我欺也

而水橫流民曰害矣築隄而勞民費財焉壅非害乎
戩繁隄而民勞其害小不築而使曰為涸民為魚其
害大如麥城一帶頻年潰決南議修築軍民互爭若
以為害已而去之功成涸隄之民獲寧宇焉尚得謂
之害乎此猶一方事也縣西北大隄障狂波順河東
下不使蓄城民食德已久前經水變中潰二十餘丈
河勢將由故道為復隄慮者修築實宜亟焉

公署第十五

縣署在玉陽山東南半里明洪武元年知縣郝守道遷治万城惠水十三年知縣魏忠遷復舊治自是知縣張義劉誠劉理相繼增修

正堂廳事三楹西偏爲贊政廳軒前爲露臺兩翼爲六房而承祭司舖長司居東架閣庫居西前爲儀門儀門之西爲賓館東爲土地祠祠東舊爲預備倉天啟中知縣胡如川徙倉於賓館之後以其地爲關帝廟三義祠狀是邑圖園居東賓館居西迎賓於倉禁

當陽縣志

卷之三

〇十一

之間非制也崇禎甲戌正堂燬署縣事留守經歷張維然修

國朝順治二年後署全燬正佐皆視事合溶鎮順治八年士民捐修捲棚三間玉枝棚三間內衙十餘間知縣勾廷齡始視事城中順治十二年知縣唐彥袞重修捲棚三間修六房十二間皂隸棚二間順治十七年知縣朱景辰修寅賓館仍舊處

縣丞衙舊在正堂東明成化間汰負其基尚存主簿衙在正堂東入自露臺負裁基尚存

興史衙在正堂西入自儀門外今燬

申明亭在隍陽學北旌善亭在縣治東俱明成化間知

縣莫潛建崇禎間知縣倪瑞胤重修今燬

漳河口巡簡司在縣北一百里明成化二年鄭賦劉石

既平都御史白圭奏設今燬

儒學三署舊俱在縣治之西王陽山麓文廟之旁號房

射圃咸具自明嘉靖丙午文廟改遷學署遂散處故

地嗣是文廟又兩遷學署散處如故碑亭經閣號房

射圃俱廢東西兩齋與民居錯列正署向在山麓知

當陽縣志



卷之三

縣胡如川改附聖宮未畢其後崇禎己巳知縣任鼎

建乃啟聖宮之廢址

國朝順治乙酉城陷學署俱燼知縣唐彥霖修諭署於

明倫堂右修訓署於學山麓

訓裁署應歸學為尊經文昌兩閣

附錄學租本學自己酉舊田改學丁卯割地贖王所

存蓮花坪等處田畝租佃戶宋王陽等課租共銀貳

拾兩正內納縣糧銀叁兩貳錢納提學道租銀貳兩

貳錢除外餘銀陸兩貳錢為三齋糧紅昏割書手工

食及各衙門一切費用近以舊署隙地起租稍益之

分防正署與訓署隣順治間知縣唐彥霖募四里民房

二所為之

社學舊在西門外明成化十八年知縣姜英建後改城
內萬曆三十八年知縣李啟元爲遷學費變賣仍遷
於城外明崇禎間知縣倪瑞胤復遷城北門內尋燬
國朝順治己亥知縣許毓仁建於明倫堂在

陰陽學舊在縣東明洪武三十五年訓術李思昌建正
德間知縣莫潛改縣治西隅今廢

醫學舊在縣承流坊之東明天順六年典史張銘修正
德間知縣莫潛改縣治西今廢

僧會司在報恩寺舊有道會司在玉陽觀今廢

當陽縣志

卷之三

〇十三

常平倉在縣治內預備倉在縣治東明正統間知縣張
義建天啟中知縣胡如川改遷賓館後今廢

急遞舖總舖在縣南迤東南往江陵二舖曰金沙曰合
溶迤西往彝陵三舖曰黃沙曰蓮花曰玉泉迤北往
荆門三舖曰清水曰桑林曰馮橋迤西北往遠安四
舖曰梯子曰峽口曰馬家曰分水

演武場在東門外明季燬

國朝順治間知縣唐彥襄重建朱景辰增修

養濟院在報恩寺右今廢

行臺布政分司在縣治東成化十年知縣劉誠建按察分司在縣治東典史張銘建府館在縣治南明正統間知縣張義建萬曆間知縣方嶽重修已酉知縣李啟元以按司之地作學宮改布政分司為都察院府館為察院今燬

論曰邑自漢以來負山帶川扼要當險千有餘年方城一舉未幾復歸舊治嚴嚴翼翼規度畢張後經寇燬僅存儀門數椽餘皆灰燼繼起者漸次修葺體制靡備而已行司西署越在草莽上客駐麾別館縣尉

當陽縣志

卷之三

○十四

借寓民房皆為闕典近學舊有尊經閣文昌閣圯廢已久司訓旣裁寥寥冷齋嘗為弘文廣化地似難久假釐正振興俟後之君子云

坊衢第十六

邑之西路為漢蜀孔道明成化中知縣姜英所闢王象以西漸入嶺岫其西北趨柘子舖為遠安道夔險半之其東南趨金沙舖為荊州道其東北趨清溪為入州北土道皆平陸其在城有東西南北文里學山九六街

坊表舊九二十一在縣治左右曰承流曰宣化在縣
左右曰希聖曰育賢在布政行署曰承宣曰撫字在
按察行署曰激濁曰澄清在縣東曰匯水澄波縣西
曰漢蜀通衢為劉謙者曰冬官為張濬者曰秦直木
夫為劉煥者曰清初御史為何敏者曰五馬為李讓
者曰聯捷進士曰理卿為何治安者曰凌雲為
何治者曰鵬程為倪某者曰應奎為朱三者曰騰
蛟起鳳為清溪曾氏者曰貞節

方城舊治有六門東曰紅山巖地西曰公州雲物南
曰海湖煙月北曰平望風林十字掌符之前曰德門曰

當陽縣志

卷之三

〇十五

石關門明時建縣治縣有三江六渡口
皆浚於河所記

論曰在明中葉善度國路而蜀道通使車終經羽檄
蒙牛馬熙攘攘生遊日繁適者曰以饒平輪蹄為繁
而哀鴻未甚還集豈昔之康莊今之畏塗耶噫一路
也擊壤而嬉則平陽有康衢之頌葛屨履霜則小東
有周行之嗟履之者其慎旃

鄉市第十七

邑舊有荆臺德化沿江馬良四鄉後割沿江馬良二鄉
入荆門州今所轄荆臺德化二鄉明洪武十三年設

一二三都在城東正統七年設四五都在縣南成化八年廢弘治間仍增設六七八都在縣北其屬鄉則散處四封舉其可名者在北曰大松林曰九子山曰洪市坪在城西曰瓦頭曰黃蓮寺曰袁子坊曰三州坪在西曰音寺岩曰乾溪曰章鄉曰蓮花坪曰巴公嶺曰黃沙舖在南曰紫蓋鄉曰明月山曰易家坪在東南曰万城曰魚兒嘴曰濫泥湖曰楊柳湖曰麥城曰合溶曰青楊坪曰柏木港在東曰官塘曰黃陵坂曰沙溪河在東北曰清溪河曰桑林舖其市鎮爲

當陽縣志

卷之三

○十六

合溶者在縣東南五十里沮漳二水至此合流故名格呼河溶景泰三年縣志載集商賈立善老治之爲清溪河口者在縣東北四十里其在各鄉者曰乾溪曰鞏河曰草埠曰葛藤港曰胥窩港曰周二港大小凡八市狀貿遷之聚稱合溶云

論曰邑之民食其土之毛其利不出於四封而四方之異物無從至化居惟視合溶狀來鹽布帛而外亦無奇貨可居曩有保甲之設彈盜也今則疲於勾攝矣復有鄉約之設宣

論也今則僕僕公庭矣 子有言觀於鄉而知王道之
易易也夫王道者修其教不易其俗齊其政不易其
宜故易易爾觀於鄉者不於其鄉也夫亦知所從事
矣

津梁第十八

邑之渡三日沮河曰漳河曰合洛 渡夫三名歲編額銀六兩有奇

橋九曰玉陽 在縣西二里石刻元至大 曰太平 在縣西 曰

三里 在縣東南明景泰三年重建 曰普濟 在縣西北六十里 明曰

朝天 在縣東十里 曰謝河 在縣東十五里 曰普通 在縣東六十里明景泰二年重

當陽縣志 卷之三 〇十七

建曰楊子港 在縣東南合洛鎮景泰四年興 曰倒流

在縣西北六十里 又有順化玉虹二橋

論曰古者以道梁規政恒垂不治之誅故兩畢而除

道水涸而成梁先王之教也今當陽郵表津梁委之

不治或者思其歛怨溪漲水溢民多病涉汨沒巨浪

中者歲有其人其以之規政也信狀

典祀第十九

文廟兩廡土地祠春秋祀

啟聖祠春秋祀與府學同

名宦祠春秋祀 漢馮野王 晉杜預 唐田仁會

宋謝徽明 元張彥文餘倣

鄉賢祠春秋祀 梁鄧元起 元衛應宸張明歐陽琦

餘失

文廟在縣治東殿宇如制東西列兩廡前為戟門為櫺星門為泮池為門屏廟後為明倫堂東列進德齋西列修業齋後為啟聖祠而戟門之東隅為名宦祠西隅為鄉賢祠土地祠為焉按邑之文廟舊在王陽山宋以前無考元知縣張彥文修至元中知縣王元賓

當陽縣志 卷之三 〇十八

趙珪修至順初縣監侯某修明洪武初知縣祁守道改遷万城尋復故狀在王陽山亦經兩徙其始在縣之右偏即今之尉基也時風氣完聚科名蔚起既而誤遷於山巔之右陡露弗宜嘉靖丙午知縣侯嘉祥遷於縣北五里洪市坪與學署分隔一水非制也萬曆庚辰知縣胡朝改遷西門外報恩寺左學署在城內如故文廟北向尤非制也已酉知縣在位元教諭余蛟始徙入城基址原集司行臺地泮池知縣卜汝隨始建於櫺星門內知縣胡汝川以其逼徙於外又

以啟聖不宜偏處割奉市地遷明倫堂後又以學宮
不宜右昂復建大魁閣三元閣於巽方修兩坊於學
之左右

聖清順治乙酉城隍正殿兩廡啟聖名宦鄉賢祠俱燼
止存明倫堂櫺星門順治十三年知縣唐彥袞修復
佐事者署教諭舉人黃鳴陽訓導饒亮士督修生員
張奮鵬陳其芝許登雋李映蘭有記順治十六年知
縣許毓仁修啟聖祠康熙元年大兵進山貯糧學宮
兩廡進德修業齋名宦鄉賢祠俱圯尊經閣敬一亭

當陽縣志

卷之三

○十九

土地祠尚屬闕典

上壇在城西春秋祀中祀風雲雷雨左祀竟內山川右
祀本縣城隍

下壇在城南春秋祀左祀社右祀稷

厲壇在城北歲二月七月十月望日祭城隍主之

關王廟春秋祀廟在墓前歷代建明成化十五年知縣
姜英修嘉靖丙辰都督太監陸炳重修崇禎十二年
知縣區懷瑞重修拜殿有記十三年督理京營太監
劉元斌拓地環牆數百丈植松柏壘石固塚施田二

十五畝閭部揚嗣昌爲之記正殿祀

國朝順治中知縣勾延齡補葺康熙四年知縣門可榮重修大殿其後殿左殿昭曠王祠廟門方丈垣墻俱住持僧克順捐修西北五里岡上有小關廟

張趙祠在縣東北五里官橋春秋祀漢西鄉侯張飛順平侯趙雲

胡文定公祠在縣北十五里龍泉寺右春秋祀

雙忠祠在縣東柘林灘上祀申包胥屈原今廢訛呼雙塚子

當陽縣志 卷之三 〇二十

趙忠肅忠靖祠在万城龍淵腦祀宋趙方趙葵父子今廢

四賢堂祀宋賢唐質肅胡文定朱漢上陸象山在玉陽觀旁亦曰玉陽書院

四公祠在玉陽觀旁明萬曆丙子邑人建以報修城趙王鄧趙四公今廢

楊公祠明崇禎年間邑人祀鎮守副總楊正芳今爲白衣菴祀廢木主猶存

城隍廟在儒學東

五顯廟在儒學東

三義祠在縣治東明天啟間知縣胡汝川以倉地建之

北關廟在北門外街口

泰山廟在城南

水府廟一在北門外後殿北邑庠陳其楚助修

張侯廟在縣北六十里倒流橋

顯列廟在玉泉寺西詳寺觀

楚莊王廟在黃泥岡廟久廢詳立墓

楚昭王廟今失所在

當陽縣志



卷之三

〇三十一

論曰闡之周人設大學於東膠東膠園中也設小學於虞庠虞庠西郊也虞夏殷周之學一以闢一以郊也不專一也其為教也左之右之郊之遠之屏而遠之遠變也而其為庠不變也邑之庠屢變也屢變非也雖狀中國而授室則四方均也虞夏殷周之制未盡宜於今也變之是也釋菜之奠章教也饗奠尚有聞於其鄉者秩焉敬德也施不沒於其宮者秩焉懷惠也境以內有及於民者秩焉賽功也勸業而沒於其境者秩焉卹忠也沒而亡歸者秩焉為之主也

是者不在祀典謂之叢祠叢之言禱也泰山借也亦配元君瀆也水府多也山川統之也五顯威也抑又聞之鬼神幽也禮樂明也一聞之內刑名禮樂連衡而居而鬼神參治焉君子以為猶禱也

封爵第二十

漢劉 孟 封當陽縣侯

宋 楊 安帝永寧元年遣大鴻臚持節至墓追封當陽侯

晉杜 預 字元凱杜陵人尚主拜豐樂亭侯太康元年以荊州都督平吳進爵當陽縣侯後贈征南

大將軍 王 戎 當陽侯

當陽縣志 卷之三 〇二十二

陶 臻 字彥選尋陽人長沙公侃兄子有勇略咸和中賜爵當陽亭侯為南越太守後贈平南將

軍 劉 劭 伯 歸沮

宋劉 陳胤叔 泰始初封當陽縣子

劉 秉 字彥節宋宗室元徽二年以尚書令封當陽縣侯昇平元年與中書監袁粲誅誅蕭道成

不克父 不死之

梁鄧元起 邑人天監初封當陽縣侯有傳

蕭大心 字仁恕簡文帝第二子大通四年封當陽公簡文為心謝表曰日食之餘無黃童之對荷

戰入榛異子烏之辯逆復早達茅社風開井賦大同元年為郢州刺史

樊子蓋 封當陽縣侯陳武帝時為郢州刺史

魏徐元孝永平二年以克三關功封當陽開國伯

論曰自封建罷五等七爵有其號而無其土供之而

已欣殊庸偉閭垂姓名於千秋者即帶礪莫求於此

焉有土之君且有黷狀削色者矣之數公者未暇具

述若杜征南功德被於襄沔民嘗父之矣當陽其報

功之地烏可泯也陶長沙驅馳鄧鄂四十年子亦食

報於是邑斯無愧杜父矣至於鄧忠侯爵以其邑功

實炳於汗青榮名流於桑梓豈不亦奇男子哉朕其

初本仕齊梁武一招即赴視劉令公凜凜大義寧為

當陽縣志

卷之三

〇二十二

袁粲死母為褚淵生爵適相繼能無色惡余故叙著

之使尚論者鏡焉

職官第二十一

歷代

春秋 闞 緡楚武王時為權尹詳見事紀

闞 敷繼闞緡為權尹詳見事紀 秦 英 布當陽君

漢 馮 野 王當陽長有傳

宋 劉 胤字靈預一字德明本涇陽人徙居江陵抗節好學秦始中為當陽令罷歸辟穀餌术入學

累辟不就以江陵西沙洲去人遠乃徙居之卒時有白雲徘徊屋戶及香風卷殿云子之

遺之亨存武帝嘗詰此盧見二子曰之遺必以文章顯之亨必以功名著後果然

陳周弘直當陽令

隋皇甫昆當陽令

唐田仁會平州刺史有傳

盧壽童當陽令

張慎當陽令貞元中任

鄭見利當陽令

黃馴當陽令

宋謝徽明當陽尉有傳

元張彥文至正間任知縣有傳 王元賓至元間任知縣修復學宮

趙珪銅梁人至正間知縣修明倫堂

明當陽縣知縣

當陽縣志 卷之三 三十四

武和守道 魏忠 徐福

胡原宏

宋蔡榮海陽人 楊鐸西安人

宣蔡浩海陽人

張義浙江人 金迪臨澤人

盧進寶應人 楊福雲南人

天義南水人 陸祀鹽城人

化黃起歸德人 劉誠安福人

善英備有 劉松桂人舉人

徐恒武康人 胡伯安舉 胡振遠舉

阮華新昌人 監

正武儀宜資人 劉理武城監生 陳章永川人 舉

趙神甫舉 莫潛歸桂舉 張鐸贛縣人

嘉沈序綿州人 高英宜山選貢 張模涪州人

侯嘉祥傳有 秦覺雲陽舉人 李應魁祥符人

俞詔蒲田人 周士弘南陵舉人 言行健傳有

吳蒙都昌人 張松傳有

萬方嶽富順人 張維翰四川安縣人

當陽縣志 卷之三 〇二十五

胡朝樂至人 歲貢 修舉 李履純紀縣人

王國珍順天人 馮君來台州歲貢 趙思基傳有

鄭汲南城人 方維翰廣西平陽人 選貢

曹養正傳有 羅應曉泰州舉人

馮仕平號慕溪錢唐人 舉人 李啟元號還樸晉江人 選貢

巽之宮號玉樓沙河人 李一陽浙江人 舉

吳士忠號澹初歙縣舉人 卜汝隨傳有

天胡如川號行素安居人 歲

崇任昂號荆舍宜舉人 張拱端號絃公舉人

安秉直 號太初 陝西人

區懷瑞 號洞叟 廣東人 舉人 有傳

國朝

孫茂槐 山東人 有傳 扈 坤 遼東人 勾延齡 山西大同人 貢士

冀彌煥 河南人 貢士 倪三策 直隸人 舉人

唐彥表 號倚旭 浙江人 進士 修城 績徐天麟 江南舒城人 貢士

許毓仁 遼東廣寧人 貢士

朱景辰 號新葵 福建人 貢士

康熙門可樂 號維光 遼東海州人 蔭生

當陽縣志 卷之三 〇二十六

明縣丞

成王 著 慶雲人 監生 方 海 仁和人 監生

廖 弼 新喻人 監生 成化二年 增設巡簡 因裁此員

明主簿

弘治 陳 貴 內江人 廖 昶 蓬州人 監生

正德 劉 存 淄川人 有能 馬 繡 蒙澤人 監生

王復登 宜賓人 監生 有惠政

嘉靖 祝 繼 昭海寧人 許 昆 彭水人 監生

蔣能佐 謝體典 吉水人 監生

蔡宗仁 人 張正倫 人

趙良翰 人 彭璋 人

楊朝英 人 張繼興 人

毛存仁 人 符洛 人

蔡 人 王三 人

胡夢暘 人 楊象賢 人

李 人 金萬珊 人

王時卿 人 姜效禮 人

蔣明臣 人 原 人

陳心學 人 華應元 人

凌經世 人

王家棟 人

明典史

宣劉文先 人

正朱子惠 人

天張 銘 人

成鄧 廣 人

周 識 人

張正倫 人

彭璋 人

張繼興 人

符洛 人

王三 人

楊象賢 人

金萬珊 人

姜效禮 人

原 人

華應元 人

雷陽縣志



卷之三

〇二十七

馬公寅 人

徐上選 人

曹 信 人

李 泰 人

周宗義

陳綱 五河人

劉澄 進遠人

高鳳 內江人

正德 胡信 鄞縣人

李惟實

梁翼 巴縣人

嘉靖 鄧時臣

胡陽 嘉定人

李寬 黃巖人

薛楠 華亭人

龍環 涪州人

任仲德 西充人

徐世良 餘姚人

陳應元 合州人

王相

隆慶 鄭進 金谿人

黃朝恩 福建人

黃福科 江西人

萬曆 郭汝應 龍泉人

黃日熙

區環 福建人

黃舜章 廣西人

陳作新

周文藻 江西人

羅繼美 四川人

蕭繼定 福建人

當陽縣志

卷之三

〇二十八

黃拜仁 陝西人

宋德隆 江西人

劉嘉祥 四川人

李時會 福建人

郭紹椿 福建人

李吳 福建人

天啟 張啟明 華亭人

張其維

陳朝昇

崇禎 仵鳳才 陝西人

孟文邦

周時旺

國朝

順治 言嘉典 浙江人

曹一勳 陝西人

桂一鰲 江南人

柳維邦 浙江人

魏承韓 直隸通川人

明漳河口巡簡司巡簡

李自慶

涂克弼 四川人

萬達美

王好耕 山東人

李恩 山西人

王澄

李如春 九江人

閔三德 北直人

崇禎 胡日省 平湖人

徐萬化

國朝

順治 劉溥 直隸人

葉大成

鄧輝 江蘇人

康熙 邵從龍 浙江人

當陽縣志

卷之三

〇二十九

明當陽縣儒學教諭

正統 葉子白 永平人

鄭崇

號三山 福州人 進士 卒於任 因家焉 振建

成化 陳旻 鄧縣人

田制 安福人

弘治 孟鑽 閩縣人

孫達 懷寧人

劉垂

王德 楊洲 昆明人

嘉靖 黃楷 江津人

支楫 灌縣人

宋佐 臨桂人

左祐 建昌人

史詠

石巨川南

揚

璋化州人

徐登

越馬人

戴

實永嘉人

楊文煥

浪州人

陸

吳瑞涪州人

李景清湖口人

萬

臺用傅舉平人

胡維禎

賀逢堯

曹

珩石阡人舉人

劉浚宜城人

瞿成名

黃同府人舉人

沈文輔

興隆人

姜宗魯

均州人

張胤祖

揚州人歲貢

余

蛟號舉人

辛以忠

號舉人

當陽縣志

卷之三

〇三十

王如春

陽城人

王

芳有

鄭應幾

台州人

天單鍾元

高安人

鄧時舉

文谷靖州人

黃聖年

字逢永南人

周有紀

武昌人

馮應祥

江南人

毛應龍

石門人

國朝

黃鳴陽

嶺南人

陳民懷

應城人舉人

傅

彬孝成人

歲貢素得志心大矣遊山

訓導

胡茂彰

陸叔遜

沈俊新昌人

吳嚴松潘人

尹翹

徐本固合州人

陳剛

王相大寧人

徐集眉州人

蔡虜

周鳳陽

嘉揚亨

盧銳墊江人

奚仁鶴慶人

李勝宗安縣人

陳印永嘉人

董列寧波人

程箕築溪人

郭文華安南人

王巽孝豐人

陳惠合州人

夏裳峨嵋人

閔旦

隆姚志仁蘆州人

閔旦

鄧林椿邵陽人

王可相彝陵人

高謝遇

李天華

傅應裳富順人

王尚國

郭泮

夏宗什

譚鎬

王國士

李詩

王一冕

高應選江夏人

駱尚儒澧州人

李瑤春澧州人

張燦南

羅芝威遠人

黃柯汝寧人

孫斯佑

廖世卿石門人

陳大賓

零陵人 聖壽

劉一鶚泰和人

王道淳桑旬人

譚汝廉醴陵人

袁崇書公安人

當陽縣志



卷之三

〇三十一

周 傑

蔡相衡 羅田人 監

黃裳吉

興國人 監 穀城論

天 房宜真

歸州人 監 黃安論

張文煥

鄭陽人 簡樸有操論文 咸中程法士至今思之

王維翰 廣西馬平人

崇 熊化麟

號仁囊四川 達昌衛人

李應甲 號完初廣西宣山人

劉

周

馬騰蛟 雲南人

國朝

順 黃 序

漢陽人 歲貢 監監利縣論

王晉錫

咸寧人 歲貢 監巴東論

當陽縣志

卷之三

〇三十三

饒亮士

崇陽人 歲貢 監谷城縣論

梁充軋

竹山人 歲貢 監奉裁後

康 王圖求

澧州人 歲貢

論曰今之縣古子男國也周官縣正掌其縣之政令

而賞罰之此縣令所由始漢以來更立博士文學掾

以教其弟子儒與吏始異趣政與教始分途矣狀有

分之者亦有合而統之者邑初丞簿全設廣文三席

彬彬乎與赤畿埒厥後裁丞裁簿凌裁訓一人

清興仍其制未幾學裁論存訓沿革因時狀爾三載致

績新故代謝必紀其氏名者何曰示勸也
有功德於民者不能泯也官斯土者有父道
焉有師道焉苟能才思敏贍治具聿彰雖
千百年事如在昔聞後之君子可指而數
至宰縣入爲臺郎射鵝亦嫻詞賦叔孫
述迂談制典禮榮及弟子官雖異等豈不皆
爲大用哉

當陽縣志卷之三終

當陽縣志



卷之三

〇三十三

當陽縣志卷之四

選舉第二十二

進士前失收

明末樂壬辰科 李讓大理寺評事歷廣東右參議有傳

國朝

順治壬辰科 陳其美授浙江處州府推官

巳亥科 楊州彥授直隸河間府任江縣知縣

舉人前失收

明洪武壬子科 向治安江西建昌府教授

當陽縣志 ○ 卷之四 ○ 一

永樂辛卯科 李讓進 向志四川井鹽學訓導

倪孝儒

甲午科 朱玉中應天府知縣

嘉靖巳酉科 姚會四川南溪縣知縣有傳

乙卯科 張楠直隸宿松縣知縣

隆慶丁卯科 聶武陝西富平縣知縣有傳

萬曆乙酉科 李應麟中順天府知州有傳

癸卯科 周仲庠

乙卯科 栗聯芳

戊午科

周際明

為任廣東廉州府推官又任
淮安府鹽運判又任雲南武
定府推官又陞河南禹州知
州○是科縣令吳士忠前後
請加科舉額四名併增設路
費資興之盛自此始

天啟丁卯科

熊顯捷

傳

崇禎庚午科

汪士傑

順治間授山西靜樂縣知縣
年於官

癸酉科

李大年

署竹溪歷任桂陽州學正見
任汝州府教授

丙子科

王錫

傳

郭之却署寶慶新
寧教諭

壬午科

陳其美

中壬辰科
進士

國朝

當陽縣志

卷之四

〇二

順治辛卯科

楊州彥

中己亥
科進士

張旦生

康熙
科潛江人

明貢生
前失考

洪武劉

煥

字炯文授山西按察司副使致仕
封父母

張

濬

字伯深任睢州知州擢刑部員外郎進階奉
直大夫父宗仁贈如其官遷郎中

何

毅

字道遠授常州府通判

劉

讓
外郎負

永尚

文

縣丞

何

銘
慶府

蔣

賢
知縣

陳福

正統

褚恭

劉

英

布政司簡
校

李崑

李

晟

王讓 張麒 張憲

劉富

劉佐 濟南府簡校 唐禮 上高主簿 曹渙

魏忠 鄭經 分宜縣丞 周冕 歸安縣丞

熊泰 王本

馮亮 寧羗判官 趙旭 唐縣主簿 何源 宜賓主簿

向仕廉 順慶府判 李賢 崇寧主簿 高遠 溧水主簿

劉宣 重慶簡校 胡灝 烏程縣丞

胡格 黃州府訓導 陳禎 弋陽主簿

當陽縣志 卷之四 〇三

弘治 歐陽琦 有傳 李慶 宋輝

盧綸 江潮 汀州照磨 賀表 息縣丞

郭儒 楊文心 曹鳳 桐廬縣丞

何聰 嚴端 寧璽 成都府經歷

正德 宋端恕 唐濟 曹鸞 太平府經歷

黃榮 華亭主簿 張欽 慶符知縣 李長春 理問

姚廷用 有傳 鄭儼 彭山縣訓 曹璋

嚴中泰

嘉靖 許翹 考知縣銜未授仕卒後裔讀書代有人登傳

李太翔 縣丞 馮正經 縣丞 馮正綸 衛經歷

黃冕 推官 李天祿 主簿 車必榮

楊孔麟 衛經歷 鄭芳 訓導 楊孔鰲 主簿

張祥 訓導 吳祚 縣丞 陳宣 主簿

張琛 知縣 黃裳 典簿 鄔琥 主簿

周憲 羅鵬 黃鰲 訓導

徐文學 訓導 何古 廖禎

李榮春 車星 博學能文 再遷

汪璣 有文名 擬元未果 張大川

當陽縣志 卷之四 四

隆顧 仁 訓導 熊一鶚 縣丞 母 壽 訓導

黃元

萬曆 劉東魯 縣丞 馮元 葛希賢 有傳

李應麟 有傳 曾秉 襲仕

陳旨 安陸縣教 黎獻 重厚雅博 授官不仕

母儀 李應兆 周希文

史希楚 選貢 吳九思 台江知縣 有傳

葛希俊 秀水縣丞 有傳 襲偉 吳大濂

謝滋 沈丘訓 陞沈 李案 雲都諭 視篆龍南

張耀然

馮世廉 仁和縣丞

周鴻謨

歷順慶府授

劉家相 歷饒州府授

李深

歷崇陽致仕

黃大中

歷墊江論

鄭餘慶 有傳

梁國相

歷彭澤致仕

梅遇春

蒲圻縣論致仕

秦黃之通 恩選

周琮 恩選

金大赤 神州導

賀登元

崇劉士奇 恩選

羅繼思

殷芝

歐陽煥

縣考授知

陶大賢

潭任訓

白之彥 長貢

殷萃

安陸縣教諭

金門彥

襄陽教諭

當陽縣志



卷之四

〇五

梁焜

已卯副榜科貢

謝曰藻

陳九章

國朝

治順周毓鳳

恩貢考州同銜

廖養毅

歷任江陵教職

范念祖

恩貢先任直隸保定府同知

詹南

初任岳州華容學訓轉任永州新田學諭

陶詰

恩貢考授府判銜

周敬修

歷任德安教墜任直隸元城縣丞

梁山金

江寧國縣知縣

范文叔

任永州府教職奉裁候補

黃鳳岐 恩貢

武科

國朝

康朱斌元 邑人 鐘祥籍 武鄉試 郭達 丙午科武鄉試荆門人

明監生

正德汪濟 母老終喪不仕授教職衛 汪漢

張鑽 黃榜 池州

當陽縣志

卷之四

〇六

嘉靖宋朝獻

黎宗國 李梁 東鄉主簿

李棟 寧州同知 張松 白河主簿 張橫

江滋 張校 邛州吏目 汪璞

李科 銜經 邵正 汪正潮

黃見 張桃 李玠 涿州史目

宋庚 蘭州判官 馮庠 鴻臚寺序班 李瑤

張百川 峽江主簿 汪正憲 馮度

宋明

聶豹 初任江西贛州府經歷 歷慈惠清嶺有政 石城再

采 賜 張如川 汪 鋒

汪 錚 汪 錄 歷河池州同知 孝廉士傑父

黎 教 黃夢蓮 嚴其儀

李宗珠 馮世勳 馮世美

萬曆 張偉然 成都王簿 姚 慎 北勝吏目 汪 斌 邑庠 祖

聶登瀛 黎替化 附生 張春然

劉 采 鏡 銘 任東 御簿

劉 載 御史煥之孫 初授南城兵馬 恩封父母 遷鞏昌府通判

張沛川

當陽縣志 卷之四 〇七

崇禎 張崇彥 授鴻臚寺序班 聶登俊 由附生入監授

徐文昭 授京衛 經歷 熊隆胤 附監授鴻臚寺序班 恩封父一喬母謝氏

黎敷化 授徐州 衛經歷 劉 軒 御史煥 之孫

李 燿 附監授楚府 審理 張志成 邑庠 元父

黎時化 張維圻 黎遵化

張曰然

國朝

康熙 范文釗 趙州牧 楊方儀

論曰 今士起家科日以策名於

朝而煥耀其鄉里此世俗所謂得志也噫世之得志
此乎夫惟其以此為得志也故不得志者輒謾擊曰
國家以資格限人夫以資格取人爾限之云乎且人之
不可以一格收也明矣而格之不能限人也亦明矣
今有學如公孫弘而以齒擯者乎有略如卜式文如
司馬相如而以資擯者乎使學不必如弘也而平津
略不必如式也而御史大夫文不必如相如也而使
持節士則得志矣

國家其何利之有吾以為士亦矣無愧此格而已烏往
當陽縣志

卷之四

〇八

而不得志哉

治行第二十三

漢馮野王字君卿潞人奉世子受業博士通詩年十八
上書次補嘗陽長以治行入為左馮翊威信著京師
遷大鴻臚上徵用為三公以野王才學在故遂遊
出為扶風太守後弟立相繼為親治行與野王埒民
有大馮君小馮君之謠

唐田仁會雍州長安人累任左武衛中郎將永徽中為
平州刺史歲旱自暴以禱雨大至歲遂登民歌之曰

父母有我兮田使君挺精誠兮上天聞中田致雨兮
山出雲倉廩實兮禮義申願君常在今不速貧仕至
太府少卿右衛將軍所得祿有贏輒入之官年七十
八卒謚曰威

宋謝徽明弋陽人疊山先生枋得之伯父也以特奏恩
爲當陽尉攝縣事天基節上壽元兵奄至徽明出戰
死二子趨抱父屍亦死

元張彥文保定人至正二十八年任當陽知縣適縣治
始創彥文安輯人民增置戶口興學勸士去任民思

當陽縣志



卷之四

〇九

之

王元賓至元間知縣時兵燹學廢元賓至乃相舊址
修復如制

明魏忠洪武十三年任知縣邑治万城遭水患忠徙
復舊治增修廨宇創學興教風化以行

姜英福建政和人舉人成化中知縣蒞事公勤臨
民平易開西川便路寘馬迹邑自是爲通衢生殖以
振惠政甚多墜監察御史去民歌之曰姜當陽古循
良自去後德難忘

侯嘉祥廣西梧州人嘉靖中知縣時邑始改隸多徵求又川路夫馬初非額設嘉祥撙節措處不以德怨動念後雖繁而民不擾自奉甚薄贖錢毫不自潤民羅仲仁夜殺二弟以盜告嘉祥察其詞色叱之曰汝殺弟當誰捕囚伏一邑稱神陞綿州知州民爲立十善碑

石巨川江西寧州人舉人嘉靖中署教諭深於濂溪之學燕居危坐課士以惇本爲先論文軌於先正士習一變

當陽縣志

卷之四

〇十

吉行健四川西充人舉人嘉靖末任知縣卓達有能廉恕不擾幾於刑措

張松號湛源廣西宜山人舉人隆慶中任知縣爲政廉平時境內多流劫松設法捕之邑賴以安沮水壅決壞城松疏河道南北築長堤數百丈以捍三月竣事遂爲永利姓好山水公餘吟咏不廢

任夢榛字山甫南直休寧人監生萬曆初雲南大理府判任留守司經歷來署縣事有幹略節愛兼著初署孝感奉檄築城底績會邑城惡上復委夢榛治之

制為土垣易圮夢榛悉易軌甃勸厲有方民樂趨
暮月而竣復以餘力修邑志亦其功也

趙思基廣東番禺人舉人萬曆中任知縣精敏疆
於法無所撓未終仕民甚誦之

曹養正四川綿竹人舉人萬曆中任知縣有風裁釐
姦獎輕徭賦犴無寬民嘗曰吾以三無負者官此一
方奈何以民之性命供吾喜怒以民之膏血歿吾子
孫也俄卒百姓哀泣如喪所親

卜汝隨號心源山東益都人歲薦萬曆末任知縣清

當陽縣志



卷之四

嚴簡靜合溶鎮商民湊集緝苦盜侯設柵欄嚴保甲
法民以安奉上檄督兵於沅威略甚著加同知銜督
餉勞粹卒於道樞經本邑民攀號不絕

王芳寶應人萬曆四十六年任教諭風格高整教
訓崇吉卒芳為治殫其積俸入請當稟購扶輿以歸
黃聖年字逢永廣東南海人崇禎間由舉人署本學
教諭溫文醇雅喜作詩古文詞著林有堂草邑志廢

賴為編集云

區懷瑞字啟圖廣東人舉人崇禎間授本邑令治尚

淳和學推淹雅有詩文集行世尤長經濟賦嘗率大
隊攻城民皆震怖侯猶剪竹蒔花從容應敵防禦不
疎所著有王陽稿今亡
倪瑞胤字清涯江南當塗人明經崇禎末任本邑令
清靜無釋政勅邑中糧輿丁折有鬻田已盡而丁存
本戶者民甚苦之值供審度令丁隨糧轉照糧過戶
遂爲成例至今稱便云

國朝

孫茂槐山東萊陽人順治三年由特用授本邑令

當陽縣志

卷之四

〇十二

駙赴任身衣皂綈多補綻甫下車收瘞白骨隨處碑
冢招撫流亡哀鴻漸集以人代牛汗滴禾土侯見輒
下馬流涕或勞以酒有子矜不能自給侯或謀其晨
夕助其喪具惠民愛士不啻古人尤嫉惡有蠹民者
立杖斃之胥隸無敢索民然粟者邑之西北爲去暴
周國酉等盤踞甚爲邑苦侯上聞勅之旋以憂疾卒
於官遠近莫不泣下侯官一載沒無遺金上臺憫其
苦咸贈金扶柩以歸

門可榮字維光遼東海州人以父蔭爲郎性醇和英

敏有幹畧本邑西河一帶舊防久失其中土著軍
強半率不任修築疾控之上憲至得命軍民協修乃
已初邑中里後十年輪應者曰當年曰斗級歲之弊
悉出其所籍甲每繁重難應疾軫輿情上請革之民
稱便焉

論曰吏治莫盛於漢卓魯龔黃後世絕稱焉三載計
殿最今不有勝於古者乎大都國史不及載者列之
罷乘罷乘不盡錄者詳之邑志自漢迄今吏茲土者
荒畧不具述此十數公者今昔見思必有入其深者
矣

朝廷乘風江漢間上其狀珥筆紀之豈第一邑垂不朽
哉抑聞之先儒廉以爲本守法不失傳不傳非所計
也

人物第二十四

梁鄧元起字仲若邑人初仕齊為武寧太守梁起兵元起率衆會於夏口齊和帝即位拜廣州刺史中興元年改益州刺史仍為前軍建康平進征虜將軍梁天監初封當陽縣侯武帝之初起也益州刺史劉季連持兩端聞元起至發兵拒守元起至巴西太守朱士略降蜀人競來歸元起糧乏或請括巴西二魏涪令季膺諫曰前有嚴敵後無繼援人始附若糾以刻薄衆心一離雖悔無及元起曰善膺退率富人上軍資

當陽縣志



卷之四

○十四

得米三萬斛元起進屯西平季連路絕計窮乃降元起入城珍寶山積悉推與佐吏以鄉人庾黔婁為長

史

黔婁江陵人曾為編令屏陵令

又得荊州刺史蕭遙欣故客蔣元

濟任以州事庾峻潔蔣善謀相須為理尋以老母歸

養詔徵為右將軍以西昌侯蕭淵藻代之時魏將王

景胤攻東西晉壽告急元起倉卒便發帝亦假元起

節征討諸軍將拔漢中會淵藻至入城求良馬元起

曰年少即子何用馬為淵藻志醉殺之誣以反帝疑

焉有司追劾削爵詔滅邑之半封松滋縣侯故吏廣

漢羅研詣闕訟之帝曰果如我所量使讓淵藻曰元起爲汝報讐汝爲讐報讐忠孝如何乃與淵藻贈元起征西將軍仍給鼓吹謚忠侯元起遇害黔婁身營歛殯攜其櫬歸里

元衛應辰邑人自號歸沮散人博學篤行隱居弗仕有古逸民風至大間人

張灝邑人至正中以村德舉任江西道廉訪使振揚風紀有名於時

明李讓邑人登永樂壬辰科進士性端恪務自砥礪

當陽縣志

卷之四

〇十五

初授大理寺評事歷廣東右叅議居官清苦不渝有治教卒於官

歐陽琦字獻修文忠公之裔也祖希德自廬陵宦荆州因家當陽琦幼穎十四饒邑庠弘治中應歲薦或諷以仕琦曰吾有老母以祿養不若以色養也與弟瑋朝夕膝下孝友之教騰於遠近晚尤耽嗜五經年八十有四自題墓而卒

姚逢用字舜卿其先臨江人父徙籍本邑用由國子生授四川嘉定州同知時守尚嚴明逢用以慈和濟

之任太史有齡為諸生時廷用識拔之遷衛輝府通判卒於皖城廷用素好施樁及道卒倉皇間有為其親預製者假以殮人謂陰德之報廷用佐州六年民甚德之祀於學宮

姚會字文甫廷用之孫也少耽學性孝親疾輒侍立不寐無倦色中嘉靖己酉科署教嘉定即廷用舊治士入敬愛歷四川南溪知縣行十二善政大得民心將奏績偶有大宦歸里吏自故事當執手版會怒笞之即告歸士民留之不得乃立祠至今尸祝不忘

當陽縣志

卷之四

〇十六

聶武字仁卿其先河南人宋忠靖公真叔之後父大傑徙籍本邑武登隆慶丁卯科任陝西富平知縣發擣如神不避疆禦有淫僧收匿婦女經年亡問者武廉得狀置之法焚其寺一邑稱神明後自以不能阿上凡七請歸居鄉敦讓好施

葛希賢字子良其先貴溪人祖雄徙本邑希賢十歲能文十四入鄉闈藩使見其幼亟索卷觀之大驚賞既入穀藩使不覺喜溢曰此葛生也主者引嫌罷去相顧歎惋而已萬曆間以歲薦授浙江紹興府判剖

決如流上虞民有殺人應抵者親識懷金為其地希
賢艷然曰人命至重鬼神難欺汝將墨吏我耶慚而
退試生童數千人一夕竟其牘詰旦一一誦述臧否
亡遺者諸生服其神捷會上某有所需於其屬希賢
持不可喟然曰嚇我者止此官耳吾安往而不得遂
拂衣歸性孝友異母弟希俊少孤撫之以歲薦為秀
水丞廉平有聲

李應麟字振公邑人萬曆乙酉以選貢中順天鄉試
性高介絕跡公府初任四川井鹽知縣清苦有異政

當陽縣志



卷之四

〇十七

遷鎮寧知州卒於官貧至無以為殮

鄭克昌字伯賢福州人祖崇進士本學教諭因家焉
克昌少為諸生不售遂棄去放浪山水以吟咏自娛
遠安鮑令慕其高數造訪皆不納本邑馮令強一識
面終不報嘗采禹貢周官以及管韓荀賈諸篇彙為
一書以見志子餘慶字五雲歲薦歷教諭篤行有父
風

馮世廉字淡如邑人以歲薦任浙江仁和縣丞明敏
過人疑獄一讞立決南一載即乞休優游林下二十

年卒

吳九思號時泉本新淦人隸籍本邑以歲薦任黃岡訓俸入縣以資寒士進士鄒之易諸生時善貧失偶九思為之殮故婚新之易戴之如父遷合江今有士董翼亦貧學遇之翼後登第九思卒翼過墓涕泣甚哀

史希楚字景猗邑人以選貢歷知華縣敦俗勸學以德讓為先林居謝絕塵務人罕覩其面

楊誌字石父其先清江人五代祖在廷遷當陽誌

當陽縣志

卷之四

〇十八

儀表豐偉聲如洪鐘少喜古文詞兄弟六七人皆試有司為諸生誌獨不出或強之笑曰吾族嘗與諸兄弟取青紫足矣而諸從每試歸誌輒置酒笑樂三十餘始出遍遊竟內山水時一至吳越而踪跡多在湖湘生平不喜見富貴人長沙禹山宗王善詞賦誌乃以布衣取重稱方外友羈邑有司造廬欲一見不可得子弟疑僞誌曰予布衣又腹大不能為深揖故不敢耳庸倨乎一日於遊次覽鏡見白髭驚曰予老矣堂上且有兩華髮人安可復出自是嘯咏田間十餘

三卒年六十六誌為詩澹宮清真有出思無凄韻深
得風騷之致遺草數卷大都沅湘間語多幽折田居
語多和暢未易材也

金大赤字大純以明經歷寧州華容教職素以孝著
年七十致仕母周氏年九十三崇禎甲戌城陷賊欲
刃其母赤誓賊與母及子鑰俱死

陶鑄陶冶邑人甲戌城陷兄弟被執度不能俱免請
留一人奉先祀兄弟爭死賊兩殺之

游龍飛邑人事母以孝聞人呼為游孝子母有疾剝

當陽縣志

卷之四

○十九

股奉之邑令區旌其門曰純孝

熊穎捷字非熊性樸謹中崇禎丁卯鄉試署江陵諭
闖逆屯襄入遠安鳴鳳山與都司方應新據險協守
賊環攻之若將潰遺書與兄曰朝廷不忍負祖宗何
可辱投厓死

王鎬字世求中崇禎丙子鄉試典試吳偉業評其
文奇橫淵古癸未闖逆屯襄偽徵下不應偽令械之
去至清溪市鎬餉解者酒乘醉道南漳山寺偽令索
之急適有僕物故鎬陽輿輓歸殞于庭令子弟執喪

偽令發棺驗其詐親屬皆速繫錮聞之拍案大呼氣
逐絕

梁國相字調元南陽葉縣人明成化間入本邑籍由
明經任萍鄉訓陞彭澤諭授冠縣和易近人於後學
不厭教誨事繼母以孝聞卒年八十餘子五人長燿
次焜文章有教字國令山金其家孫

聶登衢字瞿竹少敏悟十九補弟子員每試輒冠軍
闖逆偽辟至偽令強之衢痛哭斃其髮自歸江籬和
尚

當陽縣志



卷之四

〇又十九

國朝陳其美字公彥號靜菴先為福之閩縣人徙吉水徙
黃陂始隸籍本邑美生而孝友雅度能容讀書寒暑
不輟登順治壬辰科進士任浙江處州府司李自奉
儉約治尚清靜決獄多所平反分闡校士稱得人卒
于官年五十五昇視歸國卷數卷而已先因亂客瘞
遂家焉載潛志流寓

劉鴻儒字介臣邑明經性豪爽不拘小節諸生時以
邑中事自任每上書當事直陳利弊咸可其議人有
過輒面折之無所回容授湘鄉縣司訓未之任卒年

五十九邑人惜焉

烈女

明曹氏涇溪里人盧友傑妻曹勝女弘治十六年傑死守節嘉靖十八年奏聞旌表建坊

宋氏邑人李宗濂妻太學生宋明之女生子李耀濂故二十七歲苦節課子由庠入監任楚府審理壽五十八卒

王氏邑庠劉拱辰妻年二十二夫死守節事繼姑克孝萬曆中事聞有司歲給庫銀貳兩學使者屢旌其

當陽縣志

卷之四

〇二十

門七十三歲卒

羅氏邑庠張銑妻貢生羅鵬女生子如松一歲而旆死羅氏年二十七守節壽六十一卒

吳氏邑人汪珣妻荆州衛職吳綱女歸一年珣死吳氏年二十一守節壽八十六卒

王氏邑人汪銳妻年二十夫死家貧無子王氏厲志苦守嫁二女無所昵餘蓄以授嗣子以壽終

龔氏邑人蕭宗禹妻庠生龔種德妹歸半載夫死氏矢必死不食七日卒

劉氏邑人栗春芳妻生次子升之甫七日而春芳死
劉氏年二十六守節後三十年甲戌城陷劉與二子
俱死於兵

鄭氏邑庠劉賢妻崇禎甲戌城陷賊欲污之氏入室
舉火自焚侍婢奪其懷中子出不知所終賢亦死遂
絕

張氏邑庠汪若溶妻甲戌城陷罵賊死之

論曰或疑陳仲弓一太丘長爾苟非門地高顯苟陳
交譽亦安能取重月旦殷施至今守余曰是誠有之

當陽縣志

卷之四

〇二十一

然苟以高顯而已何復有公慚卿卿慚長之論故知
太丘之德不可誣也叔孫穆叔以德功言爲三不朽
余以爲摠一不朽爾世固有無德之功無德之言亦
安在其不朽也茲數公者惟節以功著其他皆以德
重不竟其施其文詞亦不顯於世然余以爲有其不
朽矣故論著之窮鄉孤嫠飲泣沒齒彼豈有覲於後
世顧其志操雖與日月爭光可也余固次於士夫之
後非徒女訓亦爲烈丈夫勸焉

儵寓第二十五

漢王 蔡字仲宣山陽高平人獻帝西遷家長安善屬
文蔡邕見而奇之曰王公孫有異才吾不如也吾家
書籍文章盡當與之年十七辟除黃門侍郎以西京
亂不就鄉人劉表為荊州牧蔡依之蔡貌寢通佻表
不甚重作登樓賦以自傷其贈士孫文始詩有曰遷
於荆楚在漳之湄蓋寓當陽也表卒劉琮降魏蔡辟
為丞相掾遷軍謀祭酒侍中朝廷制度悉咨之建安
二十二年從征吳道卒

唐杜 觀杜甫弟甫在蜀有績得觀書迎就當陽居止

當陽縣志

卷之四

〇二十三

詩

五代 梁 震蜀人後梁開平元年進士取道歸蜀時荆督
高季昌借號開府荆臺慕其名留之欲辟為判官耻
不就乃曰震素不慕宦榮公不以為愚願以白衣侍
樽俎許之震終身止稱前進士季昌亦禮重之稱先
輩而不名昌卒子從誨時過其廬贈遺特厚他日謂
震曰吾自念平生奉養已過乃捐去玩好省刑薄歛
境內以安震曰先生待我以布衣交以嗣王屬我今
能自立不墜其業吾告老矣固請退築室於土洲披

鶴之嘗乘黃牛詣村自稱荆臺隱士荆臺

隋縣

宋唐 介字子方江陵人嘗客當陽讀書漳水上仁宗朝擢進士為武陵尉歷平江任卒令入為御史秉行轉殿中侍御史劾宰相文彥博貪綠宮掖帝怒甚將遠竄介徐曰臣忠憤所激豈獲不避何辭於謫帝急召彥博入介責之曰彥博宜自省即有之不可隱彥博拜譴不已帝怒益甚貶春州別駕旋改寘英州帝慮介或道死有殺直臣名命中使護之直鼓動天下數月起歷柳潭復詣州尋復原官入對帝曰卿遷謫

當陽縣志

卷之四

〇二十三

以來未嘗以私書至京師可謂不易所守矣久之請解職出知揚州徙江東轉運使彥博再相薦介曰獨介所言誠中臣病尋進天章閣待制復知諫院多所論劾尋請外英宗立召為御史中丞明年以龍圖閣學士知太原府夏人數擾境土多築堡介悉撤之論以利害不敢動神宗立以三司使召尋拜參知政事帝欲用王安石介言其難大佐因求罷安石既執政介數與爭論帝意主安石介不勝發背卒年六十謚質肅子淑問義問孫恕皆有名

胡安國字康侯建寧崇安人徙居湖南之潭州紹
四年登進士授太學博士提舉湖南學事蔡京素惡
安國羅致獄竟除名讀書衡山紫蓋峯下著春秋傳
政和元年除提舉成都學值母喪移江東父沒終喪
稱疾築室墓旁將終身焉宣和末薦除屯田即辭靖
康初累除太常起居郎不就朝旨趣行比至以疾在
告遽召見安國條奏聖學正心等事語移晷暑甚汗
浹御衣乃退遣中書宣旨且曰他日去即不強留除
中書舍人時議分天下爲四道安國謂權重抗衡將

不可制後金人大入諸道悉擁衆不復北顧如安國
言尋爲耿南仲所排出知通州逾旬金人薄都城欽
宗亟召安國詔不達高宗即位以給事中召黃潛善
惡之罷三年樞密張浚薦再除給事中聞駕幸吳越
一引疾還紹興初復除給事中高宗以左氏傳付安國
一點定安國言春秋經世大典非空言比左氏繁碎不
一宜虛費光陰當潛心聖經帝稱善除兼侍讀專講春秋
秋尋以劾朱勝非爲呂頤浩所排落職歸五年除待
制知永州辭自請提舉江州太平觀詔纂修所著春

秋傳帝謂深得聖人之旨諫官陳公輔等承宰相風
旨交章論之除知永州辭復提舉太平觀進寶文閣
直學士卒年六十五贈四官又詔賜田十頃恤其孤
謚文定子宏寧弟之子寅初生不舉安國取以為子
此出楚紀攷荆門舊志云公父寓荆湖間及公為蔡
京所扼退居漳濱迎父就養子寅宏寧皆貫荆門又
攷公之甥范如圭父舜卒於荆門圭從公受春秋後
寇陷長沙圭寓荆門父之乃構父櫬還閩而宋人李
英作荆門軍貢院記亦稱朱震胡寅范如圭皆由此
科舉云則公之寓此土必有說惜本傳不詳爾

朱震字子發荆門軍人政和進士初仕州縣以廉
稱胡安國一見大器之薦於高宗召為司勳負外郎

當陽縣志



卷之四

〇三十五

不至會趙鼎入為參知上諮當世人才鼎以震對復
召為祠部負外遷秘書少監侍經筵轉起居郎建國
公出閣以震為贊讀兼翊善條陳吏治多見采納時
徽宗未祔廟太常請行明堂祭震力言其不可卒用
陳公輔言行之震謙病旋之貢舉以足疾不果震經
學深醇有漢上易解大旨以易傳為宗合邵張諸家
異同之論而於象數加詳云震嘗讀書於當陽學者
稱漢上先生弟巽字子權與震師事呂祖謙稱二朱
侯仲良字師聖河南人寓當陽顏其居曰時習良二

程之甥師事程顥而胡安國子宏師事良以傳其父之學朱熹嘗稱良之學曰清白勁直

何 參彞陵人博學孝義不求聞達隱居當陽稱處士云

論曰王公孫文章之士年少有名而卒流落兵戈之間依表歸操咸非其意也荆臺隱士所遇畧同均有足悲者子方先生歷仁英神三君皆明主也亦不謂不知遇矣而旋蹶旋起卒扼於異已者以歿徒以犯顏敢諫表著天下論者惜焉胡文公始遭遇哲宗親

當陽縣志

卷之四

〇二十六

擢高第七何沮抑幾不免若朱若侯二公文定之友何公後先皆篤志尚行之士非託諸空言者使各得行其所學詎僅修明程氏之緒而已嗟乎士積學修文立風節以垂後世亦自其力顧欲遭時遘會以施於當日蓋亦有命哉

當陽縣志卷之四終

當陽縣志卷之五

古蹟第二十六

古權國城在內方山東南與那口城皆本縣之故土
那口城在權國城東

麥城在縣東南五十里夾沮漳二水傳楚昭王築關侯
為呂蒙所襲走此

驢城在縣東南五十餘里亦夾沮漳二水

磨城與驢城對隔沮水傳二城伍子胥築以攻麥城者
諺云東驢西磨麥城自破

當陽縣志  卷之五 〇一

糜城在縣東南六十里地名八渠傳蜀將糜芳守江陵
時築

方城在縣東南一百二十里本名方城嚮傳唐郭子儀
築文傳是高氏所築宋末荆湖制軍使趙方嘗立荆

門東西山堡因繕此城子葵復鎮荆湖避父諱改今
名 攷郭子儀討安慶緒圍相州引漳水灌城乃襄陽
之境襄陽間有古方城此蓋內城名偶同亦近漳

水北潯州
方城

東城在縣東一百四十里今州城東即縣之故城見水

五代高氏曾移荆門軍於古城元至元間移荆門
府於古城皆信此

古綠麻縣城在縣東北一百二十里綠麻山土基尚存

宋呂文煥都統是居詭築即今沙洋地。按高氏曾於此築堤亘一百三十里抵潛江捍漢水

荆臺縣故城在縣東六十里今有荆臺

故荆門軍高季昌僭稱南平王改縣為軍治方城又徙

於古城按季昌嘗於當陽荆門之南設貢院宋紹興間復試生於此知荆門軍吳興業等於城西

北隅得武庫地撤而新之為屋七十四楹規制甲於他縣今練樹店下高廟則季昌廟也

洗耳溪在許由山下相傳許由隱此泉

三家市即古三戶津在縣東柘林灘舊有雙忠祠詳典祀

太子岡在縣北四里元文宗為太子時馳驛所也百官進食皆不受惟啜一茶克學詩云

當陽縣志 卷之五 〇二

王輅金根駐此同一苞鳳隨進霞觴豈知四十餘年後老樹殘蟬送夕陽

三公臺在城西南明萬曆間中丞趙賢守籍王煥巡泉

當陽坂即長坂張翼德橫矛處詳事紀 淬劍池 昭溪港 晉寓港

綠林山 仲宣樓 白蓮池 白社 丹井 寒亭

乳窟 七里松 樊夫人昇仙處 唐子方讀書臺

胡文定書院已上互見山川寺觀 北山書院在沮河北朱震朱

時習館侯師聖讀書處今文昌閣地 四賢堂詳典 袁中郎兄

弟讀書處在玉泉紫紫菴創有松桂菴堆藍亭爽籟亭俱在菴後鑿小洞曰幻

霞尚存 邵子明李安期碑 張說碑 唐賢詩碣

吳道子觀音像碑 鏡門 鏡塔 鏡釜 鏡鍾

雲板 龍眉龍角 別部司馬印 壽亭侯印已上俱詳

寺 王泉

論曰稽古度務政之經也匪第一方事也邑古蹟列載詳矣復錄焉備覽也夫蹟曰古政所從也山川麗邑之名古今辨駁者多矣為是邑之古物也者雖述必稽不為是邑之古物也者雖著必割示信也後之君子守其土思其朔因而張弛之資於政九州皆狀故曰匪第一方事也

當陽縣志 卷之五 〇三

五墓第二十七

楚昭王墓在縣南八十里 詳事紀

楚三王墓在湮沉湖側今未詳所在 今兩河口栢木港

有華表出地尺餘崇禎元年土橋寺耕夫偶啟一壙見墓門扁開云大抵楚自遷郢而後此地必多貴戚之家不必皆王又近於蓋山有高氏暗冢七

荆王墓在黃泥岡 按漢唐宋封荆王者三而漢荆王賈實居淮東宋荆王元儼未嘗之國惟

唐荆王元景高祖莫嬪子貞觀十年徙封荆尋為荆州都督有惠政後以罪誅此或其墓也一云是楚之先王岡上舊有楚莊王廟

關壯繆墓在縣西五里地名章鄉 明成化三年知縣黃恕奏請春秋祀

胡光祿墓在縣北二十里苦竹溪荆門舊志胡文定父名淵字澤之文定為

蔡京所惡退居漳濱迎父就養卒葬於此後贈光祿大夫云而省志則云淵仕光祿皆不知何據今衡山

亦有胡淵墓又訛為文定公墓

胡文定墓在縣北十五里龍泉上荆門舊志文定卒葬龍泉山三子寅宏寧

俱貫荆門乃湘潭亦有胡文定墓而省志云寧後徙湖南卒於湘潭豈湖南諸墓乃公諸子之窆耶○明

成化三年知縣黃恕奏請春秋祀○按舊志墓祠即公舊居後為書院環墓古松合抱者尚存四十三株

幹廉使墓在縣西十五里題云山南江北道肅政廉防

使幹公之墓

聶知州墓在縣西十五里玉泉東題云荆門州兼勸農

當陽縣志 卷之五 ○四

事聶公之墓聶公名炳字韞夫江夏人元至正間守

荆門州南半載淮漢賊起荆門不守公出募土兵復

荆門江陵未幾賊復來攻公晝夜血戰死於黃沙舖

葬焉

樊妃冢在縣北二十里古塚累累土人呼為樊妃十二

陵云按唐張曲江詩序云郢城西北有大古冢數十觀其封域多是楚時諸王而年代久遠不可復

識唯直西有樊妃塚因後人為植松柏故行路盡知之今一統志載妃塚在安陸府城西而載郢城在荆

州府城東北三里若以荆之郢城論則邑正在其西而安陸府實在其東南去郢城甚遠且曲江往海

邑中玉泉紫蓋間詩章叠見距今之所謂妃塚者十餘里而序中行路盡知之語又與今土人呼呼相背

別疑邑塚較與
姑記於此

義塚在西門外

論曰楚昭失國踰谿毒及先骨可謂辱矣比其卒也
寧死不敢移安於其臣不敢矯舉於非祀夫子聞而
嘉之曰是知天道矣其不失國也宜哉此一言也楚
昭於是乎不朽矣是以君子慎晚節焉至於精光凜
烈千載如生甚且殘立斷壘爭相取重於千百年之
後惟恐不隸於其土若是則雍門之悲牛山之涕夫
豈足以動志士之顏也哉

當陽縣志

卷之五

〇五

寺觀第二十八

報恩寺在縣南一里明洪武十三年僧圓讓建內設僧
會司寺有山水林木之勝為邑中諸刹之冠總持閣
燬邑紳汪士傑助修僧德愚募正殿圮

大清康熙五年知縣門可榮重修

寺主山名萬壽山
係祝禧處

玉泉寺在縣西三十里隋開皇初詔為智者禪師建賜
寺額時智者為晉王尊禮人競施捨層臺複殿規制
甚麗中有玉泉縈繞唐神秀禪師增修真觀中僧法
瑛夾道植松萬株宋天禧末明肅皇后重建別構行

宮賜常住田今茅瓦自是峭壁懸屋亭觀相望為荆楚叢林之首紹興中兵燹僧璉重修端平甲午又燬元世祖丁丑僧珍重修至正丁酉又燬明成化中僧廣鎮重建尋圯萬曆三十年慈聖太后賜千金給僧正誨重建正殿崇禎十五年荊州惠藩施三百金給蜀僧海福聖葺正殿明季浸為虎穴人跡罕到福年七十許復葺荆榛斧柯不釋手者數載

國朝順治五年守巡道石鳳臺李正茂行部經玉泉憐其苦示免里役自是義旻繼之本赤繼之梵唄鼓復

當陽縣志

卷之五

○六

起福之功居多云按智公自天台歸荊州過當陽望沮漳山色堆藍欲卜青谿建道場嫌地隘步至金龍池上趺坐入定見一人前致敬曰予即關某死有餘烈故王此山禪師何枉神足師曰欲於此地建道場爾神曰此去一舍山如覆船其土深厚弟子願與子平建寺願安禪七日以須其成師既出定見湫潭千丈化為平址棟宇煥麗巧奪人目關公即受五戒皈依稱弟子時以事出神異奏上隋主勅賜名玉泉寺王泉正殿左為華嚴閣邑修千光堂僧本赤重修

大悲閣彞鎮金萬鎰修僧寂聰募邑紳粟引之邑
汪鴻胤共施田五十畝粟引之又施田二十六畝付
東禪堂以供四方行脚其糧俱載粟戶未入寺籍又
縣民左應登施田五石報恩寺道亨施田三石亦在
東禪堂糧載本寺冊 禪堂智者講經臺般舟堂
勅書樓鍾鼓樓今廢

正殿右為十方堂藏經閣即來青閣明萬曆間邑人任
乘舟建仍糞田十餘畝以供行脚 文殊樓湖南道
朱廷案修 伽藍殿彞鎮副將華承恩修 傳燈樓

當陽縣志



卷之五

知縣門可榮修俱僧寂崇募海福募金贖寺田一分

退居觀音閣僧寂襟募修 柴紫菴南堂曰爭名明公安吏部袁中

道建祀諸護法居士者中為維摩詰左為閻侯右為太史袁宗道黃輝雷思霽吏部袁宏道諸公

正殿後為毘盧殿湖南道張登雲修僧寂聰募 觀音殿今廢

正殿前為彌勒殿僧海福重修性闔造像

行宮梳粧樓在寺前宋明肅皇后徵時經此及為后勅

建此宮今遺址短垣尚存 黎巽有詩

嶽歸菴陶者菴即北菴俱廢普通塔院僧寂聰募造

顯烈廟在寺東里許唐貞元節度使裴玢重建明嘉靖

中書省使臣等重建橋榭萬曆間知縣胡朝修廟
後三義殿

大清康熙二年彝鎮副將賈從詰修僧照賢墓廟址覆
山脊石脈亘其中削之復隆起凭欄眺望堆藍勝處
盡在目中

宋勅修傳燈錄處在智者洞前溪之北天禧末命翰林
學士宋綬宋祁與僧道原等修集顛秀以來諸僧錄
成命曰景德傳燈錄

寒亭在智者洞左菩提菴古木蕭森亭下有溪景色幽

當陽縣志

卷之五

〇八

絕宋人詩話云荆門軍王象山寒亭過客多題詩或
謂亭名翠寒

唐賢詩碣碑亭宋慶曆間荆門軍守曲臺謝公錄唐人
王象詩八篇大理評事張田為之序元至大間寺僧
廣鑄昇回本寺碑亭也

大清康熙四年邑紳楊州彥劉鴻儒梁山金泉引之修
印子明李安期二碑今失

吳道子觀音碑高七尺今稍蝕

城隍在殿前重三千斤隋大業十一年造

石碑一張說文盧藏用八分書西塔地以後民間明邑人胡如松傷之

一音寺去寺北五里巖嶺有寺亦智者道場今廢土人

呼為音寺巖

龍興寺在寺南二十里久割入夔陵

大雲寺在玉泉之南舊有大雲寺今南菴是其遺址元

鍾鐃有大雲庄即真公蘭若

大清康熙六年僧寂輝募建

蓮花寺去玉泉西十餘里相傳智者時陸地生蓮故建

宋元寺燬而田存以名庄觀元今并田亦失矣以名

當陽縣志 卷之五 〇十

坪

斗山寺在布視塔院之旁墻址石礎尚存形如斗沮水

環流於前佛耳峙巖於右亦勝地也王泉別院止此

玉泉八景

珠泉跳玉 鐵塔棲金 航臺鏡月 溪水湛天

知識禪關 唐賢碑碣 郵亭夕照 畫閣朝陽

寺本淨土而等於郵驛僧徒續食蓮臺曠於馬棧香

積化為屠場明胡尹朝嘗別為館舍制甚固後胡尹

如川華之以吏役領其事至清古道荆棘康熙間西

征車馬加織大官供具皆素獲多所捐資又為古今

之不相

龍泉寺在縣北十五里晉孝武時慧遠法師道場元皇

慶元年僧惠燈重建明詔萬壽戒師月溪和尚主之

寺有鉄碑一今失其常住田供寺香火及文定祠春秋燕享之需

清溪寺在縣北四十里碑云晉遠法師倡道之所後矣

燹明末樂乙未僧了重建正統二年僧智念復建別

構朝陽菴於寺北天順二年僧惠旻請於朝勅賜寺

額勅書今失古有白蓮池晉大元間遠公至此掬水以浴俄白蓮開敷水面因名又名白社劉巽有詩

祥雲寺在縣北四十里香爐山元至正間建今廢

普濟寺在縣北六十里三牛嶺山水奇秀明永樂間秀

當陽縣志  卷之五 ○十一

峰禪師結菴於上正統七年僧福海改為寺今圯

紫蓋寺在縣南六十里唐貞元十四年天皇悟禪師建

後矣燹明末樂二年僧勝議重建 詳山川

觀音寺在縣東南五十里合洛市古刹也地舊名洋子

山明洪武初僧繼清正統間僧妙超成化丙午僧術

昂嘉靖乙酉相繼修建寺有雲版一元至正元年造

聖水寺在縣東南三十里寺前有石洞名聖母歲旱居

民取水祈雨多應唐德宗為道明禪師建久廢明永

樂間僧妙道復建寺於絕巖俯顧四圍峯巒獻秀殆

幽勝處

郝母寺在縣東四十里元延祐七年廣福禪師建

雲披寺在縣東三十五里

三星寺在縣東六十里元至正元年僧道琳重建詳山

圓通寺在縣北五十里明宣德二年僧了能建

洪山寺在縣南三十里

普通寺在縣南七十里

慈化寺在縣東南三十里唐黃龍祖師開建明萬曆開

邑紳汪錄庠生汪若濤重建前環港水外帶沮河古

當陽縣志

卷之五

〇十二

刹之勝者

紫淵寺在縣南六十里明永樂十三年勝義禪師重建

富里寺在縣東南五十里

五印菴在城北明天啟間邑孝廉栗聯芳建姪栗引之重修

潮音菴在城北隄層峯拱列林木清映郭外一勝槩也

七寶菴在城北明崇禎間邑庠張清川建今廢

仰善菴在城南邑紳汪錄建今廢

三慧菴在縣南六十里明天啟間邑庠汪宗洪建

玉陽觀在玉陽山岡有玉虛閣玉母祠明崇禎己巳主

簿王家棟重建正殿天啟三年典文郭紹椿重建
永興觀在縣東街唐元和中創宋端平間廢明天順三
年道士曾習鉉改東門外正殿祀

大清康熙四年住持僧來金募修又捐資重新神像
後觀在南門外今廢

紫蓋觀在縣南花陂荆南記云有金牛每日晦輒出光
照一方

紫金觀在縣北四十里方山 詳山川

紫霞觀在縣東六十里圓臺山 詳山川

當陽縣志  卷之五 ○十三

大魁閣在學宮左明天啟間知縣胡如川建崇禎庚午

邑庠梁燿汪士傑等重修尋燬

國朝順治間知縣徐天慶許毓仁修復

文昌閣在玉陽山麓知縣胡如川建今燬

三元閣在東門外知縣胡如川建額曰東壁昌運城東

稍曠故於合水之處建此以固風氣云今廢

玉津閣在北關明崇禎間典史張啟明達今廢

論曰寺觀者山川之符目靈秀之表章所以萃時人

廣道術歷代以來莫之廢也雖復神臬天宅固亦琳

洞花臺參差掩映其在山水之間可知也九轉成而丹竈冷三笑絕而白蓮荒滄塵劫火不滅千年鬼工儂谷未多覲也玉泉不借杜繆龍泉不依文定則二刹廢久矣雖狀品泉選石騷人狂客之所有事爾乃若市門可以巢僊屠場可以證果則又何必攀松結桂展衣飛錫之爲後後耶噫此盧生所以入海無得而深公所以買山見譏也

禪宗第二十九

晉慧遠雁門樓煩人姓賈氏師事釋道安石勒將亂安

當陽縣志

卷之五

〇十四

與師四石餘人渡襄陽襄陽陷振錫南遊嘗倡道於邑之廣福山今涪溪寺龍泉寺皆其道場後結宇廬山六十後不復出八十三歲終

隋智者名顓姓陳氏潁川人或曰荊州茅隄里人幼祝髮從師南嶽誦法華經有悟遊天臺謁定光禪師留佛隴山陳宣帝詔割始豐縣調給師少帝詔師至金陵居光宅寺隋晉王廣迎師維揚執弟子禮旣克金陵師因西上止於玉泉山廣奏請立寺尋還天台臨終謂其徒曰莊嚴淨土易往無人火車相毀猶得往

生况戒定慧力言訖唱三寶而逝建寺三十六所
曰棲霞靈巖王泉國清乃天下四絕云

唐弘景王泉寺僧懷讓惠真皆師之詔居京師主法席
後偕道俊還山中宗命朝士賦詩餞別

神秀河南尉氏人姓李氏少爲諸生遊學江表博綜
多聞年五十受具於東都天宮寺開法於蘄州忍大
師服勤六年忍嘆曰吾度人多矣圓解妙悟無如秀
者東山之法盡在秀矣儀鳳中隸王泉寺結廬於寺
之東曰度門天后詔至都師老許肩輿上殿命於舊

當陽縣志

卷之五

〇十五

山冥度門寺中宗即位尤加禮重神龍二年終於天
宮寺壽百餘歲謚大通勅歸葬楞伽峯之麓張說撰
碑存

懷讓六祖能禪師之首座也姓杜氏金州人年十歲
樂佛書時有三歲銘靜過舍告其父母曰此子若出
家必獲上乘垂拱三年辭親來王泉寺依弘景律師
通天二年詣曹溪謁六祖侍左右一十五年天寶三
年寂於衡山般若寺謚大慧

惠真南陽人號蘭若和尚坊州刺史張大禮之子兒

時每啼聞誦經則上十三受具於西京開業寺事修
滿意時玉泉僧弘景居京師表請京輔名僧十四人
同往南泉以真為首真居南泉三十年中宗聞其名
欲召之弘景啟曰此人遙敬則可願上勿強也僧一
行自嵩山來師事真及奉詔泣辭曰弟子於經尚法
中痛無少分天寶十年卒年七十九刑部侍郎韋處
舟護其喪葬於西岩賜諡大慧致南泉在玉泉之南
今南菴是其遺址按
懷讓已謚大慧而真碑又云一行亦謚大慧是同時
有三大慧也

一行內黃人張公瑾孫幼穎異善記覽尤精釋象是

當陽縣志

卷之五

○

為僧隱於嵩山師事沙門普寂後住當陽山依悟真
習梵律開元五年鉉宗強起之敕考正前代曆法造
開元大衍曆十五年卒年四十五師少時從道士尹
崇借揚雄太鉉經數日還之崇疑其不解師曰已究
其義矣因出所撰大衍鉉圖示崇崇大驚及被召鉉
宗以宮人籍試之一覽記憶無遺鉉宗呼為聖人初
漢洛下閎造曆云後八百歲當差一日必有聖人正
之至是師果正其謬云

法常襄陽人姓鄭氏幼從師於邑之玉泉寺初參大

寂問如何是佛寂曰即心是佛師大悟遂之四明
子貞舊隱縛茆以處貞元中鹽官會下有僧揀拄杖
迷路至庵所問和尚在此多少時師曰祇見四山青
又黃又問出山路向甚麼處去師曰隨流去僧歸舉
似鹽官令招之師荅以偈曰摧殘枯木倚寒林幾度
逢春不變心樵客遇之猶不顧郢人那得若追尋又
云一池荷葉衣無盡數樹松花食有餘剛被世人知
住處又移茅舍入深居一日聞鼯鼠鼓謂其徒曰即
故物非他物汝等諸人善自護持吾今逝矣言訖示

當陽縣志



卷之五

〇十七

滅

宋道悟本荊州天皇寺僧初居邑之紫紫山學徒嚮風
裴均時官江陵問法勤至師坐而揖之裴愈加敬向
元和丁亥四月示疾先期告逝至晦日大眾問疾師
驀召典座座近前師曰會麼曰不會師拈枕子拋於
地上遂寂塔於龍泉

思達玉泉寺僧也僧問如何是一印印空師曰萬象
收歸古鑑中曰如何是一印印水師曰秋蟾影落千
江裏曰如何是一印印泥師曰細觀文彩未生時

慕容王泉寺僧宋明肅劉右益州華陽人少失父

通為都指揮與國中從征太原卒依舅龔美后善播龔美以煖銀為

業攜后入京過寺師識其異厚遇之贈以金時真宗在東宮知客張耆引后入見悅而納之及正后位天禧末有詔召師時師已往長蘆辭且曰王泉無僧堂長蘆無山門詔修王泉寺賜額景德禪師建行宮於其側仍遣中使賜三千金賓常住田賜龍眉龍角鎮寺因命官修景德傳燈錄寺之中興實由師也

承皓姓王氏王泉寺住持依大力院出家後遊方參

當陽縣志



卷之五

〇十八

此塔發明心要得大自在三昧藥續鼻視書歷代祖師名字曰惟有文殊普賢較此子且書於帶上叢林目為布視自焚粥稀後坐床窠先卧耳曠愛高聲眼昏宜字大冬至示衆曰晷運推移布視赫赤莫怪不洗無來換替僧入室次狗子在室中師叱一聲狗便出去師曰狗却會你却不會師示寂門人圍繞師笑曰吾年八十一老死昇屍出兒郎齊着力一年三百六十日言畢而逝

宗璉王泉寺住持合州董氏子紹興間寺遭兵火師

修復請於有司重給田土

元鍾山名廣鑄玉泉寺住持皇慶初以壽亭侯印及龍
眉龍角獻於朝勅旨護歸都城法侶咸賦詩餞送唐
賢詩碑向蕪沒於荆門師請於州昇回本寺以補山
中之闕文併以宋朝所賜寺田公據勒之石

明無跡名正誨邑人劉鐘子母李氏十歲祝髮於石寶
山名永燈讀儒書多解義以不了梵咒故不之喜年
二十見僧持緇門警訓者讀之泣下作偈曰善財與
我原同性不証菩提誓不休遂詣荆南訪天柱和尚

當陽縣志

卷之五

○十九

於普仰寺天柱噐而留之改名正誨居三年遍閱大
藏柱沒乃游伏牛尋柱遺跡因之兩都登講席慈聖
太后賜千金修玉泉寺請大藏貯寺中誨初不知度
門所在天柱在普仰時曾口授北宗五十六字云在
度門寺秀國師碑及誨自都歸省訪度門於玉泉東
七里見古寺曰大通秀國師之塔碑在榛莽中棲狀
修治因於塔前建復度門寺裏足養母專修淨土天
啟六年正月先期告逝至期端坐說偈曰人間去住
是尋常處處名山古道場一念不生三世佛誰能道

下可承當有僧問曰究竟若何誨以手拍案云究竟到彼岸遠近塔於楞伽峯麓秀大師塔之旁著有八識略莊子註及詩文諸稿

論曰浮屠始於東漢梵呪譯於後秦蕭梁而教愈熾厥後南北分宗互相競勝君子不甚非之謂王法所不及糾者佛法或足以攝之也如晉慧遠分祖席於蓮社由豫而匡廬永嘉後禁足不復出陶劉諸公稱友善焉智顛受隋煬供養妙悟機警談辨如流東土十七祖顛尤雅好山水其時往來則有徐柳諸公唐

當陽縣志

卷之五

〇二十

北秀屹狀兩京法主張燕公執弟子禮問法勤至此皆淨土之表表而未聞君子非之者咸藉勝茲邑香臺寶樹各盛一時遞續者豈塔帽戒衣遂稱的派耶昔昌黎崇儒以闢佛陽明氏借釋以詮儒理或相因事必有為嗟乎學佛老不善僅足以蠹貨財學孔氏不善乃至於蠹天下此禪宗所由紀也歟

儒籍第三十

漢葛鉉字孝先句容人稚川從祖也吳時居石門縣北二十里石室修煉遇觀册輒邀止折草刺樹以杯盛

之飲之皆旨酒取瓦礫草木之實勸客皆脯粢菜蔬
邑之紫蓋山丹井存焉其上常有雲氣籠罩名攀
倒井謂鉉初以丹試雞雞斃將以器投井中頃雞化
為鳳乃倒井以出之省志云是葛洪

晉張鷟喜字彥悅冀州人張華之族也永康中隨父任
當陽棄俗修真南遊至寶慈觀仙去

梁胡伯女年十四有悟宋大通間遊當陽圓臺山築室
環列羣書獨居七十年脫解去

唐樊夫人劉綱之妻也綱為上虞令晚徵召鬼神禁制

當陽縣志



卷之五

〇二十一

變化事嘗與夫人較術卒不勝後偕仙去貞元中夫
人遊湘潭隱姓字但稱湘媪正人舍十有餘載常以
丹篆療人病後里人張洪棹媪之洞庭遇一道士始
知其為樊夫人後於紫蓋飛昇祠尚存

司馬承禎字子微河內人亦曰天台人少事潘師正
遍遊名山嘗修煉於內方山邑之三星山李白有序
有云予昔於江陵見天台司馬子微是也則天開元
間屢被召至京力請還天台後令築壇居王屋山年
八十九卒弟子表稱卒時雙鶴白雲之異詔贈真一

先生至今內方山猶稱馬仙山云

按讀善金剪

敬玲玲如振王額上小
且如錢耀射一席

王真公主字持盈唐睿宗之第九女初封崇昌縣主
太極元年與姊西成公主俱請出家師事史崇鉉
元初賜西成爲金仙主爲王真嘗修煉於邑之圓臺
山今燦霞觀是其遺跡舊有陳宗遜碑今失
曹何兩仙姑莫詳其始有洞在九子山麓山東南里
許爲河北堰有人於暝旦時見兩女子浮舟堰中
視之則鐵舟也俄入於水因祠姑山上

當陽縣志

卷之五

〇二十二

論曰嘗閱道藏醜字函卷三十有二中載古今真人
列仙四百四十有七事多影響假借不可爲據漢武
言世間豈有仙人蓋妖妄爾豈其狀乎邑仙蹟不多
見存其已載者以備致焉大都慧業文人骨性不常
苟能致虛守靜陶然有得不言仙仙在其中矣魏野
上王魏公詩其一端也何必排雲馭鶴始稱輕舉哉
祥異第三十一

漢元康四年邑獲白虎威鳳

晉太安三年七月戊辰邑地裂三處廣三丈三尺有餘

步長

元泰定四年秋八月當陽地震

至元元年十二月芝草生於覆舟山一本五榦高尺有二寸一本二榦高五寸有半皆兩岐二本相依附瑰奇如珊瑚枝其高者結為華蓋慶雲之狀十二月朔荆門州以獻

明洪武十三年大水崩嚙万城縣治西北盡陷河中乃徙復舊治

弘治二年當陽旱四年又旱五年大旱

當陽縣志

卷之五

〇二十三

嘉靖五年旱

嘉靖十一年大水

嘉靖十八年旱

萬曆四十五年自四月至九月不雨飛蝗蔽天食苗稼殆盡其年大饑

崇禎二年旱三年復早有虎噬人獲之

崇禎六年地震龜山夜鳴山頂祖師殿木魚忽自開閣隨有陷城之變

崇禎十三年飛蝗蔽天民間產牛有一身兩頭兩尾

之異

崇禎十六年桃李冬花

國朝

順治四年五年虎狼遍山谷吞噬甚衆有村落無孑遺者

順治六年七月邑大水

順治十五年五月西山蛟起邑大水潰城西大堤十許丈沿岸屋瓦皆漂男女沒者甚衆是月有風自南來如山崩地震卷屋拔樹所過陂塘盡涸

當陽縣志

卷之五

〇二十四

順治十七年大旱無禾

康熙七年邑大水

論曰子產曰天道遠人道邇此言祥災有本也叩頭反風在長者自以為偶然虎渡河鱉不入境以身殉隄而水退若此者徃徃有之豈皆偶然耶則必有其本矣治如黃霸猶以神爵取容賢如王旦冠準不免唯諾於天書然則尼父作春秋書災不書祥豈無故哉

叢談第三十二

不見於史冊
故列諸談

漢武帝時邑南有八龍五鳳見

後昭烈走長坂趙雲大戰曹兵獲一劍乃曹洪劍也切
鐵如泥手刃曹兵數百人血濺草上至今草生猶有
血點諺云當陽草點點班班如血掃借問明公何辜
因子龍一戰旌旗倒

晉杜預嘗醉卧帳中人聞其嘔吐聲於戶外窺之但見
一巨鱗垂頭而吐云

唐昭宗光化二年邑廨有劉文龍井井中有龍窠將雨
輒有雲氣自中出忽一道士稱自嵩山來取井中龍

當陽縣志



卷之五

〇三十五

窠及草藥去其後邑令黃馴嘗繫馬於井旁或止之
不以爲意至歲餘令及馬皆瘖

明洪武十三年旣徙縣治還舊其石城舊城磚石移修
湘獻王府毀至北門忽有異蜂數十萬螫人爭射不
止衆懼而罷或謂此乃高氏舊城其上有關侯廟神
所憑云今北城門甍尚存

永樂辛卯元旦忽有三虎在沮河北逐之不知所往
是科鄉榜李讓向志倪孝儒三人同登

萬曆丁卯方開學有一兔從樞星門躍出學諭吳瑞

云此科必卯生者中式及中聶武果辛卯生
大通塔前地先年有謀侵者以火燬張說碑忽雷雨
滅火懼而止又有人謀王泉寺常住田其夕夢赤面
人大如山亦懼而止

玉泉山有獸狀如鹿上下陵谷如飛每鳴於澗谷則
雨鳴於岡阜則有高軒過驗之不爽

萬曆乙卯王泉紫菴老桂五月中忽放花一大枝
一小枝寺僧折以報邑令令曰雙桂聯芳此科中式
必粟生矣秋粟聯芳果中式明年公安孝廉袁中道

當陽縣志



卷之五

〇二十六

登春榜此菴乃袁所建也

論曰宇宙內有不可不以理窮之者亦有不必以理
窮之者不可不窮之而不窮焉則黑白淆矣不必窮
之而必窮焉則函蓋隘矣狀惟不可不窮也而窮之
不必窮也而不窮之此說之所以多也志之有餘也
昉於國語國語者傳之餘也餘似可無錄譬則工作
成而竹頭木屑在所棄矣狀不棄焉未始無一朝之
用志之錄餘也亦或以此乎

當陽縣志卷之五終



當陽縣志卷之六

藝文第三十三

五文上

登樓賦

漢王

粲字仲宣山陽高平人

登茲樓以四望兮聊假日以消憂覽斯宇之所處兮實顯敞而寡仇挾清漳之通浦兮倚曲沮之長洲背墳衍之廣陸兮臨臯隰之沃流北彌陶牧西接昭丘華實蔽野黍稷盈疇雖信美而非吾土兮曾何足以少留遭紛濁而遷逝兮漫踰紀以迄今情眷眷而懷歸兮孰憂思

當陽縣志

卷之六

〇一

之可任憑軒檻以望兮向北風而開襟平原遠而極目兮蔽荆山之高岑路逶迤以修迥兮川既漾而濟深悲舊鄉之擁隔兮涕橫墜而弗禁昔尼父之在陳兮有歸歟之歎音鐘儀幽而楚奏兮莊鳥顯而越吟人情同於懷土兮豈窮達而異心惟日月之逾邁兮俟河清乎其未極異王道之一平兮假高衢而騁力懼匏瓜之徒懸兮畏井渫之莫食步棲遲以徒倚兮白日忽其將匿風蕭瑟而并興兮天慘慘而無色獸狂顧以求群兮鳥相鳴而舉翼原野闐其無人兮征夫行而未息心悽愴以



感發兮意切坦而惜惻循階除而下降兮氣交憤於宵
臆夜參半而不寐兮帳盤桓以反側

荆門軍貢院記

宋李英

荆門軍古玉州當陽地山水秀麗甲湖湘楚漢以來人
物相望未易枚舉近世如內翰朱公震秩宗胡公寅秘
校范公如圭率由科舉清規勁節照映千古故士知尊
經學重名誼往往以三公爲執範中更兵革士氣小不
振例附薦於渚宮紹興龍集己卯復試於本軍從罷太
守洪公适之請也貢闈舊在軍治之南初擬簡陋歲久

當陽縣志

卷之六

〇二

而傾歆殆將壓焉吳興葉公爲罷之明年政修人和加
惠士類以爲事有若緩而甚急者莫此爲重乃更相爽
塏得故武庫於罷城西北隅即而葺之爲屋七十有四
楹撤而新之繚以周垣重門廳廡翼如也木章竹幹瓦
甍石鏡悉儲於累月前工僱於市匠食於官而費不取
於催計經始於季春不越月而成邑之吏民咸知輸與
之美視他罷爲寂彼冠裳佩鐙操觚抱槧之士群試於
此亦足增氣矣嘗聞後世士不素厲取士之制雖不遠
古而得人之盛則皆由此途選夫以豪傑之士規規較

三日之長以求合有司程度固不足以盡其材狀使士
先器識擯浮僞毋以決科祿休其良心則異時謀王斷
國上不負朝廷下不負所學於以續前賢風教於將來
是則葉君之屬望於士者可不勉乎葉君名箋字正之
石林先生之裔也得諸家傳知所先務如此是惡得而
不書

當陽縣儒學碑記

元無名氏

學以化民縣以長民而民地之本也當陽墾邑古爲平
州事簡俗醇先王道化之國宋慶曆中州縣立學教養
當陽縣志

卷之六

〇三

生息英材如菁莪撲棧之盛厥後漢上朱公震以易名
世同時文定胡公安國時習侯公仲良講道於龍潭之
上河洛之學被於東南大賢倡之也中更分裂重以乙
未兵火邑境遂墟杵佩佻達田卒汚萊廢已久矣大元
混一崇儒重道詔江南興學校立提舉蠲徭後有司祇
若德意惟謹獨當陽生聚僅完學未遑也至元丁丑保
定張公奉命佩印來職長民所部荒落屢氓七家公勞
來還定石爲克開不數年間戶增七千有奇慨朕文曰
斯民旣庶且富教可緩乎乃議興學縣尹王君元賓實

贊其謀於是景岡相基得遺址於玉州之陽凡山清曩
帶水還會雖寸鋤粒粟後甚難也公赤手經營視爲已
任爲有王事屢輒賢勞於外未嘗一日不銜厥心薦頌
省符董餉數萬事畢還邑謂學之不建非吾責耶晨夕
坐於學躬蒞其役暑寒易節堅忍督勵用不足割俸以
濟工不給指膳以周材弗備厚直以克惟誠惟一感動
人心僚吏協贊士民畢力鄉社以下不調而服勤不微
而恭事會按察使者行縣勉勵序公勤勞而亟成之遂
旣厥後正殿儼如廊廡翼如有宏其門有殖其堂營創

當陽縣志

卷之六

○四

規畫視舊如壯廟貌禮器率應圖式正朔款謁二丁奠
祀春誦夏弦有典有則盛事鉅觀燦然復舉而人不知
勞豈勢迫之哉益得人之深樂爲用也昔周大夫不說
學閔子騫憂之戰國時不信道孟軻氏距之學乃人心
天理於不遑暇之中自有不容已者况公未嘗爲言語
文字之學始建成邑而能約己自勵以敷教勸學爲心
所就乃爾若其弄筆以微利達莫適於用可少愧矣張
公此舉賢於人矣夫使人如公用心何患美化之不行
也列治狀告之司學轉於憲台將聞諸朝廷以俟褒嘉

公論建之舍萊考成興學之士蒲英等辭曰子立學者也宜記敢據實而書至元二十八年八月辛亥立

重建明倫堂記

元徐 驥 邑人

在昔聖人申命司徒敷教寰宇厥後家塾黨庠術序國學風化以陶人倫以厚潤澤漸被靡間邇古者門閭有塾里中有道德者教焉業擅專門生則師沒則祖而祭故三代詳於設學漢唐是因選賢興能文翁治蜀常衣師闡事業有成芳潤清簡唐武德中詔州及鄉皆立學宋仁宗二十有三年復詔州縣立學時守令自堂而

當陽縣志



卷之六

〇五

構由舊而獲家詩戶書文風郁郁故實可考今也混同文軌惠恤章縫內而辟雍外而侯泮以及州邑罔不修舉崇化興賢四方風動而當陽西枕峽山東帶漳水古曰王州始因矣燹士民挈徙隣麗逮至元丁丑麗邑政平還定安集遠近聞風負粒屬襁列市受廛剪蕪剔蒼日就倫理夜無犬吠春有犢耕邑令王君元賓議教化本原莫重於學乃相舊址始建禮殿宮門伉作東西追述前軌嚴嚴翼翼制度復舉奠祀有义厥後銅梁趙珪繼任其事始構堂設講席袵佩來遊執經待問矣歷歲

滋久風雨震凌週年畧施營飭簡陋猶故棟折榱頽勢
將就圯咸謂弗加作新胡以經久至順初元秋九月縣
監侯某資性通敏器局整嚴爲政有經臨事有畫衆服
其信今年春謂縣在李茂實曰國家以法化爲宏綱台
省以學校爲機要當陽小邑甚簡而靜今前廟謹嚴獨
明倫堂左歆右側弗稱瞻視吾將撤而爲新狀學計涼
薄奈何茂實對曰茲事舍公其孰爲自有自中樓閣奚
憂地上宮室哉侯哂曰固當勉爲匪唱孰和乃縮俸金
屬寓士衛琦是贊毗由此士友聞者樂奉芝楮願相其

當陽縣志

卷之六

〇六

成獲多助矣匠石行山訪求大木接尤良者不足則遠
市江濱瀟湘良材度可給用審視舊規湫隘爰加恢拓
畫工於堵斧斤刀鋸昕夕展力旬月就緒柱石平正梁
棟穹隆陶瓦旃幪氣象巍峩庭宇軒豁如跂斯翼如翬
斯飛黝堊膏澤光彩輝映師黽增高賓席加整先進後
進各以序次肇工於癸酉暮春之初底績於是歲八月
旣望不擾不煩事皆克集將泊吉日合樂以落之在鄉
善士謀曰是舉也邑長首建嘉謀同寅官屬羽翼弘多
盡識其事爲吾邑榮僉言曰朕衛時來論曰邑庠堂成

大夫張主力也彌縫織悉夙夜究心職教力也頒書以
示來裔敢草創以請驥以老疾辭不獲而白聖道行乎
天下日月有明容光必照詎以罷邑爲間哉昔子游宰
武城聖人樂聞其絃歌學道愛人語意深遠則知治邑
必有教晉杜預以平吳大功封當陽侯則知當陽古爲
名勝地時宰不以及瓜爲傳舍而以修泮爲急務真見
超卓遠邁時流矧今朝政嘉靖化瑟更張文科取人一
十載餘矣士由是途紆青拖紫者衆吾玉州士來游來
歌如琢如磨升斯堂者巍冠而講唐虞州貢鄉英身登

當陽縣志



卷之六

高第足躡亨衢必有自楚望出者吾黨懋哉元統元年
十一月

張侯濬河記

明王可大

吳江人進士
水利同知

利民之生孰有重於建城導河者哉他罷邑城與河每
不相涉也卜地而城之順流而導之因其勢度其宜而
已爾楚之罷邑盡濱於江之南北蜀江自岷山而下至
枝江而分流爲患愈滋楚之荆承二罷承之被其溢蕩
者十九溺已積歲矣乃當陽邑治故無城賴土垣以爲
防又當漳沮二水會流之衝漳水出於南漳沮水出於

房陵左氏稱爲楚之望自古而已重視之其二水去邑爲甚迫夫水勢分則柔合則奔突勇悍苟下無所洩其駛而四汜也不可防已邑舊有河去土垣可一里許歲自庚申以來江水大濫而諸河亦泛舊河遂湮塞不能受其橫流水散而薄於垣當事者爲石磯於垣之東北以障之蓋邑地東北平下土踈泄滲斥水亟而磯決遂食垣之半并及官舍民廬是水之不利於民者久矣在宋元於江陵路開九穴十三口以洩其怒而民患稍息况大水之會者可不導其舊河哉水淺則盜熾邑令張

當陽縣志



卷之六

君松設窰獲盜逾三十人而餘盜尚涵涵也乃謀於羅伯頤菴何公大指曰松無善治不能弭盜朕多自他所來者又不能回災沴河壅其故道內侵於土垣及於公私之舍公其謂何公曰噫是在我矣不建城無以衛民不導河無以得地朕則導河其最先且亟乎乃告之守臺仰明李公公又曰噫是在我矣朕久歎之際不可重困於民也吾計之廩有穀千石以備賑者今散以濬河即所以賑恤也又計之總居民及里夫共二千名假其力以食此穀即可無饑矣於是上之撫按兩台兩台僉

曰守道之言是也乃下之頤菴公暨荆門守袁君一軋督之張令及衛經劉日南日程其工不三月而河復其故道起自西口至東口止袤一千五十弓抵東南舊河深四丈廣八丈徑達合溶市與川江合尋將潯河之土築爲南岸長堤廣十丈高五丈頂有三丈不必他有所營而屹狀外郭矣又以其餘土起新堤於邑之西北山嘴可三百五十弓高廣及頂亦如前堤其當奔決之處捍以竹木更樹楊以實其根兩堤相帶內以城外以河害實弭也蓋河成而可以舟得以化居有無不至坐嗇

當陽縣志

卷之六

〇九

也可以洩即有庚申之水無慮也可以溉不爲旱魃所窘也民之樂而安之也其利可勝數哉由是量地爲基相勢爲工以埴以石以畚以築并其東北者而盡城之他所之盜將聞而遠遁也以故邑之人垂白及髫者皆欣欣然曰令之功太守之德也主其成者兩臺之績守臺之仁也令委謂予曰松無善治重爲上官憂茲河成矣城可建矣公幸紀之以無忘膚功予曰噫予遷楚四載凡三建城未有不得地而可施工者况予今貢在水利哉是在我矣太守德之守臺仁之兩臺是之令功之

予樂其成雖不文不敢沒其美也河成而巡臺南山趙
公來按都府毅菴馬公亦以遷客至賓相其成者也乃
爲之歌使邑之垂白及髫者歲時伏臘歌以世之歌曰
漳水洋洋沮水瀼瀼以滙爲出當我孔錫河伯殄我食
我舊疆河飲而墳地遜而荒太守曰吁爾毋庸傷上顛
下成爲爾之藏乃鳩爾工乃豫爾梁乃激滿具乃定爾
方河伯告順水復爾常還爾舊疆永妥無殃爾舟爾漑
爾浮爾方爾魚爾鰲爾穀爾秧爾收爾穫爾食爾倉爾
朝爾夕爾祀爾常婦歌於屋夫歌於塲農歌於野士歌

當陽縣志

卷之六

〇十

於房以石以甃以板以箱以墉以阜以崇以翔闢爾之
戶露爾之藏靡有盜賊於萬斯廂我進我守不即我良
我守我令不我忘忘百世傳之以來薦慶時隆慶四年

修城四公祠碑記

袁昌祚

號莞沙東莞人
桑陵知州

余自鄂渚還西陵方濟漳水望玉山起陽屹狀崇墉其
下有祠趨而問之曰以城祠也夫城也百堵畢力民顧
不稱勞焉而祠之者此何以故其士歲對曰茲四公之
大有造於吾土也其敢以忘報祀異日者劉石挺亂阻
兵襄漢之郊暨施南土孽憑恃其篁策谿谷梟張橫噬

而當陽以無城故日岌岌也然此猶以震業之時言之爾今天子即位詔天下罷邑城及江南罷邑適承平之弗戒盜掠其藏累繫窮逸於是沛狀下令薄責諸守宰及按布之使者更寘之而當陽故曠狀櫛衍也縣官惶慄恐不足以固層固其齊民蒿狀慮不足以慎益藏咸夙夜屬其力以守而未暇也自中丞趙公問俗下邑始畫城議而守藩巡臬及我麗伯先後協謀以授事於任叅軍而祇後焉負山帶河絙以隄防其上環數百雉司警之子持柝而夜擊則狂夫瞿狀無敢易慮故縣官得

當陽縣志

卷之六

〇十一

以安意齋閣而一其政齊民得以安居於作息而奉其教則四公之遺也其敢忘報祀余語之曰有功於民則祀之禮也願四公所為功容有大於斯者即若祠豈有為當陽尸祝哉荆襄表介江漢扼東南上游而當陽中距若牙樞焉臂引宛洛腋控秦韓背洞巴蜀膺拊襄沔肅維吳越益昔人誦稱用武之國也昭王紹霸始築麥城自伍子胥有驅磨之後而麥城弗守王奔於隨迄於三國則關羽糜芳保阻築渠稱重鎮矣國家既平劉石之亂尚書白公始議緣漳河塞封人徙遠安數百戶守

之而城未之議也肅皇帝昭受天命而當陽始隸興都
爲湯沐邑視昔彌重乃歲未有城慈惟四公始協謀而
墉之用以拱翼陵廟而施及於東南非淺鮮也故曰即
若祠豈直爲當陽尸祝哉於是士民喜曰吾儕知報功
未識其大信若是言是四公大有造於家國也其敢以
忘報祀祠之制中丞趙公居中守藩王公巡臬鄧公左
右之罷伯趙公又左之皆同堂異室各正南面距玉山
之陽其上爲三公之台以中丞及藩臬二公向問俗登
茲山設甲帳云叅軍旣畢城又能世四公之功於祠中

當陽縣志



卷之六

〇十二

其能足紀因併紀之趙公名賢汝陽人王公名煥太康
人鄧公名林喬內江人趙公名睿涇縣叅軍名夢榛休
寧人

當陽縣新建儒學記

王在晉

雖姑雲黎陽人
尚書時爲督學

當陽舊有學宮居縣右偏風氣宣暢會臬署雲連比肩
并峙形家言縣治匪宜右昂學當徙徙而之它地脉綿
薄已又遷之郊出郭六七里已又遷之城南學益三徙
矣城南面北榛棘中葺築爲宮垣棟傾鑽窪衢塾側棗
盛之安繼在草莽廣文之瓊寄於蕭寺被衣冠而詠聖

術者與牧樵之趾交錯於塗諸生時從沙中聚語曰先
王之道不北面大學之禮雖詔於天子無北面文明向
離明而幽之其美以安素王之靈去習坎而應重明之
運蓋徒諸諸士子以告令君令君白諸當事曰經始勿
亟其計所以程材鳩工之費令君揖而前願自克任毋
煩我穡民於是舍故墟易地直損月俸蠲錢金以肇茲
後而諸學博亦減首藉之需佐土木之急卜基縣治之
左筮吉陽月望辰辟力畢張戒期立庀擇星間內闢爲
廣術饗殿聿成兩廡并列啟聖祠明倫堂死坐後山敬

當陽縣志

卷之六

〇十三

一亭尊經閣雄鎮左角鑿泮池開雲路沮漳之流統焉
湮鬱壅闕之氣廓狀闕達矣廟貌旣飭官師之長率子
弟詣督學使者請有言以紀盛事使者曰懿懌哉令君
之有是舉也藉地靈之羸美補人力之纖嗇人文其有
興乎多士其彬彬競奮乎荆山之陽有美玉焉探其穴
抉其藏而霽竒珍異造物不能以自秘故大塊間氣之
鍾必有人以宣之導之有開必先開人者天也成天者
人也荆郢之墟埒於神臬與壤先皇帝乘軋應運天紘
地維揭揚震厲山川苞孕亦旣雲興颺發矣茲邑分荆

郢之餘毓清英之秀層巒疊嶽從西陵飛度轟接巫雲
南標紫蓋西挺冠玉綠水珠泉清旻漱澗巴蜀荆襄之
絡繹而江漢沮漳之紆縈傳稱楚望詎不信朕余以沅
湘雲夢蒐獵楚材以及竟陵雲杜之豪其能抽演微言
敷揚藻麗者於京潛荆沔之間得巨擘焉朕京潛荆河
士材固張士氣稍溢風會之靡波流不返而安居百里
之地猶存渾噩樸愿之遺夫樸者至文所由生而真材
之所輩出者也在中之美含而未露得人以宣之導之
而連城之寶現矣道不虛行時維有待諸士不聞爾邑

當陽縣志



卷之六

〇十四

寓賢所爲漢荊州文學記者乎有漢荊州牧則象天地
執儀憲極設教導化叙經志業用建雍泮焉立師保焉
宣德音以贊之隆嘉禮以範之五載之間道化大行童
幼猛進武人革面總角佩觿委介免胄比肩繼踵川逝
雲涌疊疊如也競競如也於時當陽長坂戎馬在郊而
立教興賢博求儒術聞人流寓名士雲集負書荷器自
遠而至者三百餘人保釐一方六路咸秩而矧式道中
天聖化昭明之日乎令君嘉惠人文裁盈數畝有以施
立豐其甕宇勤其教植濟濟莘莘爰居爰處勤學謀議

庖厨六經異饌百家詳延方聞之士咸登諸朝漸漬被
化者奚啻三百竟陵雲杜之豪不得獨擅其美矣故以
地氣之奇羸補人力之纖嗇責在令君因地氣之纖嗇
振之以人力之奇羸責在多士荆山有璞吾將剖之清
廟瑚璉有所底授豪傑之士必應運而興予於令君及
諸學博翹首以觀其成焉是役也所費八百鎊為時六
月令君李啟元福建安溪縣人教諭舉人余蛟咸寧人
訓導陳大貴永州人廖世卿石門人督工生負劉家相
李琛黃大中梁國相金大赤耆老羅世卿王大節栗嘗
美例得并書萬曆庚戌仲春立

當陽縣志



卷之六

〇十五

當陽胡侯惠政紀畧

朱光祚

號上愚江陵人尚書

先是萬曆壬子春余以奉常使獻陵取道當陽遊玉泉
不勝穆然咨嗟嘆寺僧之無與講淨業也哀哉欲淨而
不能有驅之者矣於是以方丈為傳舍二三莖芻日搯
刃行屠伯事哀哉安得惠人而與之引噴珠之泉洗生
殺之業乎暇讀李本寧太史遊寺詩飯牛依磬鉢牧豕
辦粗庸酥酪清齋少袈裟俗禮恭威當饑饉後地扼徃
來衝上客頻傳食空王豈素封是詩也可以興矣歲維

癸亥去余經行之年一紀有蜀德讓君子胡君謁選宰
當陽過而問余余曰此去以不忍人之心行不忍人之
政當戒殺玉泉罷僧寮續食爲第一義君額之今甲子
九月余駸駸蒙惠道中聽輿人之誦廩廩德讓者必曰
胡君曰胡君會弛擔里門有子矜數輩揖余而曰先生
有大造於吾邑也夫何以故曰吾邑侯賢何賢乎曰悉
數之不終其姑舉大略如革合溶地保革催糧排年收
頭革玉泉僧人供具墾荒田抵積負而逋民不擾平百
貨之價而市不知有官嚴保約而人爭孝弟在田野息

當陽縣志

卷之六

○十六

荏符之警至羣諸士於仲宣樓作賦論文割俸授糶則
又非治辦俗吏所能企狀侯嘗不言所利而曰先生之
教是先生有大造於吾邑也余避舍而曰夫政言之非
難行之爲難令君以忠厚敏肅之資行清寧惠一之政
益天錫非人力余何力之與有狀以數百年無人爬梳
之痛癢余試言之候聽之輒決江河以行之不可不紀
雖狀見任官例不得立碑聞諸輿釐嘉觀察使君允移
刻榜夫榜以木不終歲之計惟石乃永永求非以爲侯
也爲有害已而去其籍使後之人無所考據者設也即

欲不碑不可得矣此邑人自為意非以為侯余亦為當陽之人不為侯故它媿政不具書侯名如川字汝濟蜀之安居人

元荆門州守聶韞夫先生墓記

黃聖年字逢永南海人教諭

當陽城西十五里黃沙舖有元荆門州守聶先生之墓焉即先生致命之地也先生歿至今殆三百年先生之廟食當在本州而封樹於茲不宜闕狀即志牒亦僅辨先生姓名而已至於先生之行履文章邑之人固未之詳

當陽縣志

卷之六

〇十七

也余小子職在掌故讀先生之文竊感先生之節而思是邑之文獻未周先生之封樹或弗戒也稍為增治蓬穎拂拭遺碣因來拾先生之大都以誌於邑之人焉按傳先生姓聶諱炳字韞夫江夏人元泰定四年進士初授承事郎同知平昌州事先生早孤母改適自平昌還始知之即迎母以歸久之轉寶慶路推官會峒徭寇邊湖廣行省理問官時悍卒多掠民為俘先生言於禿赤釋其無驗者數千人至正十二年遷知荆門州纔半歲淮漢賊起荆門不守先生出募士兵得衆七萬復荆門

文與四川行省平章咬住復江陵其功甚多既而斬黃
安陸之賊復熾賊帥俞君正合兵來攻荆門先生率孤
軍晝夜血戰援絕城陷爲賊所執極口罵不絕賊以刀
抉其齒盡乃斷左臂而走鮮之先生登第時試大別山
賦其文曰厥初馮翼孰鉉孰黃清濁旣凝高下以彰融
狀而江河沅液峙焉而山岳儲祥維大別之名山獨巋
狀於南荒爾其氣通淮漢勢壓荆揚總江漢之統會奮
衡岳之輝光深根浸滂乎后土雲彩洞燭乎圓蒼高標
迥出於九嶷倒影傍接於三湘晉聖賢之經歷雖千載

當陽縣志

卷之六

〇十八

而不忘爾乃層巒嶺峯疊障巔岼石痕欲駭土花若殷
藍膏綠液紅注碧珊樓臺羣飛於翠崦石梁龍矯於蒼
灣浮屠聳其側儂臺峙其間睇靈栢之茸茸雜蒼苔兮
斑斑幽芳野草秋菊春蘭至若地利之富物產之珍以
守則阜以財則殷殊形詭狀不可殫論靈蹤神亦曷可
并陳吾嘗凌絕頂賦遠遊呼鵬鳥以逍遙招黃鶴而曩
猶醉宋玉於秋興之亭邀太白於即官之舟洞庭之水
未波蒼梧之雲不流烏林煙滅曹瞞之魂已冷赤壁風
高蘇仙之句嘗留登高作賦把酒澆愁嗟乎娛樂則有

加矣感慨亦有之矣其有德神禹之德而憂神禹之憂者乎當其九州爲壑四海一煙而神禹出焉巨靈奔天吳翻截天柱之巉岵擎蒼翠之嶙峋其導水之功孰爲之耶狀吾徒今日得圖於禮樂之教者非前日手胼足胝之功徂於衽席之安者非前日克勤克儉之庸乎噫嘻時異事殊風流雲往撫乾坤其瞬息觀古今於俛仰益猶迹神禹之迹於千百載之下矣豈無心神禹之心於千百載之上也哉嗟乎即先生斯賦其浩氣壽節固已概見矣輓近之士競驅馳於尺幅一受事輒苟且持

祿及至危迫首鼠反面者毋論即捐七尺以殉亦計無復之爾非能盡力竭謀至於莫可爲而後已也以視先生收拾餘燼於屠城敗邑之後晝夜攻禦力盡舌繼其受支剝之慘而靡餘憾焉其名實相去何如也嗟乎若先生者無愧其文矣享於斯土者若闡壯繆若胡文定咸以杯土之故有司得以請於朝飭廟貌祠春秋而先生至今闕如也毋亦掌故之失職以至是雖狀先生之節義文章久而彌著讀其文聞其風將必有表章先生而俎豆於關胡之列者余小子又焉能爲有無時崇禎

庚午十一月朔日記

當陽縣修儒學記

國許繁儒邑庠代

當邑原分自江陵於楚屬肥縣爲最古歷唐宋徙真不一至洪武初始復舊治儒學亦經三遷始卜宅於邑治之左介江漢而控荆梁山川形勝前記已詳不具述繼乙酉秋撓檮布緘吾楚獨裂當城遂再陷雉堞樓櫓變爲平址災及學宮僅遺明倫堂數楹爾雖春秋展祀而先聖先賢分祭未妥諸士子曠恨於邑閱十餘年無能爲也構李唐庠來自甲午冬甫至境周視太息曰有土

當陽縣志



卷之六

〇二十

若是不亟亟議保聚豈刻楮三年始成一葉乎欲建宮墻必先營城邑經文緯武將次第及焉進邑人而謀之咸負紳樂趨不數月而竣言言其城湯湯其沅荆以北郢以西屹然保障矣越明年集諸子衿曰城旣固園冠方履尚越在草莽辟廡鐘鼓其共免之爰是邑人士感疾廣勵通學弟子負共捐費助脩縉紳及里民咸佐之費凡殿廡門墻無不弘麗備具是役也不煩稽事經營諸務分給以董其成適學憲狄公較士如郢侯見當庠寥寥乃請加額以廣費序俾遊其門者環橋講課誦門

人弟子之樂事哉在昔廣文之席寓於別館非制也
獲構寘兩學署較舊舍而弘大之不但憑城講學凡蒞
茲土者同官有快閣之安而首舍芸牕生師蒙祉受賜
固不多歟考學宮前制下天子一等羗邑有成例不敢
過侈也明天啟間有請祀孔廟三代者未果惟啟聖祠
遵嘉靖輔臣議今尚未舉將有待也夫君人者上注臣
人者下注無入而藏無出而陽人情以官爲傳舍矣
獨拮据三年沐風雨而奏績是以守藩宋公巡集李公
與司李周公行部至縣皆稱侯之廉於官而勤於治直

當陽縣志

卷之六

〇三十一

指張公嘉侯治行拔於薦剡發金至當佐脩遣師環甲
守之統朝廷之封域而彰侯之勲勞也衆士頌侯鑄之
石閭言於某某不敏狀職在學義不能辭敢載筆直書
至於蒞當如請折漕折麥減徭清糧諸善績邑先生方
別有記不悉載侯諱彥襄字倚旭己丑進士浙江桐鄉
人

當陽縣志卷之七

藝文下

荆南節度使江陵尹裴公重修玉泉關廟記

唐董 挺大理寺評

玉泉寺覆船山東去當陽三十里疊嶂回擁飛泉迤邐
信荆人之淨界域中之絕景也寺西北三百步有蜀將
軍都督荊州事關公遺廟存焉將軍姓關名羽河東解
人公族功績詳於國史先是陳光大中智顛禪師者至
自天台宴坐喬木之下夜分忽與神遇云願捨此地為

當陽縣志



卷之七

〇一

僧坊請師出山以觀其用指期之夕萬壑震動風號雷
號前壁巨嶺下堙澄潭良材集僕周匝其上輪奐之用
則無乏焉惟將軍當三國之時負萬人之敵孟德且避
其鋒孔明謂之絕倫其於殉義感恩先生一致斬良擒
禁此其效也嗚呼生為英賢後為明神所寄此山之下
邦之興廢歲之豐荒於是乎繫符陸法和假神以虜任
約梁宣帝資神以拒王琳驗其故老安可誣也至今緇
黃入寺若嚴官在旁無敢褻瀆荆南節度使工部尚書
江陵尹裴均曰政成事舉典從禮順以為神道之教依

人而行攘彼妖昏祐我蒸庶而祠廟墮毀厥懸斷絕豈
守宰牧人之意耶乃命意令張愼始經其事爰從舊址
式展新規欒楹博敞容衛端肅唯曩時禪坐之楹今則
延袤數十圍矣神明扶持不凋不衰胡可度思初營建
之日白龜出於新橋若有所感寺僧咸見亦爲異也尚
書以小子曾忝下介多聞故實見命紀事文豈足徵其
增創制度則刻於碑右貞元十八年辛卯

壽亭侯印記

宋司馬知白

關公忠勇殞身國事英濟廟食當陽之玉泉逮今千載

當陽縣志

卷之七

〇二

之下凜凜若生四方依嚮奠祀不絕曰兩曰賜其應如
響每歲寺中必大爲籠餅以祭極於齋潔方曝麥於庭
鼠雀不敢近有犯輒自殺以此人咸敬而畏之紹興中
洞庭漁人獲公壽亭侯印競以爲金報於官納長沙庫
中時有光焰吏不敢安之移文荆門送還公入廟印徑
二寸其制甚古印鈕有連環四面相貫上有一大環總
之所以佩也淳熙四年冬元菴真慈摹畫印狀具本末
將獻於東宮是夕印留方丈光發於函輝燭楹廡亦異
矣哉噫公之歿世寢遠城郭已隳日就荒蕪而佩章獨

存略無訛缺自非神物護持安得如此其久且全耶寺
有仁宗皇帝所錫龍翁龍角二物亦與此印同藏名山
永爲鎮寶焉予與元菴爲方外遊遠訪雲蹤悉所經見
故得而詳之如公生平功烈具載蜀志歿靈顯烈則見
於前人碑碣茲弗及也時大宋淳熙五年三月

加封英濟王碑記

宋蕭

軫

荆門軍
教諭

爲臣而忠於君世固有之均於忠而處之難者爲可尚
衽金革至死不厭非難也當其義利之未分是非之莫
辨而見之在我者不定誠難也胥不盡忠於楚而盡忠

當陽縣志

卷之七

〇三

於吳不足推也平不謀於項而謀於劉義不足取也三
國鼎峙漢祚已移天下英雄豪傑雲合響應孰不願爲
曹公執鞭弭以驅馳者壯穆嘗受曹之恩矣其於先主
君臣之分未定也惓惓於主不渝其初非見之明守之
確行之剛者詎能爾耶天數人事不符功業垂成山虧
一簣遺英餘烈猶足爲千載之福澤何其盛哉記謂能
禦大災能捍大患者祀之邦人於王食焉必祀事焉必
咨矣求弗獲奚禱弗應曰雨而雨曰暘而暘王之力也
疫厲不作饑饉不臻王之恩也盜賊屏息田里舉安王

之陰也淳熙十四年襄陽王公殽世其家擁罷麾謂王之有功於民也遂列其狀於部使者上之朝廷以求加封褒崇節槩不吝爵好贈曰英濟寵渥極矣誥命以十五年十一月二十四日下奉命之日遐邇歡騰老稚夾道縱觀舉手加額咸曰非王之受其賜民之受其賜也其得民之深也如此哉王廟食當縣覆船山之玉泉寺住山比丘慶思來請記於軫且以彰王之德後朝廷之命於王之墓古人觀書之際辨姦諛於旣歿表忠義於已往不於此記而又奚記茲軫之心亦太守王公之心

當陽縣志



卷之七

○四

也故書淳熙十六年正月上元吉

重建義勇武安王廟碑

徐

階

華亭人大學士

義勇武安王有廟在當陽縣之西五里蓋王於是葬焉古所謂章鄉者也廟始建於成化丁亥凡曰殿者三曰門者二曰堂曰祭臺者各一請於朝詔得以春秋薦俎亶事載於碑其後屋漸圯而有司莫能葺嘉靖丙辰春司禮太監黃公太保都督陸公出其祿賜之餘得白金二千五百兩屬守備太監張公方撤而新之又建坊於其前作鐘鼓樓作諸廟祀之具咸備繕以周垣而守之

以僧居干人其冬十月告成事昔韓昌黎推尊孔子以爲祀而徧天下者惟社稷與孔子爲狀按史王莽於漢建安二十四年至於今千四百歲矣其褒贈之典代以益崇而廟祀亦徧天下與孔子等何其盛也自古有功德於人者死則必食其報狀其功德有及有不及則其廟祀亦必因之獨忠義之事接於耳目而有激於心則不必功德之及我而慨想感泣自有曠百世而不能已者所謂民之秉彜也當漢之季謀臣策士咸知天下之勢必歸曹操而王獨以正統所在委身昭烈及爲操所

當陽縣志

卷之七

〇五

執操禮之甚厚而王迄無二心去強歸弱繼之以死非忠義之尤者乎孔子述六經垂訓萬世感人以功德王感人以忠義其廟祀徧天下固宜也世或疑孔明益德與王同事昭烈其忠義亦同而廟祀之盛皆不及王以爲事同而報異者夫益德非王比也孔明之事著在蜀爾王始見執於操其利頗良舍而歸蜀魏之人舉能言之至降于禁斬龐德操欲徙都以避而吳之君臣自夜謀王以忠爲快王歿操日以強吳亦遂臣於魏識者於是咎陸遜而思魯肅之慮遠則吳之人又無不知王者

父老子弟轉相告誥傳之四海流及後世而各有激於
秉彞之良此王所以著於孔明者歟故曰王廟祀徧天
下宜也廟繫牲有石二公請子書其重建之歲予因論
王所以致此者系之詩俾歌以祀王黃公名錦在司禮
務德而奉公陸公名炳有文武才其志在安社稷觀於
茲舉可以得其人之概矣詩曰王之廟兮何所枕崇岡
兮俯遙浦左旗張兮右懸鼓王廟兮儼狀生中處兮神
在天從昭烈兮日周旋邦之人兮聚正氣春秋兮奉王
祀牲牲肥兮酒醴旨正自天兮來下青龍乃兮赤兔馬

當陽縣志



卷之七

〇六

長髯飄兮顏渥赭王至今入廟鏡鼓喧兮管噦噪飲且
食兮不嘖以笑於嗟兮明神下為河岳兮上為星辰伊
降福兮獨此邦之人扶天常兮植人紀億千萬年兮相
我天子秩廟祀兮自今維始嘉靖戊午仲秋

重修玉泉漢壽亭侯廟記

孫繼魯 孫松山雲南人
撰學副使

松山子校士過當陽自彝陵午憇玉泉寺周覽壯麗特
勝荆南以覆舟山祀壽亭關侯也乃請玉泉觀侯廟將
頽於草木蒼莽中乃言曰山如覆舟玉泉出焉侯致命

地也玉泉寺勝以侯致命覆舟山則寺因侯勝多年矣
浮屠立不經說誣侯顧護法玉泉弗治其廟豈知所自
與乃屬承天知府吳君惺督知縣侯嘉祥董沙門脩葺
之尋落成時予朞月竣事全楚歸節武昌嘉祥以知府
意來求記予惟古今人臣未有不本於精忠而能射精
光於霄壤與日月爭明者也侯之精忠從昭烈於四海
鼎沸顛沛流離中雖操權石計私交不一少渝從致昭
烈跨有荆益祀漢偏安固孔明籌策膚公而侯之熊虎
疆場真如雲雨擁翊蛟龍此其功豈小補於昭烈哉及

當陽縣志



卷之七

〇七

以新得荊州留侯鎮後天若祚之則威震華夏有終荆
州之軍必向宛洛益州之衆得出秦川乃高帝南鄭入
關中光武南陽定河北算也而孔明草廬計不徒矣無
何吳魏合謀掩侯不備子明所謂擁百萬之衆不可與
爭鋒賢能爲用而不可圖者一旦戮力傾侯矣使昭烈
悉蜀土甲兵恐亦應援之難觀於幸峽窺吳一面往事
可知矣况侯圍樊倦罷孤軍當此兩雄乎其致命覆舟
山者天也故侯亡則荊州失荊州失則宛洛無軍向之
望宛洛無軍向之望則益州之衆竟不能出秦川而興

漢室也昭烈孔明所以竭方經營者未捷無成焉爾已此侯亡漢室不興之兆先見矣何待求安駕晏謂濱屋殞哉故侯之精忠昭當年其精光宜射霄壤間與日月爭明者也魯愛侯廟成輒論其大較畀嘉祥勒之覆舟山以表侯精忠精光以風天下後世為人臣者固以警玉泉寺俾勿壞侯廟毋重忘所自毋認侯願護法云嘉靖二十二年癸亥正月

重新宋胡文定公廟碑 劉 績 字用熙

人生所以參贊天地者也六經載參贊天地之道者也

當陽縣志 卷之七 〇八

六經無傳則人道滅而天地或幾乎息矣故天地不能一日無人人不能一日無六經述者發揮經旨亦不可一日忘功不祀也周衰孔子道不行取魯史成事筆削寓至當之理立不易之法救末世陷溺納而歸文武之道孟子以其功并禹周公益無位則明道正人心有位則行道去人害一而已矣後莫究其說尤氏叙事雜以俗禮公穀釋義多拘日月斷斷焉俵俵焉甚至人主不得聞謀說學士不得相傳習至宋高宗時胡文定公奉詔著述用事精覈發意暢快謂是書乃百王之法度萬

世之準繩可以處大事決大疑得作者心於千載上破
蒙者感於千載下狀後大綱炳炳如日星微公則是經
不傳矣公沒去今三百餘年墓在當陽北十五里成化
丁亥有司奏請立祠繪像於側春秋祀以少牢越四十
年憲副安城劉君時讓讀公書師其人觸權貴屢借興
觀風過拜遂拓舊址有寢有堂有廡有廳官屬其役民
樂其事不日克成以安公靈非以圭爵而尊非以族屬
而親是故澤在本支有時而斬勳在社稷有時而畏功
在六經則歷千萬世猶晨昏也公諱安國字康侯建寧

當陽縣志



卷之七

崇安人地志謂父淵寓蹟荆湖間至公為蔡京惡退居
當陽之漳濱洲墓在焉誌傳父沒築室墓旁耕種自給
若將終身即今龍泉寺僧所攘田也公自云平生出處
內斷於心浮世名利如蟻蠅過前其行可知矣作楚歌
使土人饗公辭曰漳水淡濛兮逸公瑩骨肉野土兮氣
昭明鬱金酒兮灌地黃燎蕭光兮達紫庭求上下兮不
可得公何之兮憂增內華兮 君尊兮臣卑道亨莫
亨兮此時公來復來兮何期松柏兮凝狀獨秀遺像兮
生氣若舊食此土兮非能天壽從則吉兮悖則凶世復

世与人心同

關伯子陪享祠記

李瑤春禮州人本學諭

伯子武安王子平也王祠廟遍天下而臨沮實王死難之所王墓在焉茲茲土者歲時脩故事展謁王墓三爵而享之萬歷壬寅仲夏邑侯錢塘馮公拜王墓下余亦從事其後拜已裴徊悽愴嘆王大節凜凜已復咨嗟長吁嘆乎平之同死國難而不獲公一爵於王王之靈其弗懈乎越日則出蜀太史黃公所作關平詩示余余讀之詞旨激烈與侯意合侯退而捐貲繕治構一字於王祠

當陽縣志

卷之七

〇十

之西以俎豆之以慰武安王靈而終太史之志至是祠成而屬余記余惟忠義之在天地間至不可磨滅之物故死而生之闕焉無聞或沉淪千百世之上而千百世下蒐輯而表章之皆是物王以孤軍戰死死漢也而平死王卽所以死漢何也方荊州失守之日吳扼其吭魏附其背而王父子以數百騎退守麥城日夜堅壁以俟外援其時荊州諸將各懷二心而西川遠在數千里之外臨沮之變實出天亡而平屢戰不休繼之以死上以報君父而下以罄吾私視胡糜劉孟輩不啻犬豕嗚呼

平亦英傑也哉夫有平若此王於是益不朽乎祠
已此太史所為侈諸詩章而邑侯之咨嗟長吁有以
而搜摭遺逸以備掌故太史事也脩舉廢墜以光典
賢令責也沉淪於建安表章於今日俾靈爽有依忠
用勸而奸諛和佞之夫慚悚而不敢肆則秉彜之在人
心也嗚呼孰謂忠義可磨滅哉太史名輝南克人五言
律詩一首附錄於左

玉泉寺智者禪師碑文

隋皇甫昆當陽縣令

益闡軋元資始三辰著象於天坤道資生萬物動行於

當陽縣志

卷之七

〇十一

地皇王於是建國賢聖所以垂文起名教而莫同制
儀而有別至如畫卦觀爻益取隨時之象綜經織緯
通為政之辭大禮同和大樂同節安止治民移風易俗
斯迺生前之事略矣可言死後之間仲尼弗語縱使
雪縈空玄霜拂樹餌金丹而九轉吞玉髓而千年乘雲
也駕九色之鉉龍游漢焉控三山之素鶴逍遙瑤臺之
上容與珠闕之間未窺解脫之門終趣益纏之境誰
覺淵冲真如妙有不生不滅無相無言隨緣應質則

成形隨新舊音則因聲亦說故有白銀汁火之

金丈六之身八部般若之文四種悉檀之義神通自在
慧力無窮因導化行開示悟入皈依者盡發菩提迴向
焉普登常樂是以獼猴建塔遂生忉利之天野雁啣華
後往彌陀之國豈忘日藏沙門孤游正道月光童子獨
見如來四生因茲度脫六道藉此超蘇實火宅之高車
晉河之大筏若乃周室昭王之世影奪恒星漢朝明帝
之時光夢如日使旋西域化漸東都寘像南宮申心北
面自摩騰入洛羅什游秦名教更弘道風斯熾經臺像
閣寶塔香山麗溢巖阿綺盈都邑豈期後魏真君之歲

當陽縣志

卷之七

〇十二

後周建德之年靈廟一除伽藍再滅形容廢毀文字散
遺響落瓊鐘敲沉寶鐸脩禪者舊卷其舌而不談護戒
先賢改其形而悔影世絕調心之路時虧汲引之途無
出世之津梁失生民之大望我隋皇帝乘乾御宇握鏡
披圖友愛蒼生君臨赤子天地同其大德日月合其重
光鼓之以雷霆潤之以風雨除暴亂致太平張四維朝
萬國功成作樂治定制禮正道無爲區寰有截闢泥洹
之路開般若之門宣十二分之經流四千年之法精勤
耆舊捨俗歸僧淨住初童持心秉戒非直法輪再轉法

鼓還鳴四海於是無虞兆民因而有賴委羽乘毛之國
慕風化以來庭靈禽嘉貺之祥應圖書而萃苑巍巍也
非境智之思量蕩蕩乎豈言談而能盡玉泉寺者基此
山焉智顛禪師之居也敕旨正名著額其山鬼嶸峩
我崎嶇崩嶽峯疑偃蓋巒似覆船巨力窮竒之象洪崖
譎詭之形因曲抱而成垣水縈迴而結乳鸚啼碧樹之
洞日月爲之蔽虧霄液由之散聚前瞻江路卻望荆岑
尤帶昭丘右通巴峽禪師本姓陳氏潁川人也少稟生
知童真剃落從師南嶽蘊道天台睿智洪才之響非直

當陽縣志

卷之七

〇十三

播於江南知機妙辨之聲固亦聞於河朔皇帝外子太
尉公晉王性稟孝慈情包惻隱能臣能子匡國匡家蘊
神機之智垂汎愛之心布君子之風偃生民之草徃以
僞陳編版受律行師策妙指縱威稜江海遂尅定金陵
化平銅柱三吳霧卷百越塵清師乃因王利涉王遂因
師受戒師至此而投院王奏聞而起寺於是異域才情
之客慕其道而雲臻他鄉鍊行之僧味其風而兩集師
精研道理盡意談鉉語證禪支心開定本幽崇博義若
挹海而無窮辨句清辭似懸河而自瀉居朋之友雖盈

量以爭取處少之徒從窮崖而莫反爾乃信心檀越積
善通人咸施一材俱投一瓦憑茲衆力事若神功營之
不日而成飾以經時而就層臺迴閣樓殿連房寒暑異
形陰陽殊制雕簷繡栱與危岫而爭高鑿礎鐫基共盤
巖而等固風光出其戶牖雲霧生其棟梁華炫耀於金
蓋氣芬芳於玉樹工圖相好湛若金僊匠寫真容凝如
滿月殿起三層之柱簾懸自響之鍾堂開千葉之華蓮
華飛來之座燈光不滅灌海逾明利柱俱低承幡自舉
吉祥柔滑之草爛熳依庭逆風和氣之香氤氳滿院斜

當陽縣志

卷之七

○十四

通洞穴直柱凝泉色似瑠璃味同甘露波投鶴鼎浪瀉
陸堂飲腹消痾洗軀愈疾石柱銅梁之狀影如蓮池桃
露菊浦之華香浮奈苑可謂山顛耆闍寺同離越似龍
宮而出現疑鹿野以飛來竊以前王惟論體國之
功今共刊碑永記菩提之道余任宰屬城寺居所部文
雖寫意書不盡言其詞曰二儀開廓四氣氛氳方以顛
聚物以羣分通賢通聖明后明君隨機設教觀化垂文
樂章既造禮儀方制定彼親疎決茲疑滯披圖辨物屬
辭明例唯化一生不論三世鉉都玉簡紫闕銀經解尸

遺骨飲液吞精乘龍萬紀控鵠千齡終非實相猶是塵
情唯有大雄湛狀常住不生不滅無來無去千門妙旨
一音演諭度脫衆生涅槃雙樹夢通劉后感應姬王怕
星掩耀滿月澄光寫形東國指聖西方慈悲願海善逝
津梁法顯還晉摩騰入洛花散經臺香流像閣釋教鬱
起桑門盛作露法珠幡風吟寶鐸真君建德運鍾城道
淪沒四生毀除三寶我皇啟聖德侔蒼昊妙法更弘真
儀再造陳氏僭跡王赫斯征勾吳霧卷閩越廓清因逢
智者延謁山庭珠生浮漢玉出深荆華峰崕屹石洞淵

當陽縣志



卷之七

〇十五

懸芬芳菊浦滴瀝瓊泉盤渦似谷覆嶺疑船來儀宴坐
觸地蕭然妙辨悉檀深窮般若緇素雲會挹其河瀉或
施之材或投之瓦經始不日翻成大厦更起龍宮還開
鹿野山連紫蓋江抱黃牛西臨月峽東接昭丘春愔夏
慵水殿山樓旃檀圍繞琳碧還周座吐芙蓉龕懸石鏡
白毫相好紺髮輝映銀鷲徘徊錦鱗游泳騰猴心靜怖
鴟影定倚歎哲王命也蕃屏自天生德孝誠俱秉旦爽
非儔間平詎并出總連轡入調鍾鼎構此伽藍實資力
請魔殿巉巖須彌鬱律倏覩劫終俄看燒訖豈如彼岸

生死皆出金石不朽天地可畢鐫勒岩阿永垂懋實

度門寺大通禪師碑文

唐張

說字道濟洛陽人
尤丞相

夫摠四大者成乎身矣立萬始者主乎心矣身是虛哉
即身見空始同妙用心非實也觀心若幻乃等真如若
數入焉妙本乖言說出焉真宗隱故如來有意傳要道
力持至德萬劫而遙付法印一念而頓授佛身誰其弘
之實大通禪師其人也禪師尊稱大通諱神秀本姓李
陳留尉氏人也心洞九漏縣解先覺身長八尺秀著大
耳應王伯之象合聖賢之度少爲諸生遊問江表老莊

當陽縣志

卷之七

〇十六

銓旨書易大義三乘經論四分律儀說通訓詰音叅吳
晉爛乎如襲孔翠玲狀如振金玉旣而獨鑿潛發多聞
秀施遠知天命之年自拔人間之世企聞蘄州有忍禪
師禪門之法胤也自菩提達摩天竺東來以法傳惠可
惠可傳僧燦僧燦傳道信道信傳弘忍繼明重跡相承
五光乃不遠邇阻翻飛謁詣虛受沃心懸會高悟與真
乘同撤繯指忘識湛見本心住寂滅境行無是處有師
而成即焮燈佛所無依而說是空王法門服勤六年不
捨晝夜大師歎曰東山之法盡在秀矣命之洗足引之

若坐於是涕辭而去退藏於密儀鳳中始隸玉泉名在
僧錄寺東七里地坦山雄目之曰此正楞伽孤峯度門
蘭若蔭松藉草吾將老焉一從龍風從虎大道出賢人
覩岐陽之地就去成都華陰之山學來如市未云多也
後進得以拂三有超四禪升七十味道三十不過是也
爾其開法大畧則惠念以息想極力以攝心其入也品
均凡聖其到也行無前後趣定之前萬緣盡閉發慧之
後一切皆如特奉楞伽適爲心要過此以往未之或知
久視年中禪師春秋高矣詔請而來跌坐覲君肩輿上

當陽縣志



卷之七

〇十七

殿屈萬乘而稽首灑九重而宴居傳聖道者不比面有
盛德者無臣禮遂推爲兩京法主三帝國師仰佛日之
再中慶優曇之一現狀處都邑婉其秘旨每帝王分座
后妃臨席鸚鵡四布龍象三繞時熾炭待礦故對默而
心降時診饑投味故告約而義領一雨溥霑於衆綠萬
籟各吹於本分非夫安住無畏應變無方者孰能至爾
乎聖敬日崇朝恩代積當陽初會之所真寺曰度門尉
氏先人之宅真寺曰報恩軾聞名鄉表德非擬苟厭諠
輦長懷虛壑累乞還山旣聽中駐久矣哀憊無他患苦

魄散神全形遺力謝神龍二年二月二十八日夜中
命跌坐泪如化滅禪師武德八年乙酉受具於天宮至
是年丙午復終於此寺蓋僧臘八十矣生於隋末百有
餘歲未嘗自言故人蒸嘗其數也三界火心四部水背
穰崩梁壞雷動雨沛凡諸寶身生是金口故其喪也如
執親焉詔使弔哀侯王歸賜三月二日冊謚大通展餉
終之禮也時厥五日假安關塞緩及葬之期懷也宸
駕臨諫至午橋王公悲送至伊水羽儀陳設至山龕仲
秋季望還詔乃下帝諾先許真迹宿心太常卿鼓吹導

當陽縣志

卷之七

〇十八

引城門卽護監喪葬是日天子出龍門法金櫬登高停
蹕日晝迴輿自伊及江扶道哀侯幡花百輦香雲千里
維十月哉生魄明卽舊居後岡安神起塏國錢嚴餽賜
逾百萬巨鍾是先帝所鑄羣經是後皇所錫金榜御題
華幡內造塏寺尊重遠稱標絕初禪師形解東洛相見
南荆白露積晦於禪山素蓮寄生於坐楸則雙林變色
泗水逆流至人遠代同符異感百日卒哭也在龍華寺
設大會八千人度二七入二祥練縞也成就西明道場

萬回菩薩乞施後宮寶衣盈箱珍價敵國

舉寵費侑供巡香其廣福博因存沒如此日月逾邁榮
啓相推於戲法子衣戀宗極痛慈舟之遽失恨涌增之
進開石城之歎也不孤廬山之碑焉可作竊比夫子貢
之論夫子也生於天地不知天地之高厚飲於江海不
知江海之廣深強名無跡以慰其銘曰額珠內隱匪指
莫效心鏡外塵匪磨莫照海藏安靜風識牽樂不入度
門孰探法要倬哉禪伯獨立天下功收密詣解却名假
詣無所得解亦都捨月影空如現於悟者無量善衆爲
父爲師露清熱惱光射昏疑冀將住世萬壽無期奈何

當陽縣志

卷之七

○十九

過隙一朝去之嗟我門人憂心斷續進憶瞻仰退思付
囑靜不離定空非滅覺念茲在茲敢告無學

唐賢留題玉泉寺詩序

宋張

田大理評事

田少與中州士人品第天下佳山水處或道荆門之玉
泉昇之棲霞齊之靈巖台之國清諸寺以爲四絕景德
中天子知其地勝異率詔擇名僧居之明年復表其額
故結方外之遊者一或不至不足爲好事慶曆七年
田自武當再謫郢且徙荊州寧母兄荆去玉泉方再竊
心竊幸之意平昔之慕今遂適焉又明年春始造山山

之雄絕岷峻上薄氣象長松萬株夾道十里如大師介
胃申令既令奮狀將作高盤孤撐虎鳳軒翥寺掛巖腹
翠微傍來危樓橫橋下垂清瀨一逕西北玉泉之源纍
纍明珠直出數竇風霽月皎鑑人毛髮時無友人獨携
二三子留山中攀幽覽勝下上晦顯或嘯天外却醉水
邊回頭身世使人羞耻之郢之明日道出軍下軍守曲
臺謝公好古博雅君子也喜田之遊且曰玉泉予之境
土恨守符未能往前使寺僧錄唐賢留題自曲江而下
止近代浮屠齊已方得八篇僧云異日詩殊多第往有

當陽縣志

卷之七

〇二十

大水漂去予惜其遂散亡欲鑿石以紀其事予爲我序
焉敢拜命因道山之崖略慶曆八年七月七日謹序

唐賢詩碣跋

元僧廣鑄號鍾山玉泉寺僧

玉泉覆船蓋龍神宅也自智者大師開山二神護法高
僧碩德繼續提倡遂為楚漢叢林之首由古而今殿堂
樓閣歲時增修曩昔方丈而上峭狀懸崖亭觀相望曰
楞伽峯曰慈雲曰山月曰松風曰惺惺曰彼岸曰寒亭
危逕曲折迥隔塵凡巨棟飛甍修篁古木突兀於煙雲
杳靄間得唐代名公曲江諸賢題品而覆船之名增重

於晉造宋朝真宗景德初元頒加寺錫真茅瓦二莊田地實慕容禪師住山時也越四十餘載慶曆八年荆門太守謝侯命當代悟空本禪師抄出唐賢題詠八篇大理評事張公爲之序鑿石於颺之泉亭至大辛亥又歷二百六十餘年矣近歲泉上碑刻率皆散失而此碑亦爲好事取去深慮珠璣錦繡久則漫滅殊負前賢立碣之盛心於是請於颺侯奉直杜公迎載而歸蕩拭塵垢表而出之以補山中之缺文至大四年辛亥良月既望移立唐賢詩碣記 元衛應辰邑人

當陽縣志

卷之七

〇三十一

僕嘗聞昔唐太師顏魯公製祖亭文勒碑於江州祖將軍廟其後與州吏遷此於九江驛磨之以刊其滄驛之功歐陽詹作文以吊之蓋痛前賢芳迹不幸而泯而悼小人無知殊不辯乎蘭鮑之美惡也荆門之玉泉爲天下名山四絕之冠有唐賢曲江張丞相及孟襄陽諸公留題詩韻備道其美宋慶曆間颺守謝公好古博雅君子也始命匠鑄碑文請於大理評事張君爲文序之以立石於荆門蒙惠二泉之側用增江山之勝俾往來賢士大夫遊者獲爲美觀矣火以來屹然獨在若有神明

護之莫之廢也元運更新車書混一罷治復古碑石
欣豈謂有負力遷之他所欲泯其舊而圖其新幾與顏
魯公祖亭碑者同罹其害當代住持鍾山公聞之見義
必為不違他恤亟到州隨命役徒挽歸龜趺如舊而立
石焉此較於顏魯公祖亭碑何當時不幸而張曲江孟
襄陽諸賢碑文雖經異世塵劫獲遇斯人而何其大幸
也歟吾聞君子樂道人之善吾黨不可無一語以述其
事因不自揆為其槩併借張丞相留題五言古風詩韻
輒成一章以頌其美知我罪幸無以其僭為誚云

當陽縣志

卷之七

〇三十二

勅賜涓溪寺記

明李

賢

南陽人大學士

荆南玉陽廣福山涓溪禪寺者僧智念重建也寺創始
於晉武帝大元丙戌年間遠公法師倡道茲山山之前
一水索迴曰涓溪清徹可愛師嘗於是水浴身時白蓮
開敷遐邇嘆異歷元寺燬於兵至明永樂乙未了義禪
師居之脩葺弗果正統二年春南浦大師之弟子智念
訪天下名山諸祖遺跡至是寺喟然嘆曰有心皆是福
無地不名坤遂卓錫焉寺據廣福山之勝九峯諸山獻
秀舒奇美樹嘉花菁蔥聚鬱誠天造地設之境也而邑

人嘗覺忠等不負靈山付囑之說力施以成其志厥用
不足勸其鄉之豈家巨族協力贊助自是智念偕徒惠
旻等爰荆榛闢土壤市材鳩工首創大佛殿高四尋有
竒深廣倍之殿後建法堂左右爲地藏圓通寺殿其前
則鍾鼓樓門方丈禪室庫庖之屋靡不備焉計其經始
訖於落成閱十寒暑寶十一年丙寅秋也賢相玉毫輝
映霄漢其宏大盛偉之規模右罕有天順改元皇帝復
登寶位庶政一新雨露之恩均施溥被其崇獎道化之
心至矣故智念得以踞於上獲賜金額仍詔禮部割付

當陽縣志

卷之七

〇二十三

焚脩使天下人知佛之所以爲教君子竄之以廣其善
小人竄之以悞其不善王化之助豈小補哉智念稽顙
闕下感恩弗勝復囑予記仰惟佛心天子膺上天之眷
旣極其厚而崇獎先佛之道又極其隆智念嗣佛之教
得際遇明時膺茲恩眷不獨榮於已而光於寺且有光
於荆陽諸山不獨光榮於諸山而天下國家嗣釋氏之
教者咸有光焉天恩至此復何言哉予聞智念克以仁
慈脩已以至誠待物而身心戒定故能感諸檀施而成
此善果也後之若是寺者豈可視爲土木之事而忽之

也乎智念滇南人別號竟空併記之天順二年秋既望
脩度門寺大通禪師捨院碑

汪道昆字伯玉歙縣人
兵部右侍郎

震旦五宗始分南北皆自廣梅入室一用裸一執膳要
之覺有後先成功則一南宗之師曰大鑑北宗之師曰
大通自依法拍南檀經首倡有學率左袒而主北無學
輒右袒而主南其徒遇若交綏守若分壘願教有頃漸
性無成虧鏡懸則景全頓也非漸也日亞則果熟漸也
非頓也大鑑得之歟若不涉階梯大通得之楞伽不容

當陽縣志



卷之七

○二十四

毫髮當其時居為首座出為帝師願獨推轂南宗退狀
而避上舍年踰久視終世忘其言其無際若須彌無量
若阿耨深若龍藏闕若蟄雷大鑑先登大通踵乎其後
北經南而始極南規北而始圓南即家君北亦不失為
貴介高譚者率任耳而區別益嘗大方而未盡耶往肇
林作無遮會誨公與大比丘四十八人俱余故以多聞
多公未竟也其後函中作華嚴會誨公與四衆俱余故
以神解多公未竟也歷七年所其年壬辰公杖錫西來
發自荆楚自述其閉關衡嶽深求歟若楞伽默識真參

不二法既度慶門遺址爲唐勅建大通道場蓋舍利
於是乎藏歸厥張燕國公之碑在焉沙門不守沒於民
間善男子胡如松恢復之是爲母氏外弟迄今鞠爲茂
草乃在父母之邦自我而失宗祧耶非法嗣也遂循乞
法王子長者子大臣身宰官身居士身施五百緡拮据
經始即未能先復舊物庶幾堂構一新方外之政在君
侯願勒豐碑紀盛事余聞有德司契世方尚右而公左
之大道無方寧以一隅作所右無不有左無不有由方
廣而得圓通則上德也公操左券而務自下始亦刻方

當陽縣志

卷之七

〇二十五

爲圓雖狀猶有激也吾祖受歟若言佛言能者得之得
之心得之佛爾大通登座書偈要亦有概於師心鑿錘
之間含光承景具在吾道南矣其徒擁赤幟以行猥云
教外別傳無用語言文字唾諸佛言如糟粕味諸語錄
若醍醐筭路柴車虛張警蹕匹夫何罪罪在無將五祖
業已前知衣止法止自是而後從者如流或捨榆枋或
出蒼莽自以爲飛之至也烏能涉九萬里而南耶大通
不言躬行漸脩頓悟方諸普賢行首迦葉默存日計繼
而歲計羸徐行可跋捷足退無却步進無前途無生而

坐無住而法楞伽而然者歟若即楞伽斯其二法也
往從初學講法佈施其曰無思無為好意必毋固我無
可無不可即此經意人何加焉有法學法後心歷階而
達下學上達固非虛言顏氏致贊則復泯之幾曰非
三句與釋未離迄於坐忘駸駸乎未與與忘忘意達通
不意曾氏得一而守吾宗浸假與道合矣贊其一與也
此其一與也非道非道道在茲乎擬於論顏則南魯
則北矣宋儒各以信德求道主聞見而隸心知東越起
而一洗之猶象良知為總日其徒憚煩而趨密操說鈴
當陽縣志

卷之七

為鼓珠玉行則曠旁行則流齒以元公伯子雁行或未
之遠大通則鑿和也斯足以駭一乘否則南北分岐七
羊均耳是舉也斯道其中興乎擬以勸儒惡聞至道道
無名數非一非二彼之則異端我之則全體無端何異
彼自不生無體何全我亦不立梅公得我心之同欣矣
度門畢事齊命東林惟公總持法門龍象從公至矣萬
歷壬辰九月

楞伽峯度門禪院記

聶登第

字禹汲
邑人

在玉泉山之東七里許山峰峭折屏幃環列林水周匝

花香鳥語泉自冠玉山下紫迴曲澗迤迤山麓舊爲神
秀說法棲息之地後即勅葺於此塏嶽巋狀猶存下建
大通禪寺以秀謚大通禪師故也香火舊盛近頗式微
余兄聶登東嘗爲檀施增脩佛像鍾磬之聲稍振紆折
而上是爲度門菴萬曆中無跡法師正誨所鼎建也正
誨本當陽人氏世居玉泉劉鏗子母李氏方娠偶聞鍾
音誕師是夕星光觸戶頗異自石寶山祝髮乃歸度門
戒德精嚴深究經旨寓金陵數十年遍游廬山五臺坑
瑞瓦官帝京諸大元老官府士民敬禮首登講座念玉

當陽縣志

卷之七

〇二十七

泉傾地母老九十乃募金數千兩還新智者寺剝重營
神秀塏址併建度門禪院前爲山門層樓後爲法堂正
殿旁爲習靜密室亭梅池蓮松竹并茂時與搢紳詩文
唱和說法拈花遠近皈向諸藩官寮競迎供養師以年
高靜息羣獻金繒紫袖綵襜晃耀仍繪師像虔忱頂禮
白下兵部侍郎汪道昆作有重脩度門禪院碑記堂額
曰北宗初地大學士趙志舉題曰正法眼藏行人汪紹
伊題晚與荆南進士袁小脩吏部徐大治邑孝廉粟聯
芳周際明并余數輩往還共結方外友師年八十五在四

召徒乘雨等說偈而逝師以廣長舌散優曇花片語禪機隨人指授度門法會於是中興焉

遊玉泉記

袁中道

出當陽城西踰重阜見諸山巔負象峙而其中一峯尊特竦秀氣宇如玉妍美如冠者即玉泉山也其上時有異氣非烟非霧如氤羅綿與諸山特異山以泉得名故二十里外得泉爲入沮道皆莽莽修澗至巴公嶺下西泉之水繞度門而出會於玉泉其水較洪岸畔多石水始汨汨有聲從此兩掖多坦迤之山泉出其左遊人不

當陽縣志

卷之七

〇二十八

復與泉相捨時見磚埒皆先朝所修馳道近寺得嶺如龜背起村市駢列逾此如一竇諸山左右障泉鼓始勵嚙右壁半落如赤霞左爲諸山巖得圓阜以精治宰坡其上中如來巷是謂寺門入門泉自東來帶寺有危橋正殿依山如屏兩峯袖逸上有智者道場四字黃太史筆昔智者從天台歸荊州登紀山望當陽山色如藍上有紫雲輪囷如蓋遂杖策孤征過玉泉至青溪欲建道場意嫌迫隘遂還玉泉止金龍池趺坐枯樹中致關公皈依真建福庭湫潭千丈化爲平址棟宇煥麗巧奪

人目昔王遵立水瓠子堤完真王應運滹沱水合世法
猶狀況人天眼目百靈護持者乎當時尺一有事出神
心理應望表語而畫家亦傳關將軍起玉泉圖良亦有
以其後北秀復居此地天后作檀越金襴玉題俾於鬼
工是固一時也宋明肅劉后蜀人少隨其父入都過此
寺僧慕容禪師見而異之爲之禮及撫育仁宗正位長
秋大加護持重爲嚴飾是又一時也浸至近代僅存一
殿歇側欲顛跡公居度門傷其荒蕪有志繕修此委神
京大開講肆時黃平倩及予兄弟三人過之跡公言及

當陽縣志

卷之七

○二十九

此寺幾欲墮泪於是平倩中郎各草一疏不盈一菴宮
府朝野金錢麇集其始終營綜中郎極爲苦心今遂煥
然復還舊觀雖不同當時之靈秘亦大有異緣山後一
壁舊多喬木作殿時伐以資用正如剪髮紉衣甚可悼
惜近禁采屢年穉松嬌蛇能增黛色寺固大龍湫也雖
累土爲基今尚如珠在函拾級登後山如可瞰遠尚存
大士閣基夫殿不毗陽以含冲氣閣不毗陰以矚原隰
闕一不可姑待來者殿右有吳道子畫大士碑作天男
象衣褶最古殿右爲藏經閣尚方新頒金疊爛狀左右

各一池清泉從殿後出匯爲池注於玉泉或云那伽之
宮在焉故一山出泉甃之以種芙蓉最佳相傳卽金龍
池出護世殿得前橋復與泉遇東行二百餘步爲乳窟
窟中石作珂色懸乳如蠟淚前一壁如幻霞玉泉之水
嚙其根而後出時作壯籟其絕壁有坎相當云前人穴
以架閣下隱隱有字盡駁予謂是張孟及元微之所書
自可惜若是俗筆能亦煙雲水霜苔蘚亦大解意憶元
微之遊此山詩云松門接官路則當時官路原在門外
曰泉脉過僧房則當時僧房正對清泉流水周於戶下

當陽縣志

卷之七

〇三十

光景可想今重墻圍裹惟恐見泉乃知填蟬翼帖規方
竹杖者何代篋有過洞兩崖多石骨較狹屢以石丸渡
至響水潭有巨石亘溪中去地丈餘泉從石墜忽作大
聲墜而復躍激爲浪花濤雪沾濡衣履山行稍倦童子
以蒲團從坐泉上稍瞑目疾雷破山急兩隨之大似振
秦皇帝驅山鐸也過此兩崖愈狹響泉以出石骨爲泉
所蝕作篆籀文乃捨溪復上山徑至關侯廟前水始寂
是謂泉源過橋撫掌皆如珠串上沸侯所封當爲漢壽
之亭侯而宋紹興中洞庭漁人網得一印上一鈕方二

寸有奇其上一大環徑四寸下連四環皆繫印上製甚
奇文為壽亭侯印不知何故豈唐宋間不識字人作贗
物以入神廟者耶廟外列名人詩碑依稀見張孟等字
不暇讀去廟數十步泉聲甫寂而石浪逼人矣道有二
其尤即走蠶籠道也其右往智者洞諸嶂圍之從一鐸
入如花源道旁怪石磊磊色或如墨如煙可坐可臥其
立而欹者下可逃雨右嶺上為宋修傳燈錄院今廢又
里許至智者菴旁為智者洞石理甚堅若夏屋洞下有
井與大江為盛衰春水漲通於玉泉為洪流綠洞後登

當陽縣志

卷之七

〇三十一

山石欹不受足屢涉至一處稍平即朝曦閣舊基萬山
層疊中忽見山口近林遠水甚暢迹公與予議復之以
祠中即覺孤危難住下智者洞右得少平地乃喜曰蘭
若在是矣相與少坐洞中予謂迹公曰此地似與吾邑
人有緣蓋智者亦公安人也智者俗姓陳父名起祖梁
封益陽侯居公安以公安即舊華容地故亦曰華容人
有二子長曰鐵次曰道先道光即智者其母夫人全胤
在公安街頭里今猶稱聖母塢旁有智者所建報恩寺
其為邑人無疑若祠中即於此信乎與邑人大有緣矣

尋舊路歸復於乳窟看月

泉得月如曉濃雪晚宿於

講經臺

遊紫蓋記

袁中道

往玉泉入春數日走度門高畧游事首紫蓋度老不能從與僧寶公偕沿途多峻嶺四望玉泉甚尊特其後爲青溪茅平諸山上帶殘雪日先映射寶公云大似晴雲映覆山巒予曰雲色稍陳不若雪色之鮮霽照人也過聖水寺相傳葛稚川鍊丹於此取水又數里爲吳王墳荃隆隆起吳王不應墓至此豈吾王之訛耶楚都在沮

當陽縣志

卷之七

〇三十一

漳間宜此地有王家陵墓所云昭丘皆相去不甚遠也此地望沮漳兩岸之樹分行交樾不可紀極路從山後以達於寺蓋自大行少室伏牛鉉嶽諸山蜿蜒而行至此地忽止其前平原千里江南諸山皆不可指數若天百晴明可望見江上風帆數月滿眼峯巒忽見平曠如掌亦覺爽豁往時有客自玉泉青溪紫蓋來者吾即問三山孰佳荅曰皆佳不能優劣及予親至狀後知品題煙雲壯慧人不能大却紫蓋寬博玉泉尊特青溪秀媚紫蓋門戶也玉泉堂奧也青溪園囿也遊者以漸而入

彌深彌妍若欲崇蓋爲青溪是以亭臺花木之娛而
之縣旛列戟之處亦少蘊藉矣此山爲三十三洞天以
南北二山四垂如蓋林石皆紺故名紫蓋予自山後嶺
上來不見垂蓋之美而林石亦無紺者所云綵水耳馨
亦僅存智井爾山頂有仙祠即葛稚川煉丹處予記列
仙傳煉丹紫蓋乃葛稚川祖葛僊公鉉字孝先非稚川
也孝先跣行屈氏二女作履施之後分餌丹二女皆仙
去至云山主爲劉綱樊夫人劉綱爲上虞令亦非是中
人不應作山主俱誣甚且此寺肇基於遠法師天皇悟

當陽縣志

卷之七

〇三十三

從荊州天皇寺移居此往時樹木極茂後盡伐去今新
栽松矯姹如綠雲寺僧等頗嚴守護不過十餘年後又
成佳叢林矣夜宿於藏經樓下曉送寶公歸公安予歸
玉泉行嶺上復望見遠山晴雪殊快至聖水寺從徑路
趨玉泉輿中於諸山外見玉泉屹立有若久客望故鄉
暢適不可言喻豈非宿緣過金家溪畔西水合流處得
一小菴少憇過此山峰多茂樹無童者踰光石嶺石淨
滑不受塵下嶺即玉泉寺田

遊佛耳巖記

袁中道

去青溪五里地曰乾溪有馮茂才者邀過其宅且云
宅有佛耳巖可遊遂同往諸山圍裹忽見平曠前即沮
水山水間一佳聚落近巖石壁接連若鏡垣沉碧中苔
繡蔓紫巖在削壁俯澄潭潭邊石路淨滑可據以濯足
諸山皆鳥緣上予初怖之後扞近舟迄二篙上下各以
一人持之予攀扶而上石啣淺不受足幾墮上復投予
以繩乃得至洞頗寬博據山水之湊沮水自房陵來逕
高安兩岸秀壁相望雲破霞裂其崖如佛耳者極多不
知何代所鑿安得以一舟徧攬其勝也

當陽縣志

卷之七

〇三十四

紫紫菴記

袁中道

玉泉右掖之山一峯直下如象鼻突止即爲菴有堂三
楹曰淨名以祠護法居士者也舒其後霽爲小室二一
居僧一予自居堂中望前山如繡屏墀下有木樨一株
可十圍每開香清一山其右墻外小室三楹爲香積厨
以虎落菴之後所云象鼻突止者瞰之皆石骨鑿一洞
曰幻霞以其中有霞紋也可容一案四人清涼池水從
洞右登山綠鼻而上可百步得亭曰堆藍圍以墻穴以
通風望西南山色如墨花淋漓惟九子在西北稍爲樹

蔽其鐫菴門外左有小臺聽玉泉水聲甚厲可望後山
惟石老樹游雲弄姿堂中軒祠者上為維摩詰左為武
安右為伯脩中郎近得西川黃太史平倩之訃予哭而
祠之平倩長伯脩六歲故位在伯脩上海內交遊多矣
獨祠數公者以皆有功德於玉泉者也即有功德於玉
泉而非道德文藻無遜前三公者亦不敢濫祠後度門
之意以雷太史何思生平護持玉泉甚力亦得附位在
中郎下創始於萬曆辛亥春會以他事歸至壬子六月
初四日落成而總名之柴紫以玉泉亦名柴紫山也

當陽縣志



卷之七

〇三十五

興復玉泉文

陳其美進士

古今名山勝蹟率有神靈司護其間迺廢迺興理準乎
數而扶危救弊人生乎神吾邑玉泉峯巒列翠環匝長
春晴爽登眺濃煙瑞結輕雲蹴繞狀與天台樓霞靈巖
最不後先其神則關夫子在焉隋文帝時智者禪師欲
建道場關夫子現身受戒神催鬼運天奪人工遂爾湫
潭平址殿宇嵯峨事上隋主勅號玉泉所自來矣唐中
宗時有北秀法主談經闡教肇起一代宋仁宗時明肅
太后重加脩飾其元后父自蜀負后過寺慕容禪師感

夢敬禮之所致也後者布視慈雲燈傳不絕塵宗蓮盛
明有無跡禪師請京請藏蓋殿脩廊成功益鉅遺碣猶
存此數師者皆具大智慧大願力作山門六柱石以故
法歸一鉢寺延千禩明季烽火連綿楞梵絕響惠藩魯
蠲金付僧海福從風鶴中力為振饒然古刹雖新而室
虛無人矣越

大清鼎興其中招從得遍雲和尚登壇說法衆始翕聚悔
懺管非今佛殿闢於榛蕪鼓鐘懸於淪僕玉相復生禪
宗繼立當代稱為護持有隋弘規不湮於七代之後噫

當陽縣志

卷之七

○三十六

非師之功而誰之功歟雖狀玉泉山僻土厚僧野性樸
西南驛路取道溪谷遊客居士苦於辦結則後之為山
門主者非圓通經藏皈依菩提鮮不愧於歷代道場毋
曰雲散水流資質愚鈍可漫狀不加之意也昔法融禪
定百獸獻花生公講律頑石點頭等而上之塔葬舍利
笠蓋如來芳矩未墜取範靡遙誠體大師之訓而行之
起廢為興當與茲山之靈並隆於無替也余丙戌走潛
晤遍師於湖濱煙水間無日不思為歸玉泉計師以余
有夙願功成講經爲文以銘之銘曰昔自闡聖為

寺開先宏敞壯麗珠噴玉濺為智者皎顯烈玉泉祥林
種地代續迦烟延及有唐神秀乃嫡三帝宗旨度門杖
錫迨夫布視鐵面電的吼顛獅子聞若霹靂元稱慈雲
教網弘濟明鍾誨師望隆京師縉紳大夫堆藍昆弟寶
琅玉軸錫自堂陸清惟性闍的羅羣書開山講戒百穢
驅除夏蒸冬栗澹泊蕭疎盤旋幽曲良疑谷虛莫高匪
山今古惟綠莫察匪泉且宵惟瀑代有高僧演鉢五六
能護法者神錫其福

當陽縣志



卷之七

〇三十七

當陽縣志卷之七終

當陽縣志卷之八

四言古

贈士孫文始

士孫萌字文始年十五能屬文初父瑞知王允必敗命萌將家屬至荊州

及天子都許昌追論誅卓之功封萌為澹津亭侯當就國粲贈以詩此因詩中遷於荆楚在漳

之涓二語故錄之

漢王 粲

天降喪亂靡國不彛我暨我友自彼京師宗守盪失
越用逾違遷於荆楚在漳之涓在漳之涓亦克宴處
和通筮墳比德車輔既度禮義卒獲笑語庶茲永日

當陽縣志



卷之八

〇一

無讐厥緒雖曰無讐時不我已同心離事乃有逝止
橫此失江淹彼南汜我思弗及載坐載起惟彼南汜
君子居之悠悠我心薄言慕之人亦有言靡詰不思
矧伊嫵婉胡不悽而晨風夕逝起與之期瞻仰主室
慨其哀歎良人在外誰佐天官四國方阻俾爾歸藩
爾之歸藩作式下國無曰蠻裔不虔汝德慎爾所主
率由嘉則龍雖勿用志亦靡忒悠悠澹澹鬱彼唐林
雖則同域邈其迴深白駒遠志古人所箴允矣君子
不遐厥心既往既來無密爾音

五言古

過龍泉寺精舍呈易業二公

唐孟浩然 荆州幕

停午聞山鍾起行散愁疾尋林采芝去谷轉松翠密
旁見精舍開長廊飯僧畢石渠流雪水金子耀霜橘
竹房思舊遊過憇終永日入洞窺石髓傍崖采蜂蜜
日暮辭遠公虎谿相送出

答族姪僧中孚贈玉泉仙人掌茶并序

李白 字太白

當陽縣志



卷之八

〇二

余聞荊州玉泉寺近青溪諸山山洞往往有乳窟
窟中多玉泉交流中有白蝙蝠大如鷓按僊經蝙蝠
一名僊鼠千歲之後體白如雪棲則倒懸蓋飲
乳水而長生也其水邊處處有茗草羅生枝葉如
碧玉唯玉泉真公常采而飲之年八十餘歲顏色
如桃花而此茗清香滑熟異於他者所以能還童
振枯扶人壽也余遊金陵見宗僧中孚示余茶數
十片拳狀重叠其狀如掌號爲仙人掌茶蓋新出
乎玉泉之山曠古未覩因持之見遺兼贈詩要余

蒼之遂有此作後之高僧大隱知仙人掌茶發乎
中孚禪子及青蓮居士李白也

嘗聞玉泉山洞多乳窟僊鼠如白鷄倒懸深谿月
茗生此中石玉泉流不歇根柯灑芳津采服潤肌骨
叢老采綠葉枝枝相接連曝成僊人掌似拍洪崖肩
舉世未之見其名定誰傳宗英乃禪伯授贈有佳篇
清鏡燭無鹽顧慚西子妍朝坐有餘興長吟播諸天
玉泉堂中作

元

稹字微之河南人時
為江陵士曹

當陽縣志

卷之八

〇三

楚俗物候晚孟冬纔有霜早農半華實夕水含風涼
遐思雲外寺峯巒渺相望松門接官路泉脈連僧房
微露上弦月暗焚初夜香谷深煙靄淨山虛鍾磬長
念此清境遠復憂塵事防行行且前路勿滯分寸光
題文定公書堂

宋張

拭字敬夫綿州人
曾守江陵

入門認碧溪循流識深源念我昔此來及今七寒暄
人事幾經變寒花故猶存堂堂武彞翁道義世所尊
永袖霜雪手琴書貴缶園當時經行地尚想笑語溫

愛此亭下水烟若玻璃盤晴看浪花涼靜見潛鱗翻
朝暮迎日月俯仰鑑乾坤因之發深感倚檻更無言
宿龍泉寺

明栢 溪

伏劍賦遠遊名山資幽討側聞龍泉勝江山愜夙好
列障獻竒姿千峯勢相抱碧澗蟠蛟龍青林隱猿鳥
山嵐滋石芝晴日曛瑤草雲封石門幽月傍佛樓小
老衲解人情石榻爲予掃蒼苔荐松花焚香分麝腦
平生西方願稽首白足老暫謝塵世心跏趺坐青曉

當陽縣志 卷之八

〇四

何時解天刑繕性息煩惱古鼎篆烟殘鶴夢清未了
人日同度門發足上玉泉

袁宏道 字中郎公安人 吏部郎中

燒却門符紙匝地競如蝘青看稚齒兒堂上誦夫子
予也亦皇皇趨時治山水瓢笠共山僧緇老附行李
是壑即吾居是雲即吾市逸思觸東風吐若爭春蓋
冒霜遵修途十里黃埃起

二

西看東衡匡天公賜我履道遠不能從玉泉且經始

幾年說堆藍未語頗先超夢中見青谿石泉帶雪洗
疊身智者洞扣我先鄉里鄉人說鄉事真切彌可喜
問我氏伊何作講堂者是隋天台講堂乃袁子雄作
登玉泉來青閣

雷思霈

字何思桑陵人翰林

石磴幾千級滂勃夾長栢奔泉冷山骨臥聽知水脉
夕陽空翠生滿身變衣色倏鼓豐隆怒四顧膺雲黑
驚起老蛟精倒捲銀河瀉素朝天開霽亭檻俯石壁
乍聞深澗濤吼山山欲劈峯饒林木青溪借沙路白

當陽縣志

卷之八

〇五

我家萬山中終日對山碧別來已四載見此欲有得
塵土汚緇衣城中車馬客

遊紫蓋山

楊

讚邑庠

我望紫蓋山朝朝山色紫及乎陟其巔漠漠蒼煙裏
丹泉瓢飲豐盈虛有至理凭閣呼孝先孝先醉不起
一練裊秋空居人指江水

謁關侯墓

黃聖年

永隆永南海人舉人本學教諭

立志存春秋取義惟幽獨凜凜煙霄間耿光灼人目
矧茲登崇封森森羅宰木靈衣颯神爽閔宮敞肅穆
驚颺紫駟怒陰霆寶刀煜流眄感霸圖山川阨全蜀
漢燼自不然丹心此焉燭誰云數尺土英毅馳九服
坐東郊

楊

誌 字石父
邑山人

入境氛雜絕無開口笑蕭蕭草莽間寂寂抱幽竅
藉他作穩眠登高極清眺俛仰從所欣滄浪與同調
宿警辭避人潛鱗不上釣所以山澤心何曾慕廊廟

當陽縣志

卷之八

〇六

有酒滿青壘欲醉復大叫何物送殘盃明月出孤嶠
遊玉泉

陳大佑 邑庠

西來千萬峯堆藍獨尊特在昔髻亂時亂離走澤國
飽聞玉泉勝蠟屐未得乘閒采真來會際烽烟息
翻如遠游人須眉尔相識石壁俯青泉蒼松染黛色
茫又墊馬中靜喧分畧刻何時賦歸田誅茅北山北
結伴隨緇流世路任傾側

七言古

謁關帝祠

明余一龍 新安人

天不少延赤帝子雲長事業空傳史鱗經幾向夜挑
燈漢鼎那容人染指威逼阿瞞避欲遷神誅吳將封
還死當陽遺墓尚依朕寄語奸雄休過此

黃平倩至王泉以書見要倍道趨之馬上感舊有作

袁宏道

曉枕濃和發清曉知是家人呼我字翩然一鶴自東

當陽縣志

卷之八

〇七

飛啣得巴江殘子至蠟花滿幅堆明戀要我共踏青
溪翠怒帆一掣截長波馬不待鞭捶以轡顏藍疊綠
瀉平田纈林稠葉點青膩當時京國好兄弟謝堂佳
月城西寺幾年拋沒嘆吹雲又作飛鴻留爪地老去
怕逢綠熟人夢回每說金華事欲知銷折幾番心看
我衣衫重疊泪

五月十三日王泉道中

袁中道 公安人

千山萬山雨忽至夫珠小珠溪裏游此是關公洗刀

兩霑身也帶英雄氣疾雷先雨雨如靈停車且認玉
泉樹志士奇窮避地皆將軍血戰灰心處

玉泉鑊增歌

鍾

惺

字伯敬景陵人
提學

五金惟鑊最愚劣化爲浮圖萬象列立山水中精神
子瘞幹高莖疎其節日星散氣冰霜結佛數恒沙萬
生戒鮫人出波鱗介別商周墨玉漢凹凸似非鑪冶
出鑄鑿臥蠶盤螭不瑣屑元氣淋漓取精竭阿育之
鉢藏敢泄鬼物司之莫能竊其中出入風雷截流出

當陽縣志

卷之八

〇八

峨眉神僧掣關係運數汗隆閱匿光送影大地閉摩
掌情文耳目悅如几案間可擺撤巨細靈頑理難絮
勿云巧力傷樸拙請循其本仍古鑊

隋大業十一年鑊歌

鍾
惺

大哉形神相亭毒金鑊斯壽衆形促若將神氣視金
鑊金鑊猶爲有形屬大業之鑊到於今水火退盡存
者金以置佛前配古增後人不信爲釜鬲天道三十
年一變後火前薪不相見一鑊萬古此靛色宛對鑄

若刻者而自唐以後諸不朽有此鑊昔皆未有時
形反能不化不以精麗爲近久

玉泉鑊塢歌

譚元春

字友旻景陵人解元

冶人爲冶道技微神奇可以救頑鑊瘦硬清老鑊
纒雲風起手波濤結漢玉漢製鑊性滅真宰欺空佛
流血半山雷雨試颺層層天眼瞻鑊蟻古苔難生
蟲虛嚙水鶴銜泉巢嗚咽俯臨隋鑊氣精霰自忘其
高若同列因思古人意想別金石土木無妖孽神之
當陽縣志

卷之八

〇九

格思焉敢襲

隋大業十一年鑊歌

譚元春

鑊兮鑊兮不復鑊兮以之藝香大損沈水以之煮泉
將苦提攜其放置於山水車馬之間者使夫過而問
仰而思念唐以後之古人後此鑊生先此鑊朽而因
是以發深省而悲啼

玉泉鑊塢歌

羈登第 邑庠

丑泉之穴發岷峨冠王之峯掛截紫泉緗九萬九千
乳竺來峯較青溪紫益尤尊特突兀古檜聳危標非
土非木亦非石遙望天半一枝雲倒懸星河夜撲入
近窺玉笋嵌空抽梵界孤撐震且撼巖市樵邨信往
還珠潭水碓互舂折干霄松檜老冰霜潛地苓脂沉
琥珀猿狖朝啼枯樹哀鐸餘音響壑燐懾君不見軒
鼎貯砂泣遺孑又不見露盤餘漢泪血濕曷如阿育
王塢到今存香鑊華鐘飯孟鉢瀑浪蛟龍長寄縑瀾
天風雨雁翻逼我耽洞壑醉遊豪踏訪高逸煙霞客

當陽縣志

卷之八

〇十

有時興至揮禿帚頻掃斷崖驚妙絕靜看慧月琉璃
塢頂明照通金剛圓性無生滅

王泉即事

梁 耀 邑庠

汲山井陘山領虎豹橫野人警遑遑去城市鼎沸連
郵卸短笻欲忘歸松掛夕陽景閱披鶴鷺餐饑餒松
花餅一枕臥匡床晨鐘發深省

沮漲塗

楊州彥 邑進士

西潭昨夜老蛟怒黑雲翻落秋霖注雷叩一派雨
飛千溪萬壑奔不住黃河水色濫灑波移來後却臨
沮路細魚鱗倒駭洪濤巨鯨車翻失故步疑如三家
村裏兒乍踏都城生恐怖洄湍蝕岸入鵝沙橫沉直
下拔根樹土不勝水木不生遂使五行愆氣數野航
如葉競先登逢人舌敝公無渡眼花逐浪掉頭看怪
底一身坐雲霧

覆舟山行

梁 霽 邑人

當陽縣志

卷之八

〇十一

堆藍山色絕比擬西南林叢信尤美如何其形覆如
舩爲問何年曾覆此我聞古人善藏舟將誰賊棧將
誰艤迸出流泉珠萬斛造飛瀉澗樛宮徵象茸竹樹
冠其顛晴朝雨暮圍羅綺僧從大漢建安來寺自揚
隋大業始門前車馬足輾礫強半高官稱時宰景物
櫻心各有託風雅淋漓良可侈我來騎驢到山巔僊
掌旋烹玉泉水詰曲蘿徑行欲徧躩踞老樹同凭倚
斑駁古錢何時物內有青蛙鳴不已癸未迄今廿載
餘九轉光陰一何駛疇昔遊者盡淪亡爾獨泊此將

焉侯將欲乘爾泛滄溟直踏神山三萬里

雷陽縣志



卷之六

〇十三

五言律

送沙門弘景道俊鉉莊還荊州應制

弘景王泉寺僧先是景表

請高僧十四人同住寺

唐宋之間

一乘歸淨域萬騎餞通莊
就日離亭近彌天別路長
荆南旋杖鉢渭北限津梁
何日舒真果還來入帝鄉
宿王泉寺

周 樸

野寺度殘夏空房欲暮時
夜聽猿不睡秋思客先知

當陽縣志



卷之八

〇十三

竹迥煙生薄山高月上遲
又登塵路去難與老僧期

王泉寺

周 樸

寺還名王泉澄水亦遭賢
物尚猶如此人爭合偶狀
溪流雲斷外山峻鳥飛前
初日長廊下高僧正坐禪
送惠雅法師歸王泉

賈

島

字閻仙苑陽人

祇到瀟湘地洞庭湖未遊
飲泉看月白下峽聽猿愁
講不停雷雨吟當近海流
降霜歸楚夕星冷王泉秋

題王泉大師智者影堂

五代僧齊已

大化鍾華頂靈踪亦王泉由來負高尚獨向好山川
洞壑藏諸怪松杉列瘦煙千秋空樹影猶似覆長禪
王泉寺

明張四知

寶地何年結祇園此日逢泉流飛瀑布掄勢湧芙蓉
野鳥來深竹閔雲出遠峯塵纓如可謝從以託孤蹤
王泉寺

當陽縣志



卷之八

〇十四

陳講

寺僻泉揮玉溪轂水渙文洞門收急雨谷口吐寒雲
長笛林邊落疎鐘花外聞老僧閑未了榻穩臥斜曛

王泉寺

四首之二

李維楨

字本寧京山人
禮部尚書

策馬不能去徘徊雙楮間地偏芳艸合天與白雲閒
開徑惟聞鳥閉門猶見山長松掛明月一鶴夜深還

又

西成山盡好後此一峯幽水月心俱寂金銀氣海浮

嵐光暗不夜春色淡如秋雙頂青冥上孤雲任去留
過關王廟

楊洲昆明人舉人

三國由來遠英雄跡未沉西風吹雁過黃葉擁階深
山帶吞吳氣天知復漢心當年有遺恨憑吊欲霑襟
王泉寺懋王菴上人舍

陳文燭

石林依靜宇絕頂玉堪憐鉢洗珠泉裏燈明鏡塔前
僧能談上界我亦指西天蒸暑仍行後聊為半日眠

當陽縣志



卷之八

〇十五

清晨登玉泉山先日大雨

孫文龍常熟人本府知府

雨過溪流急山開曙色分寒煙依澗樹飛旆出松雲
鐘乳清猶滴仙茶翠不聞玉泉疑倒噴晏坐欲斜曛
平將軍祠

黃輝南充人翰林

鳴咽沮流過低徊柳蔭攢一抔存化碧百戰付圖丹
有子宜陪食無人語禮官未應忠孝魄長共國殤寒

正朔如日紫蓋道中

袁中道

野客遊山興還隨春艸生
近雲遮馬過遠燈照人明
西嶺看如疊南田掌似平
斷鴻零落甚伏有道林兄
度門得響水潭將結菴
作鄰志書

袁中道

岫色當門易泉聲繞屋難
飛湍鮮草木發響撼峰巒
正好風漸聽偏宜月下看
從此溪畔石常有西蒲團
龍泉胡文定墓

袁中道

當陽縣志

卷之八

○十六

長袖峰如折寒枝翳古丘
徑荒麋跡亂階淨鶴翎留
風氣有時息松聲不肯休
春王正月裏一盞醉康侯

題聖水寺

無跡法師薙髮地有田四十畝今已矣

雷思霈

聖水何年寺深山半夜鐘
有僧開法席無地即田農
天眼千山月潮音兩洞松
僧來籠小栗為說艸茸茸
遊慈化寺

雷思霈

一入臨沮境嵐煙似黛鬟
村村皆佛土處處是仙山

暑雨隨舟至春雲逐鳥還漫遊存野性濁酒笑酡顏
初夏借門人栗聯芳遊紫蓋

李

達

字生培安邑人

紫氣蒸如蓋雲鬢掃翠峯藤深無徑入丹熟有人逢
榻靜閒敲月風輕漫度鐘伊人知有在且自溯洄從
登孝老閣

栗聯芳

字仲芳臨沖和邑孝廉

閣在最高頭江帆一望收石林虛綠水煙樹卧荒丘
境僻堪逃夏標空別貯煉孝先呼可起肯令此生浮

當陽縣志



卷之八

〇十七

王泉寺

栗聯芳

堆藍還偃蓋滄海擎空陵水月三千佛空花五百僧
松濤晴聽雨石火夜燒燈老不歸真際寥寥何所憑

又

幽洲流泉白重巖野洞幽燈懸雙螳曉葉落萬峰秋
冬至風常冽春來妙自柔那知生滅相無不最淨漚

王泉謁關詞

鍾惺

義勇歸何處，淒狀向此中。始知真佛子，卽是大英雄。
丘壑延神理，機鋒豁怨衷。厭聞懷古者，祠下說孤忠。
為園漫賦

楊誌

野情終不厭，乘曉理芳蕤。土渴受鋤淺，泉乾抱甕遲。
露花低壓帽，風蔓軟扶籬。有道存吾拙，惟應園者知。
遊麥城

楊誌

霽色分江口，長歌走麥城。野花誰是主，芳草不知名。

當陽縣志



卷之八

〇十八

路轉人煙隘，沙乾馬足輕。勝遊咸已醉，村笛兩三聲。
望音寺崖

僧正誨

說是隋朝寺，稜稜在幾層。村連雲起伏，山接水奔騰。
覆嶺千盤樹，橫崖一掛藤。半峯荆棘路，歷望不堪登。
將發玉泉

徐

鑛字翁雲江陵人

曠遠江城北，名山望已通。稻翻千頃綠，花發一溪紅。
晚照人行處，春先鳥語中。前村好問宿，籬落霧濛濛。

新入度門寺

朝國

汪士傑 邑孝廉

昔年曾住此三月解家莊
極甕春如結雪廬臘自長
力農皆佛子有客一裁
皇一入夜蓮花漏殺殺
仍殿床

紫紫菴

郭之都 邑孝廉

何必隋朝寺茲菴亦熱幽
茶煙生竹霧梧葉報禪
鐘曉山還暝雲沈水自浮
表家兄弟好選勝魏吾儔
聖水寺尋遍雲和尚結菴處

當陽縣志

卷之八

〇十九

栗引之 邑明經

絕頂流清梵梯危費討尋
山能豁鈍眼水亦壞塵心
落葉三秋雨奔濤一帶
琴笳菴何處是洞口暮雲深

五言排律

紫蓋山還經玉泉寺

唐張九齡

指途登楚望策馬傍荆岑
稍稍松篁入泠泠澗谷深
觀竒逐幽渺歷險忘巉嶽
上界接佛影中天揚梵音
焚香懺在昔禮足誓來今
靈異若有對聖德其可尋
高僧聞逝者遠俗是初心
薜馭經行處猿啼燕坐林
歸真已寂滅留跡豈湮沉
法施自此廣何云千萬金
先至玉泉寺屬窮冬冰閉
崖谷無色及仲春行縣

當陽縣志



卷之八

〇二十

復往焉故有此作

張九齡

靈境信幽絕芳時重曠妍
再來足茲勝一遇非無緣
萬木柔可結千花敷欲狀
松間鳴好鳥竹下流清泉
石壁開精舍奎光照法筵
真空本自寂假有聊相宣
復此灰心者仍追巢頂禪
簡書雖有畏身世亦俱捐
陪張相公祠紫蓋山遊玉泉寺

孟浩然

望秩宣王命齋心待漏行
青衿列曹子從事有參卿

五馬尋歸路雙林指化城聞鐘度門近照膽玉泉清
皂葦依巖憇緇徒擁錫迎天宮上堯率法界豁幽明
欲就後焉志先聞智者名人隨遊水沒山顛覆舟傾
想像若在眼周流空復情謝公還欲卧誰與濟蒼生
度門寺

元 稹

北祖三禪地西山萬樹松門臨溪一帶橋映竹千重
剪鑿基塔正包藏景氣濃諸岩分院宇雙嶺抱垣墉
舍利開層壘香爐占小峯道場居士直經藏大師封

當陽縣志



卷之八

〇三十一

太子知栽植神王守要衢由旬排講座丈六寫真容
佛語迦陵說僧行猛虎從修羅擡日炬婁室豸霜峰
畫井垂枯朽穿池救唵喞蕉非難敗壞檀喻暫羊茸
寶界留遺事金棺滅去蹤鉢傳烘碼礪石長翠芙蓉
影帳紗全落繩牀土半壅金棺已下并
寺中亦有荒林迷醉象
危壁亞盤龍行色憐初月歸程待曉鍾心源雖了了
塵世若憧憧宿蔭高轂識齋糧并力春他生再來此
還願總相逢

次張曲江韻

元衡應宸邑人

先賢碑碣在遠寓白雲岑閱歷干戈久消磨歲月深
時欣逢太運誰挽過崎嶇寺復迨前世人今嗣好音
宏辭傳自昔美事見於今殊迹幾磨滅高人重討尋
重新誠盛德廢舊是何心麗藻輝禪刹神機邁少林
斯文無泯絕萬事有并沉屹立招提境尤勝布地金
遊玉泉寺僧談征調供億之苦因賦

明李維楨

逕曲泉能遶山迴寺忽逢舟誰藏大壑玉自削羣峯

當陽縣志

卷之八

〇二十三

翠壁蒼苔淨丹崖紫氣重登高竈下界選勝疑南宗
梵宇隋唐構伊蒲楚蜀供嵐沉不辨塙風定一聞鍾
楹古曾栖鶴溪深尚臥龍殿陰寒薜荔簷際墮芙蓉
蘚剝生金碣藤牽化石松天花春已褪雲碓夜猶春
藻井纏蟲網珠林過虎蹤傳燈遙乞火伐木近交筇
問道無問士營身亦老農飯牛依磬鉢牧豕辦租庸
酥酪清齋少袈裟俗禮恭歲當饑饉後地托徂來徂
上客頻傳食空王豈素封攢眉今夕酒蓮社暫相容

七言律

覽玉泉張孟二公題版

五代僧齊已

高顏雙懸張曲江聯題兼是孟襄陽後人才地誰稱
短前輩經天盡負長勝景飽於閱採拾靈踪消得正
思量時移兩板成塵跡猶掛吾師舊影堂

報恩寺

明沈

慶

餘杭人副使

荆楚西來第一峰梵宮森列業重重聞經清唳松陰

當陽縣志

卷之八

〇二十三

鶴聽法香翻鉢水龍徑曲每憐蒼樹合林深時有白
雲封凭高撫景興無盡回首楹廊遍晚鍾

報恩寺步沈公顛

鄭

崇

懷安人進士本學教諭

梵宮深隱玉陽峯駐馬閑登紫翠重祇樹風生聞唳
鶴空堂雲出見降龍地幽應少紅塵到碣古偏多碧
蘚封自是勝遊歸路晚半林殘照慶疎鍾

龍泉寺

方

豪

開化人

為訪高賢停使車因愁落日住禪廬龍潭夜逼軒窓
冷鼙鼓秋傳澗谷虛竹徑獨行僧定後松花飽啖月
明初吾生未必真凡骨何事頻年理簿書

仲宣樓

童時

登樓四望欲銷憂極目平原杪木殊歲月忽驚人已
遠江山如待客重遊峽中水接濤聲迥城上雲連樹
色稠公暇幾回傷往事不堪為客更淹留

玉泉寺

當陽縣志



卷之八

〇二十四

童時

古剎崔巍倚碧空盤臨回首夕陽紅入山影露林間
塲過水聲傳澗底鐘千樹烏啼秋雨裏萬峯寒綠玉
泉中停車坐愛忘歸去莫怪詩人興未窮

宿玉泉寺

孔

廕 向客入荆門

野谷幽深鎖梵宮千章灌水鬱龍慈香煙古篆半簾
霧茶漱清泉兩腋風鶴伴老僧歸夕照山間行客駐
霜楓前朝殿閣渾秋草眺望凄然一概中

煉丹井

無名

僊井依欣梵寺中試窺一鑑倒晴峯飛花水底紅猶
積古薛山中綠自封千載無人丹竈冷一杯留客野
僧供我來翹首遼東鶴華表煠雲駐短筇

題龍泉寺

鄭

名

萬西人
刺史

羸馬東風不計程每逢佳處問山名日斜谷口僧留
宿路遠雲中鶴出迎夾澗幽松含曉色近簷啼鳥喚

當陽縣志



卷之八

〇二十五

春轍上方坐久渾忘却簾捲前峯曉正晴

過玉泉寺留宿

張邦奇

學憲

江郭風清夕照收玉泉峯外倚天樓詩成野寺含明
月夢入瀟湘吊碧沉河洛十旬因問古巴巫千里正
悲煠蒼松翠栢沉沉夜誰共燈前話杞憂

龍泉逢任山甫奉軍夜話

張佳胤

字肖甫
四川人

逢君長坂日輪西話久亭前北斗低聞道春鴻心共

折且憑卮釀醉相攜龍泉向在終相合馬首凌波去
漸迷城楚功名方薦達莫將松棘厭卑棲
謁關帝廟

鄭克昌

英雄非數誰能死拭淚封陵倍慘愴
德。○。○一綫繫春王青天滿
血香堪笑深曹多智意柳榆踪跡荒涼

度門漫興

橋正誼

富陽縣志

卷之八

○二十六

天詔曾聞下玉象一兩經此一掃狀斷碑崩字埋荒
草廢塢無為起暮煙永劫文傳滄海變洪常字載鬼
神憐今人不識唐朝寺只把金沙作墓田

天

深林蕙葉卷秋榮古寺參差地情二樹黃昏曉雨
坐臥峯回日為雲行莫處老樹花飛鳥破初驚
響危隱顯去來千載後度門不與化人城
武甫春谷友人問玉象出處何所看

傳正誼

坐中獨有一碑存張說文章在度門玉乳西來九萬
里碧波東逸兩三村深休始信名符幻大悟方知佛
自尊南北二宗分破了為他隻屨付兒孫

示度門

袁宏道

北平曾記寫疏時黃帕親封下赤繩三十四年薄宦
客一千七無講經師藍堆山續開皇詔德掌茶抽穀
而旗鬼奔神工仍七日直教重立至象碑

度門選袁中郎兄弟

當陽縣志



卷之八

〇二十七

黃輝

度門蛛雨桂花泥想像隋前一片墜龍甲掃山推寺
出鳩紫檟楸待慈樓飛騰化骨天台北頭躍來象印
度西勝地風緣應不薄留君先去破苔蹊

同徐上舍陪曹太史宿紫蓋

劉芳節

且都人
華廉

衡岳飛來第一峯峰形如蓋紫蒙茸標山舊想迦徐
孺蓮社新盟得次宗石丈側窺丹井碧一龕深滌佛
燈紅松簧也解慶禪韻却共簷鈴語在風

百家洞

栗聯芳

望中雲窟出巖巔
馳馬還從頂上旋
一壑朝來能盪
日千山圍處不遮天
堪宜樵徑依雲關
恰好僧房對
月眠已識周何
皆有累誓於此
地學秦禪

眺王仲宣樓

劉楚先

字衡野江陵人
大學士

西京新命重鳴騶
何向危城作寓遊
輦衛顛虞傷去
漢詞人通俛尚依
劉疏楹自拭昭
日月離黍空含渭

當陽縣志



卷之八

〇二十八

井炆名在江山
猶借勝芳華
遙挹麗巖頭

龍泉寺過胡文定墓

楊誌

羸馬迢迢一逕偏
萬峰深處見諸天
山頭白鶴飛來
雪潭底金龍噴
作泉叢桂有情留
小隱松楸無語怨
南邊登臨莫問興
亡事煙雨霏霏
皮石田

九日與伯敬居易在玉泉

譚元春

豈意登高如此清
重陽何止愛其名
鑊依寒寺歲興

發葉下平沙馳重輕颯爽能飛四時雨蕭森不學象
峰晴閒心一意尋泉去尋到源邊月亦明

舟過玉泉問步境同鍾伯敬舊遊時天啟丙寅孟
春也

譚元春

十年書吐落嵐光又手看山衣履蒼智若常存依洞
壑文人銷盡念隋唐土膏漠漠融新雪增影蕭蕭對
夕陽咽向春禽啼不徹行來行去水鼓旁

登仲宣臺

在玉陽山嶺久廢
至今猶之為臺

當陽縣志

卷之八

○二十九

黃聖年

彈丸四塞本巖疆荆晉西來抱玉陽編郡陰森嶺口
遠沮漳迢遞楚陵荒金砂漫憶仙攀井石馬猶驚古
戰場惆悵王孫歸計錯山川謠落賦空長
追贈台落楊石父山人

黃聖年

妙滿昭丘林復淒梳流依舊統雙谿遺書不必公孫
竹絕筆何煩漢使稽白首昂歲悲國馬青雲飛遊笑
家雞煙波七澤知亡憾獨少山齋一杖藜

紫蓋寺

梁 焜 邑明經

古道青苔過雨痕
上方盤陟未黃昏
禪心不比塔前草
迥與偏尋嶺下源
春至藥苗常自種
夜來貝葉幾人緇
樓閣四合天難問
且坐山扉聽鳥言

紫蓋寺

朝國

汪士傑

策杖閒探紫蓋奇
白衣隨處染松脂
遊山戴雨頻浸骨
戴酒逢僧不皺眉
乘藥問人收幾種
談禪傍我坐

當陽縣志



卷之八

○三十

三尼夜深頓覺諸緣靜
疑是雪峯星見時

堆藍山

揚州彥

到處名巖推險峭
堆藍翻以樸成尊
安禪趺坐降諸衲
短髮蒼顏俯衆孫
亂石觸泉醒鶴夢
卷雲匝樹冷山魂
幾時移向清嚴裏
小結茆亭倒挂門

玉泉寺

梁山金 邑紳

欲譜名山恨未全
堆藍絕勝可人憐
細尋石路無雙

寺不讓茶經第一泉意到忘時方味佛身經劫後且
迹禪從今穩作煙霞計載酒長吟踞此巖

玉泉寺

粟引之

堆蓋不與衆峯羣涎玉沫珠眼底分雲衆鐘鼓衝斷
壑樹迴嵐氣湧層雲典刑拜指前朝陽苔蘚斜封短
碣文萬古名山誰護法歸風却憶漢將軍

知洞

狂鴻亂邑庠

當陽縣志



卷之八

〇三十

春深人事頗從容信步禪扉問北宗怪石巉峿罇虎
豹蒼藤曲曲舞虬龍佛書讀罷山花落僧鉢熟時野
客逢趺坐伊人不可見空餘洞口暮雲封

五言絕句

梳粧樓

明黎 巽 邑序

畫樓不可見
象落秋草荒
鏡作空山月
無人更理粧

堆藍

袁中道

朝自堆藍去
暮自堆藍還
堆藍無所慮
只慮林邊山

乳窟月下聽泉

袁中道

蕪陽縣志



卷之八

〇五十二

一月在寒松
兩山如畫
朗欣欣已成
行樹影寫石上

玉泉山居

袁中道

小閣挑泉
青松覆峻嶺
丁丁一夜風
泉敲在山頂

仲宣樓故址

聶登第

東景巴西
馳南極
懷北鳥空
憐倒屣
迎疇連
薦剡表

七言絕句

寒亭 在玉泉山

無名氏

朔風凜凜雪漫漫
未是寒亭分外寒
六月火雲天不
雨請君來此凭欄干

四賢堂

元劉

巽 字公敏

父子康侯朱弟兄
象山輩出號明經
直言抗疏燈籠
錦諸老遺風尚典刑

當陽縣志

卷之八

〇三十三

白社

劉巽

易貌凝鉛鈔出神
玉津不夜枕長春
灑巾白氍毹
泉隱千載高風白社人

玉泉寺行宮

明劉汝順

此地曾經鳳釐過
四時林鳥解春歌
行宮花草斜陽
畔零落珠璣遊波

報恩寺別脚僧

任翰

仲宣樓下水如煙細草平沙接梵天老去蜀僧歸
得清秋魂斷楚雲邊

子胥港

孔克孝

春漲瀰漫帶雪沉柳陰終日繫扁舟負已去其名
在都付溪翁看白鷗

玉泉寺

孔克孝

當陽縣志



卷之八

〇三十四

紫煙深鎖覆船峯泉眼飛花漱玉龍日午禪堂僧
罷隱狀天外數聲鐘

雨後自當陽赴玉泉寺

李維楨

綠樹村村初霽雨藍輿步步欲凌煙東風芳草看如
此流水桃花若個邊

又

和罷郢歌飛白雪望來蜀道上青天荷衣不礙紅塵
染自向山中浣玉泉

初得玉泉響水潭

僧正誨

到處名山策杖行歸來還愛玉泉清乞錢買得蹊三
畝流水聲中過一生

又

斷崖曲水石磷磷好向茅廬寄此身綠樹不翻紅葉
兩青山還照白頭人

紫蓋六景

白雲峯

當陽縣志



卷之八

〇三十五

白雲峰上葛鉉家僊醉瓊漿佛醉茶北望堆藍三十
里無詩空過好煙霞

煉丹井

九萬西來一色分倒含明月與星文劉剛未到葛鉉
去千載丹砂問水雲

碧霞洞

枝倒清泉飲馬時碧霞潭洞草離離靈蹤掃地無人
問唯有遠天老樹知

望佛臺

青鞋連夜和雲裁送到寒爐只有灰我輩不知屈氏
女高名猶有望仙臺

正法樓

慈尊樓望倚雲開紫蓋仙人聽法來貝葉且教遮眼
去開天香火即蓬萊

西方境

人間處處有西方着底心毫十萬長一個念頭清淨
了蓮花臺上吐清香

過當陽信宿年姪聶見龍山房

當陽縣志

卷之八

○三十六

劉楚先

旅館霜空月倍明丹楓搖落夜烏驚無端漫作羈栖
客愁聽山城漏五更

歸經玉泉

鍾惺

猶是山中九月秋來時流水夜中幽泉聲不在有泉
處曾向林蟬嶺月求

歸經玉泉

譚元春

蟬立山光山薄寒晚秋聲短應泉難出鐘秀繪深
性音在其中請細觀

登寒亭舊址

黃聖年

滿池松陰長綠苔亂山深處一菴開嵐光撲袂渾忘
却只道清寒分外來

大水謠

區懷瑞邑令

九子山中鳩亂啼合洛鎮上馬頻嘶淫霖十日沮漳

當陽縣志



卷之八

〇三十七

泛時有衙官來護隄

贊銘

關侯贊

明湘獻王

諱柏高帝第十一子

倚歟亭侯鼎與漢室劍氣凌雲精忠貫日并載英靈
永言迪吉祐我邦家軍民賴弼

壽亭侯印贊

黎巽

於赫我侯忠勇絕倫爰錫寶印遺於漢津得之者誰
洞庭漁人乃置禪房靈光若神反之祠下千年護珍

當陽縣志

卷之八

○三十八

乳窟銘有序

黎巽

唐李白謂玉泉寺近清谿諸山山洞往往有乳窟
歲深蒙蔽不可復識叅軍任山甫近得之蔓草中
淵竇殊異惜無僊人掌茶如真公所采者黎子作
銘窟旁庸紀佳勝銘曰

於戲乳窟下環清谿茗草紛披白蝠縣栖絕崖幽洞
尤多壽藤我斟玉乳共飲山僧真公安在白也烏誰
寥寥千載銘以識之

鼎銘

曰古鼎自何代紀隋煬歷千載鎮佛宮滅幽怪黑金剛永不壞

鍊塔銘

巍巍浮圖十有三級範形奇古太清凌逼淨理可了勝○所宗登攀移目頓忘西東

鐘銘

洪鐘雄雄其聲隱天嗟彼追蠡凡經幾年洗苔識篆近在宋元旣不可叩予欲無言

當陽縣志

卷之八

○三十九

釜銘

維彼巨釜淵乎其有容也誰爲大烹藉之以殮饗也爰戒佛子可使其常空空而不可使塵埃之或封也

雲板銘

誰製雲璈其聲則洪試令擊之黃鐘之宮清曉焚香夜深梵放聞此聲者永撤諸障

此耀至今嗣響者不知凡幾蓋藝文有志將以存其
實紀興廢非徒披華揆藻厚勝名場已也政教風化
攸關者即在荆莽中亟爲蒐入若夫騷人震客品類
煙霞篇章或木盡登遺珠之嘆知不免矣

青陽縣志卷之八終

青陽縣志

○卷之八

○

當陽縣志政

邑志前不可攷明萬曆丙子留後叅軍五安任公夢榛城功旣竣曾事纂修越崇禎庚午昶別駕海澄曾公應賓攝邑篆踵而新之

當陽縣志



政

〇一

時學博南海黃公聖年僭諸胄彥遍探博采書成視管稱備

清興二十季伏莽在郊舊章放佚司邑者奚暇談及文治西征一舉畏壘悉平殘編

剝簡尚越在草間丙午
檄徵當志始購求遺籍得之
劉子鴻儒笥中多散漫鎔
譌不可讀如理敗椽麤爲
補葺而已功未就也已酉
夏五月州司馬山陰

當陽縣志

○歧○

○三

婁公會縣正缺來茲土登眺
之暇喟然嘆曰涇漢沮漳
楚之望也當其古邑載伸
宣有樓子方有臺武安文
定松柏存焉俯仰今古矚
眄然以修廢爲念而邑志

尤其晉務多命小子暨我
師友哀輯前文旁搜近蹟
歷年屯兵有戰由亂就治
諸大事要爲加詳 公復
叅以罷乘錄者削之漏者
補之手編成帙授諸梓以

備輜軒之采嗟乎自丙子
至今百餘季志凡三修皆
觀成於代署者之手斯文
廢興哀不偶矣周公瑾曰
哀定多微詞有所避也牛
李有異議有所黨也是舉

也。讀書直書無黨無避則
公之大造於吾邑不徒以
簿書爲功。徵發爲能。已昔
楊堯臣諸人作唐書。歐陽
公以宋祁共事。久遂得刻
名人謂其能讓善。余小子

常陽縣志  跋

〇四

濫竽論次。俾附簡末。諒亦
諸君子遜美之意也。夫
皆

康熙捌年己酉孟冬月吉日

邑後學樂引之 

